


74-57
THOMÆ CRENI
ANIMADVERSIONES
PHILOLOGICÆ
ET
HISTORICÆ,

Novas librorum editiones, præfationes, indices, non-
nullasque summorum aliquot virorum labeculas
notatas excutientes.

CUM

*Quibusdam Josephi Scaligeri, Theodori Beze, Hadriani Ju-
nii, Hugonis Grotii, Claudii Salmafii, Andreae Riveti,
Jo. Henr. Heideggeri, & non neminis de morbo morteque
Renati des Cartes epistolis, antea nunquam editis, lectis
dignissimis.*

Editio tertia prioribus emendatior & auctior.



O X O N I I,
E THEATRO SHELDONIANO, A.D. 1699.
Excudebat JOHANNES OWENS.

7 1/2 in. Row 11

U12 p 80

NB in PA3, see an account
of Walton's Polyglott—

NB. there is a Second Part of
this Book — see Carpzov. Crit.
Sacr. PA20.

V. Bibl. Menckemana P. 120

74.67

7467


Crenius 74-57
THOMÆ CRENI
ANIMADVERSIONES
PHILOLOGICÆ
ET
HISTORICÆ,

Novas librorum editiones, præfationes, indices, non-
nullasque summorum aliquot virorum labeculas
notatas excutientes.

CUM

*Quibusdam Josephi Scaligeri, Theodori Beze, Hadriani Ju-
nii, Hugonis Grotii, Claudii Salmasii, Andreae Riveti,
Jo. Henr. Heideggeri, & non neminis de morbo morisque
Renati des Cartes epistolis, antea nunquam editis, lectis
dignissimis.*

Editio tertia prioribus emendatior & auctior.



O X O N I A,
E THEATRO SHELDONIANO, A.D. 1699.
Excudebat JOHANNES OWENS.

Typographus Lectori S.

CUM oppido pauca præsentis Animad-
versionum libri, semel atque iterum
admodum vitiose in Belgio editi, ad nos per-
venerint exemplaria; illumque, sicut alibi,
ita & apud nos, excipi cupide ac desiderari
cognoscerem; tertio eum, ipso ab Auctore
recognitum & nullibi non auctum, repetere
volui: non tam ut compendio servirem,
quam laudi; me scilicet nonnihil attulisse,
quo humaniora juvarentur. Vale.

MAJORUM GLORIA

INGENTIBUS

*Ætatemque longe supergressis, animi ingenique virtutibus
& integritate morum illustribus, optime spei & ad
magna natis*

ADOLESCENTIBUS,

Nobilissimis & doctis Dominis

D^{no}. JACOBO ARCKENBOUT

V A N

VREDENBURGH,

D^{no}. ANTONIO DE MEY,

E T

D^{no}. JOHANNI PESSERO,

Artium, quæ ad humanitatem pertinent,
& Juris Studiosis

HUNC LIBELLUM

L. M. Q.

D. D. D.

THOMAS CRENIUS.

V*Eluti magna vestra tacitus, vobisque
id minime cogitantibus, suspexi sæ-
pius ingenia æstimavique: ita devinam illo-
rum*

D E D I C A T I O.

rum circa varietatem providentiam adverti
itidem singularem plane. Innatam TIBI,
sagacissime Dn. ARCKENBOUTI,
maximeque, supra quam dici potest, in
quamplurimis necessariam negotiis, ipsisque
in Fabio saluberrimam Romanis tardita-
tem maxima soliditate compensas ingenii &
maturitate judicii ac perspicacia. Quidquid
enim agis, præsens tractas, nemoque citra ja-
cturam veritatis te incogitantia convincet &
temeritatis, juvenibus alias non infrequen-
tis. Miram neminique non notam Humanis-
simi Dn. Parentis TUI JOHANNIS
de MEY, Domini Tselmondensis comita-
tem morumque elegantiam, TU ejus fili Dn.
ANTONI politissime temperas naturali
quadam gravitate sedatioreque animo. Et
quia tecum consistere, tecumque morari di-
didisti, compositæ mentis esse, vel auctore
Annæo nostro, perhiberis merito. Ceterum
& acerrimi non raro mihi signa tui ingenii
dedisti, præsagia futuræ prudentiæ, qui
nonum & decimum vix ingressus annum
obscurissima quæque jam vides, minimeque
facilia tentas. Sunt hi certo cum indolis
experimento gustus animi procedente tem-
pore ad summum gloriæ cumulum perven-
turi. In TE vero, & antiquitate generis,

DEDICATIO

*Et gloria meritisque majorum Et tua propria
 modestia, Ornatisime Dn. JOH. PÉSSE-
 RE, tantam tamque mirificam semper vir-
 tutis indolem cum elegante Et eximio plane
 deprehendi ingenio, ut alacritate nec Tuo
 olim fratri, communi Urbis universæ nostræ
 delicio, DAMASO, ad omnia summa
 nato cedere, quin nec amplissimo Parenti
 Tuo, Viro Consularis olim dignitatis, ignea
 vi debeas. Imo utrumque, T E, debitam si
 adhibueris uniceque Tibi necessariam dili-
 gentiam, ingenio æquiparaturum non vane
 polliceor. Omnia enim, si advertis animum,
 tibi sunt in promptu atque facilia, nihil
 inaccessum. Excitatus animus, læta mens,
 magnus vigor, ingenuus vultus, corporis
 agilitas, blanda adfabilitas, Et huic non
 adeo frequens ætati solertia sicut T E
 omnibus meliore de nota commendant: ita
 cives nostros omnes fere nobilitate, divitiis,
 suavitate jucunditateque præstas. Hæc
 me adlexerunt jamdudum in vobis anim-
 adversa, ut pueritiæ vestræ blandimenta si-
 nu quasi paterno atque adfectu meo fove-
 rim, vosque bonis artibus, litteris atque
 scientiis instruxerim pro modo virium Et
 captu vestro. Neminem nostrum fugit plu-
 rimum adjuvari bonam indolem, si inter*

D E D I C A T I O.

docentes ac discentes mutua quædam sit & suavis animorum propensio, ita ut Magister in discipulum paternum, discipulus autem in Magistrum filialem plane induat adfectum. Ubi enim mutuum hujusmodi pro adfectu regnat odium, ibi frustra laborari utrimque minime dubitandum est. Neque enim ea, qua par est, fidelitate docere præceptor eum potest discipulum, à quo se contemni scit aut odio aut ludibrio haberi. Neque discipulus ea, qua oportebat intentione, Præceptori auscultat & obtemperat, quem ipse in animo suo adspernatur & odit, deque quo non optima sibi pollicetur. Propterea Agasicles Rex ille Lacedæmonius, eorum se discipulum esse velle agebat quorum esset & filius. Significans, non minus interesse quos nactus sis parentes, quam quos adsciscas Præceptores. Ceterum quam benevolo hætenus soloque paterno minore vos dilectionis adfectu prosequutus fuerim, scitis ipsi; declararunt eum vobis meæ non incognitæ nec ingratae actiones, quin nec exuam in posterum. Ipso ex illo quoque præsens hæc nascitur libelli dedicatio solo vobis obferentis animo æstimanda. Attendistis mihi hætenus, ego docui vos bonas artes & litteras, eamque in curam tota
mente

DEDICATIO.

mente omnique impetu animi incubui, ut vos, quod quidem possem, doctos eruditosque quam facillime redderem. Jam Vale vobis dico tradoque Academiis. Magna sunt sanguinis vestri nomina, magnam domesticæ laudis & gloriæ sustinetis expectationem. **VOBIS** enitendum est, ne Majorum cuiquam vestrorum concedatis. Citra controversiam è veritatis Republica est, quod in secundo de Officiis, cap. XIII. Tullius ait: Si quis ab ineunte ætate habet causam celebritatis, & nominis à patre acceptam; in hunc oculi omnium conjiciuntur, atque in eum, quid agat, quemadmodum vivat, anquiritur: & tanquam in clarissima luce versetur, ita nullum obscurum potest nec dictum ejus esse, nec factum. Excitet hoc ipsum vos omnem ad virtutis ardorem, amoremque eruditionis. Inardescat vestra his igniculis generosa indoles. Quis enim est generosus? *quærit in XLIV. epistola Romanus sapiens Annæus noster, & ibidem respondet: ad virtutem bene à natura compositus. Quare nomen hoc præclare tuetur hæc vestra indoles, ita ut vere de vobis ejusdem è XCV. epistola sapientis verba usurpare possim: Pars naturæ vestræ est, esse bonos: ita quidem egregiam fortiti indolem,*

DEDICATIO.

dolem, in ea, quæ tradi solent, perveniunt
fine longo magisterio, & honesta complexi
sunt, cum primum audierunt. Unde ista
tam rapacia virtutis ingenia, vel ex se ferti-
lia? At illis aut hebetibus & obtusis, aut
mala consuetudine obsessis, diu rubigo ani-
morum effricanda est. Gratulor itaque &
virtuti vestræ, & Academiis nostris gau-
deo, quod dignæ visæ sunt conspectu vestro:
ad excitandas has ingenii vestri scintillas,
suis institutionibus, ut brevi lucidissimam
flammam per totam patriam proferant pie-
tatis, temperantiæ, modestiæ, gravitatis,
sapientiæ; quæ omnia, quo majora sunt,
eo magis vos onero dicta exspectatione vene-
rabilium parentum, avunculorum, cognato-
rum, tutorum, omniumque hominum;
quam, ut confido, non falleris: & efficie-
tis, ut hæc non adulanter, sed vere scripta
esse homines videant. Valete, continuatio-
nemque harum Animadversionum, DEO
propitio, exspectate propediem.

THOMÆ

1

THOMÆ CRENI
ANIMADVERSIONUM
PHILOLOGICARUM
ET
HISTORICARUM

CAPUT I.

S. I. **Q**UAM ingens Reipubl. litterariæ novis
suis quibusdam editionibus Typographi
attulerint damnum, ante oculos atque in
conspectu eruditorum est, & pii ac boni
omnes ubique deplorant. Hi quippe, libris in eden-
dis avaritiæ suæ, & minime egregio publico servien-
tes, quando vident, brevi hoc vel illud tempore scri-
ptum aliquali pretio divenditum, spretis doctorum ju-
diciis, falcem in alienam messem immittunt; novam
editionem, vitiis Typographicis, quæ in priore oc-
currebant, non solum retentis, sed & ob defectum
idonei Correctoris, (cujus operam, ut sumtibus par-
cant, non desiderant,) infinitis de novo additis, re-
fertissimam extrudunt; &, quod omnium pessimum
est, mutilam, depravatam, hiantem, non sine arcano
quæstus.

A

quæstus. Ut enim tanto felicius malam suam emptori novam ingerant editionem, multa veteri exemplo maxime necessaria, ut hæc nova minor in chartis & pretio evadat, demunt; clavemque libri, indicem, & præfationem ceu summam & argumentum scripti, imperite omittunt.

§. II. Centurias Magdeburgenses, opus ob Historiam Ecclesiasticam lectione dignissimum, præfationibus longe utilissimis librarius spoliavit Basileensis Ludovicus Rex, vel potius M. Ludovicus Lucius, Basileensis Academiae Professor, in editione Basil. M. DC. XXIV. omisis quoque, quem in finem nescio, ipsis auctorum nominibus; nisi forte, ut videri possit proprium. Veterem Hamburgensem pretiosi Theologiæ Exegeticæ thesauri, Scholæ Propheticae B. Daniel. Crameri editionem anni MDCCVI. in 8vo qui cum recentissima in 4to permutat, detrimentum facit, ob omisas præfationes. Friderici Balduini Wittenbergensis Theologi commentarius in tres ultimos minores Prophetas, B. Joh. Schmidii expositioni Prophetas in minores subjunctus, præfatione editioni in 8vo veteri præmissa destituitur. Deprehendo & id in Jo. Crocii commentariis in Epistolas Pauli in fol. editis, ut è re sit, ob præfationes, exempla in 8vo retinere vel comparare. Eadem fors obtigit magni illius Jo. Hulsemanni animadversionibus in Bellarminum, quarum novæ editioni in 4to Dnm. Lipsenses Theologos non melius advigilasse, eruditi mirantur. Topicam Calvinianam amplissimi Theologi B. Jo. Christophori Seldii secunda vice edidit ejus gener, sed sine præfatione veteri exemplo in 12mo ad Sereniss. Servestanum Principem erudite præfixa; quæ negligentia in Viro docto minime ferenda. Tantum enim abest, ut elaboratissima & sancta horum optimorum Theologorum scripta sint abolenda

abolenda vel negligenda, ut potius omnes omnium bibliothecæ, vel ad tantorum Virorum fragmenta in pluteis hinc inde delitescencia extrahenda, investigandæ sint, tanto ne mundus defraudetur thesauro. BB. Mentzeri & Iusti Fewrbornii Operum novam editionem Francofurtanam memorare pudet me: tam misere enim maximorum Theologorum utilissimos tractatus Typographi curârunt, ut vix legi mereantur. Incomparabilis Henrici Hopfneri scripta vellem in attentiores incidissent editorem; sic enim non tam multa prætermisissæ fuissent, ut in editione Lipsensi factum.

§. III. Henrici Stephani magni illius litterarum Græcarum vindicis cura, sumtu, ac elegantissimo typo in forma 12 anno M. D. LXXVI. Novum Testamentum Græcum prodiit, cui elegantissimam, multa admodum scitu necessaria continentem, præfationem præmisit: hanc usque adeo insequentes neglexerunt Typographi, ut, licet vel millies ab eo tempore Novum Testamentum imprefferint, nemo tamen iis ex omnibus vel particulam illius præfationis nobis dederit; nisi quod Balduinus Walæus, Antonii filius, Federat. Belgarum ad Potentiss. Galliar. Regem Legationi à sacris, eam, non tamen integram, dedicationeque omissa, suis Novi Testamenti Libris Historicis, perpetuo Commentario ex Antiquitate, Historicis, Philologia illustratis, & Lugduni Batavorum in 4to MDCC LIII. excusis, præmisit. Usque adeo vetera utilia & elaborata scripta excutiuntur è manibus hominum & abolentur paullatim: quod quam multi velint, ex Laurentio Villavincenio Augustiniano patet, qui utilissimum opus Andreæ Gerhardi, à patria Hyperii, de ratione studii Theologici totum suppilavit, & sub suo nomine (mutatis tantum atque omisissis illis, quæ Pontificios tangebant)

tali, ut majore non posset, plagio edidit. Neque enim tantum *vitula*, quod Hottingerus in part. I. Bibliothecarii, cap. IV. §. V. m. 73. putat, *aravit Hyperii Villavincientius*, sed totum transcripsit sine ulla mentione Hyperii. Theodori Bezae Praefationem, anno M. D. LI. ex Academia Lausanensi scriptam & Jo. Calvinii Commentariis in Epistolas Pauli praefixam, frustra quaeris in editione Jo. Crispini anno M. D. LII.

§. IV. Anno M. D. XCIV. edidit Joannes le Preux Bibliopola Parisiensis, utiliores forte, quam ignara earum juvenus putat, Phrales Aldi Manutii, Paulli filii, cum doctissima praefatione Joannis Caselii, immortalis memoriae Viri; in qua de ingenuarum litterarum pestibus, nimirum quod tantopere aut Latina Lingua negligitur, aut aliter, quam fieri conveniebat, discitur, atque non tantum ab adolescentibus, sed & ab iis, qui ejus se egregios magistros profitentur, tractatur, solide, quod solet ille, & admodum erudite cogitat. Hac epistola vel dissertatio veluti non cara auro contra est, ita minime supprimenda, quin vel sola in usum juventutis excudenda erat, quam tamen stupida ignorantia & dissoluta incuria in omnibus insequentibus editionibus omissam non sine cordolio vidi. Joan. Mantelius editioni Antuerpiensi anni M. DC. XLII. vitam Nicasii Baxii Augustiniani, quem Phrales Manutii auxisse in inscriptione ait, praemittere maluit potius, quam utilem istam ac doctam Caselii praefationem. Desumpsit tamen istam praefationem le Preux ex editione superiori seculo Coloniae M. D. XCIII. in 8vo publicata, in qua sola istam offendi. Ceteris Typographis aliquos in eam impendere sumtus operae pretium nullum visum fuit; sicuti nec Petro Carpenterio, Antuerpio, Roterodamensis scholae Rectori

ri olim, qui Aldi Manutii Phrases tabulis delineavit & aliquoties curavit. Nos inferuimus eam parti I. nostr. Methodor. studiorum Cll. Viror. n. V. p. 150. Carolus Labbæus Petr. Pithoei Operum editor, omisit ejus Præfationem in Itinerarium Hierosolymitanum. Janus Lascaris emisit Maximi Planudis, Monachi Græci, Conlectionem Epigrammatum Græcorum, è Meleagro scil. Philippo, & Agathia, (de quibus vide Salmal. in Solin. p. m. 596. a. C. D. edit. Traject. cio dc LXXXIX. in fol.) quam Petro Mediceo Reipubl. Florentinæ Principi dedicavit; quæ dedicatio posterioribus in editionibus, Typographorum avaritia, omissa est.

§. V. De Johanne Veenhusio Bremensi, celeberr. Jacobo Thomasio & Christoph. Cellario, mirari subit, quî factum, quod, cum Plinii Epistolas satis accurate recensuerint, Aldi Manutii & Andreæ Cratandri præfationes neglexerint, quæ præfixæ leguntur editioni Plinii Epistol. Lugduni excusæ in ædib. Laurentii Hilarii sumtu honesti viri Vincentii de Portonariis de Tridino, de Montferrato M. D. XXIX. Partem dedicationis Aldinæ admodum brevem recenset in p. 8. præfationis suæ dictus Thomasius, quæ, quod illa non destitutus fuerit, indicat. An vero hanc Cratandri habuerit, dicere non habeo. Basileensis utriusque à Cratandro excusæ editionis Plinii memorat idem, p. 10. Apollonium Collatium Lugduni Batav. anno cio io LXXXVI. Vanderburchius *re-*
cudi non secundo, quæ ejus verba, *fecit*; sed quarto. Editus enim primum, ut puto, in Italia erat; deinde à Gagnæo Parisiis cio io XLVI. repetitus; tertio à Bignæo Bibliothecæ Patrum inditus, id quod nec iple Vanderburchius celat; quarto ab hoc tandem reproductus. Hic Vanderburchius in præfatione incertum esse, quo tempore vixerit, ac à Margarino sub

septimo Centenario locatum fuisse, proficitur. *Ma-*
la autem cum posteritate fide egit, ait b. r. Christianus
 Daumius Philologus diligentissimus, p. 27. Epistol,
 Reinesii ad Daumium n. IX. *Gagnei si qua præfatio*
adfuit, mi non dubito, (præfixit enim tales ceteris à se pu-
blicatis,) eam suæ editioni non addens. Dionysii Petavii,
 Aurelianensis Jesuitæ, dedicationem Rationario Tem-
 porum in editione Parisina præmissam tanti non æsti-
 mavit nuperus editor Franequeranus, ut in sua edi-
 tione vel minimam ejus curam habuerit. Quanto
 prudentius vero hac in parte se gessit ὁ πᾶν Grævius
 amicus noster, quippe qui suo veterum in Suetonium
 interpretum præfationes Commentario indidit inte-
 gras. Antiquior autem editio Suetonii anni CIO IOC
 LXXI. emendatior est nova de anno M. DC. XCI. in qua
 & elegans Dni. Grævii dedicatio, qua Episcopum Pa-
 derbornensem honoravit, omissa est, etsi loco ejus alia
 Seren. Elect. Brandenburg. facta, substituta legitur.
 Jamdudum doluit eruditis, doctissimum Janum Gru-
 terum præfationibus privasse plerumque tractatus il-
 los, quos uno sex tomis distincto corpore complexus
 est, ad Lampada sive facem Artium Liberalium, hoc
 est, Thesaurum Criticum inscripsit, Francofurti an-
 no CIO IOC II. & sequentibus in 8vo editos. Cui Lam-
 padi forte aliquando oleum suffundemus, si DEUS,
 Valetudo & Typographi nobis non deerunt. Aucto-
 res dicto in Thesauro Critico contentos enumerat
 Caspar Scioppius in Consultat. II. de Scholar. & stu-
 dior. ratione, cap. xxxv. p. m. 334. edit. optimæ Ro-
 terodamens. quam Nos anno M. DC. LXXXII. dedimus
 in 4to. Non est contemnenda, suo quan de Origi-
 nibus Latinæ Linguae multum ad humanitatis studia
 scripto facienti præmisit, dedicatoria epistola Chri-
 stiani Becmanni Bornensis de anno CIO IOC VIII: nul-
 lum

Iam tamen in recentioribus, quas nobis Francofurtum in numero dedit, editionibus locum invenire potuit. Prima si quem deficit editio, supplere defectum in novis suis libris poterit dicti è Becmanni Epistolis Hanovix impressis anno M. DC. XIX. in 8vo; quippe in quarum pagina 13 laudata habetur epistola. Sunt & præter epistolas eodem ibidem anno reliqua ejus non inutilia opuscula, ut *Schediasma Philologicum*; *Apologia pro eodem*; *De usu Logices*; *Exegesis Psalmi LXXXI*; *Orationes, Dissertationes & Poëmata*; junctim edita. Succenseo Rudolpho à Zijl, quod eruditam Josephi Scaligeri ad Cl. Puteanum, Consiliarium Regium in suprema Curia Parisiensi, præmissam præfationem editioni Catulli, Tibulli, Propertii Bibliopolio in Commeliniano CIO IDC. impressæ abjecerit, nec suæ Trajectinæ de anno CIO IDC LXXX. inferuerit.

§. VI. Quæ omnia à nobis eâ fini adducuntur, ne novis nimium fidat incauta juvenus editionibus. Πολυμνηστὴς Erasmi Roterodami Adagiorum (amplissimi illius Philologiæ campi, quo nemo carere potest Latinæ Linguæ paullulum studiosior; utpote in quo eruditio multiplex, omnia grata, elegantia, aut ipsæ potius Gratia, sales, dicteria, gemmæ, lumina, denique *Ætica Musa*, *Copiæ cornu*, *Ilias bonorum*, ut Adagiorum illud opus Conradus Gesnerus in fol. 198. Bibliothecæ suæ adpellitat) diversæ, & variæ repèriuntur editiones. Frobeniana citra controversiam est emendatissima. Edidit & Henricus Stephanus è Typographeo suo; cui multum tribuo. Nova editio, quæ typis Wæchelianis & sumtibus Joannis Pressli M. DC. XLVI. prodiit, omnium est corruptissima, licet ceteris, & quoad ipsas præfationes, locupletior: nam adjuncta sunt Erasmi Chiliadibus Cognati, Junii, Brassi-

cani, Ulpii, Petri Godofredi, Canteri, Gifselini, Henrici Stephani, Corocottæ, Polydori Virgilii & aliorum Auctorum proverbia & adagia. Ita ut recentior editio quidem sit, uti dixi, locupletior; at vetus correctior: quod mirum non est, cum palam sit, longe majori studio & diligentia superiore, quam hoc ipso libros impressos esse seculo. Quod chartarum & typorum elegantia vincamus, nemo negat; sed quod & plurimos parum emendate impressos legamus libros, ipsa quoque impudentia in dubium vocare non potest. Sic editio Epistolarum Erasmi Frobeniana, editione Londinensi, & ceteris longe melior est & correctior: multis enim mendis Anglicana hæc scætet, quamquam aliqua parte locupletior. Index huic operi subjectus utilissimus est. Ciceronis opera II. Voluminib. Hamburgi in fol. anno MDCCXVIII. impressa cum Londinensi eorum editione M. DC. LXXXI. ab Adamo Littletonio curata, vel ob omissa capita non permutarem. Vetus Julii Cæsaris editio, quam cum notis varior. integris Cl. Gothofredus Jungermannus Lipsiensis Francof. M. DC. VI. in 4to curavit, correctior est altera multis in locis, etsi auctior & comitior in titulo vocetur. Est quidem sane hæc secunda Francof. MDCC LXIX. impressa editio, ob additam in fine Jos. Scaligeri Notitiam Galliæ depromptam ex editione Elzeviriana, & Aldi Manutii brevem de Galliæ divisione commentationem, aliquo modo auctior, & ob additos versus vel incisa, in priori omissa, non solum comitior, sed & utilior: at quia præfatio ad Lectorem eruditissima, in qua de totius operis ratione cum cura differitur, scæde prætermissa est, multaque *σφάλματα* in auctore ipso & notis admissa, utramque cum damno rei familiaris comparare cogimur. Hoc à præceptoribus

ceptoribus docenda est studiosa juvenus, ut noscat bonos auctores, utiles libros, & optimas editiones; discatque talia sibi mox sub initium studiorum comparare exempla, quibus tuto fidere, & per totam vitam magno cum emolumento uti possit. Monstrant id non infeliciter Jo. Henr. Boeclerus in de Scriptoribus: Celeb. Dn. Olaus Borrichius in de Poëtis: Cl. Dn. Martinus Hanckius de Scriptoribus: Eruditiss. Dn. Daniel Georg. Morhofius in Polyhistore: Jo. Andr. Bosius, acerrimi Viri judicii & infinitæ lectionis, in de comparanda prudentia juxta & eloquentia civili; item in Introductione Generali in notitiam rerum publ. Orbis universi; & in Schediasmate nunquam satis ob utilitatem laudando, de comparanda notitia Scriptorum Ecclesiasticorum: Jo. Henr. Hottingerus, Theologus olim Tigurinus & Heidelbergensis, in Bibliothecario: Jo. Albertus Fabricius in Bibliotheca Latina, sive Notitia Auctorum Veterum Latinorum, quorumcumque scripta ad nos pervenerunt, Hamburg. 1697. in 8vo. Faciunt huc etiam Catalogi de Bibliothecis Virorum eruditorum, ut per auctionem distraherentur publice, facti; v. c. Pauli Junii, Lugd. 1670. publicatus. Nicolai Heinssii, qui anno 1682. prodiit. Adriani Pauwen, qui Hagæ 1654. & 1656. editus; in quo multi & selecti libri. Marci Zuerii Boxhornii, Joannis Coccii Eloquentiæ & Historiar. in Academ. Lugdun. Professoris, Abrahami Heidani, Jacobi Oisellii, forte & Petri Serarii, aliorumque. *Ex inspectione enim, quod recte monet harum rerum adprime prudens Dn. Morhofius, primo Polyhistoris, c. XVIII. p. 214, talis catalogi statim patet viri industria & judicium in bonorum auctorum selectu instituendo.* Mirari vero subit, ut hoc obiter dicam, ipso in adducto capite, ubi Catalogorum scriptores recensentur, Summæ librorum
Academiæ

Academiae Venetae M. D. LIX. in Academia Veneta impressae nullam plane mentionem fieri. Doctissimum Virum forte non fugit haec Summa, sed non venit in mentem; quod nemini non Scriptori contingit.

§. VII. Ceterum ne Typographi nos fluctus in simpulo excitare, reinque leviculam esse, praefationes omittere, ajant; operae pretium est audire Jo. Henr. Hottingerum, Virum variis lucubrationibus cedro dignissimis celeberrimum, cujus in Part. I. cap. VII. Bibliothecarii p. 119, 120. verba haec sunt. *Ὡς δὲ* praefationibus aliquid ἐν παρρησίᾳ moneamus, miror de illis, earumque usu, adeo paucos haecenus fuisse sollicitos. Cum antehac, animi recreandi gratia, post sumtum statim cibum, ad lectionem praefationum cursoriam accessissem, adeo necesse illo fui allectus, ut aegre a consuetudine illa potuerim avelli. Vidi enim ibi unitam quandam virtutem, & majorem nonnunquam in paucis pagellis, quam vastis voluminibus, *θεσβότητα* thesaurum latentem, sed a paucissimis observatum. Styli, ut plurimum, ibi vernans, imo florentissima observatur elegantia; usque adeo, ut ab eruditissimis sit animadversum, vel tres Praefationes, Calvinii in Institutiones, Thuani in Historiam, Casauboni in Polybium, omnem ferme exhaustire Latinitatem, & formandi styli exemplum praebere. Ut vero admirari quidem possumus, debemus etiam, styli in praefationibus istis fastigium; ita & rerum in iisdem reperias adparatum eximium, historicum, theologicum &c. Nam & Ille antiquitatum suffragio cumulate probat, novitatis nomine immerito nobis conflare invidiam; & Ille aperte condocescit, sanguine Martyrum Ecclesias non, quod intendebant adversarii, extirpari, sed feri potius & plantari. Abstinentiam ergo ab hoc esse rigore, & aliam excutiendam quercum. Haec Hottingerus. Quid est praefatione quatuorvirum Tomi
seu

seu Centuriæ I. Magdeburgens. celeberrimus Dorscheus eliciat, legi apud ipsum potest in utiliss. præfationis Latroni Theologo præfixæ pagina 33. Non præter rem Vir post hominum memoriam in litteris vere magnus Desiderius Erasmus Roterodamus in Catalogo Lucubrationum suarum, seu epistola Dno. Joanni Botzhemio J. U. D. & Canonico Constantiensis scripta, maleque, ut plurimæ aliæ, quæ vel penes me sunt, in Epistolarum ejus opere Basileæ anno M. D. XXXVIII. per Frobenium edito prætermisissæ, de scriptis suis omnibus in tomos digerendis agens, ait p. m. 70. (qui tamen paginarum numerus à mea manu additus est) editionis Antuerpiensis anno M. D. XXXVII. in 8vo. *Nolim omitti Præfationes; quæ declarant, quid cuique dicatum sit. Et post pauca. Ad-di velim Præfationes aliquot dedicatorias, quas Typographi suo arbitrari solent vel omittere, vel mutare. Talis est præfatio in Opera D. Hilarii & Cypriani; in Lexicon Græcum: Epistola ad Joannem Paludanum addita Panegyrico ad Philippum: Præfatio addita libello de Principe ad Ferdinandum Caroli Fratrem, aut si quæ aliæ videbuntur indignæ, quæ pereant.* Hæc legens indignor negligentiam Erasmi, quod auream suam paucisque ex eruditioribus quoque cognitam de Proverbiis epistolam dedicatariam, Adagiorum operi sive Conlectaneis Argentorati per Matthiam Schurerium Selestensem anno M. D. XVII. in 4to evulgatis præmissam, satis longam ac eruditam, aliis in exemplis omnibus postea excusis omiserit ac fusque deque habuerit. Neque enim compareret in octavo & vigesimo Operis Epistolarum Erasmi libro, in quo ceteræ habentur præfationes ejus. Sane non omittenda erat vel hic, vel in nova Francosfurtana Adagiorum editione, ceteris Erasmi dedicatoriis Epistolis doctrina & eruditione si non prior,

prior, at saltem non deterior. Ergo illa ceu excellenti bono gaudeo & fruor.

§. VIII. Similiter non temere sed merito succensco curatoribus Vossii Institutionum Oratoriarum Marburgensibus, qui præfationes veteribus, ut Dordracenæ, & aliis editionibus à Vossio eleganter præmissas omiserunt & seculo inviderunt. Cl. Dn. Jacob. Thomasius in abs se Mureti Orationum & Epistolar. curata editione Lipsiensi præfationem Jacobi Rosetti Venetam, Ingolstadiensem M. Joannis Cræselii Vilseccensis, & laudatissimæ, dum viveret, industriæ Viri, ut ille ipse Thomasius vocat, Joannis Friderichi Lipsiensem prætermisisse, male eruditos habet. Condonaremus ipsi hoc, si non ad manus habuisset, aut Typographus sumtus vel crassitudinem libri, aut aliud quid, quod solent illi, causatus, nolisset repetere; sed, quod ipsi *non necesse visum addere, quidquid alienarum præfationum uspiam compareret*, indictum malle-mus. De cetero magnam ejus non solum Mureti, sed & Manutii epistolarum editio meretur laudem; sicuti & illius ipsius præfationum sub auspiciis disputationum in Academia Lipsiensi recitatarum argumenti varii liber, quem erudito cum seculo communicavit: adclamamus illi isto pro labore Theocriti illud, *μεγάλη χάρις αὐτῷ*. Etsi non ignorem Cl. Morhofium existimare in c. I. p. 20. Collegii Epistolici, *Thomasius, si verum fieri velimus, novissimæ Manutii Epistol. editioni Lipsiensi non multum diligentie impendisse*. Sicut nec forte Boxhornii epistolis ab ipso Lipsiæ curatis. Præstat tamen Præfatione Amstelodamensem CIO IDC LXII. Superiore seculo M. D. XX. Parisiis de la Barre Præfationes, Prælectiones, & lepidissimas Orationes optimorum disertissimorumque politioris

politioris litteraturæ procerum, Philippi Beroaldi & Hermolai Barbari, communem ad studiosorum omnium emisit usum, in quas qui incidere potest, felix est. Joannis Passeratii, Eloquentiæ Professoris & interpretis regii, Orationes & Præfationes Francosurti impressæ sunt in 12 anno M. DC. XXII. quæ eloquentiæ studiis adprime utiles, jucundæ ac pernecessariæ. Joannis Sturmii præfationes sub titulo Prolegomenorum in unum corpus conlectæ, Tiguri editæ sunt; in quibus, ut editor Toxites recte sentit, sunt multarum artium rerumque optimarum insignes loci, quarum usus non minori cum utilitate, quam judicio explicatur. Hic de Dialecticis, de via intelligendi Platonis Dialogos, de imitando Cicerone, de contentione inter Erasimum & Longolium orta, de verborum ἀναλύσει ac delectu, de lectione Ciceronis, de Demosthenis atque Æschinis discrimine, de dicendi artibus, de Historiæ utilitate, multa proponuntur. Sunt & in Tomis Declamationum & Intimationum Wittebergæ superiori seculo sub initium reformationis habitarum nonnullæ præfationes, quæ ut cognoscantur, rei Theologicæ & litterariæ interest. Quam rari autem dicti Declamationum & Intimationum, id est, programmatum Tomi in Bibliothecis Belgicis, ubi alias maxima rarorum & selectorum librorum copia, sint, Catalogi indicant, in quibus me illorum titulum hactenus legisse, nisi semel, non recorder. Leguntur & Pauli Benii Eugubini Præfationes non ineruditæ LXXV. ejus Orationibus subjectæ & Venetiis excusæ anno M. DC. XXV. in fol. Dionysii Petavii, Aurelianensis Jesuitæ, primus epistolarum liber meris è præfationibus constat.

§. IX. Herm. Conringii Epistolæ prodierunt Helmestadii in 4to junctim, quæ prius sparsim editæ

tæ fuerunt, & librorum frontispiciis præfixæ. Ejus enim Viri celebritate commoti multi, qui monumenta ingenii publicarunt, ipsius operam sollicitaverunt in præfationibus operibus suis præmittendis. Eas unum in corpus postea redegit, quo continentur multa Theologica, Historica, Physica, Politica, Philologica, prout argumenta librorum se ipsi obtulerunt. Adjecit quoque librorum suorum præfationes, quod olim quoque fecit Ericius Puteanus, qui è præfationibus & dedicationibus librorum, quos ipse confecerat, peculiare syntagma collegit, sub titulo *Pompæ Prosphonetica*, usui forte futurum singulari illis, qui dedicatorias epistolas scribunt. *Consilium non adeo spernendum*, subjicit Dn. Morhofius c. XXIV. primi Polyhistoris Litterar. p. 297, *si quis corpus aliquod selectiorum dedicationum ex variis auctoribus collectum conficeret. Solent enim in iis cumulari floridi styli argumenta, enthymemata encomiastica, quorum præcipuus in orationibus Panegyricis usus est; ne quid dicam de usu illo in argumentis librorum quasi summaria notitia cognoscendis.* Et hæc de præfationibus.

§. X. Veluti vero novi librorum editores in principio, ita & in fine demendo, vel non addendo indices suis editionibus, multum in utilitatem publicam peccant. Nam non solum illos confici non curant, sed nec ab aliis confectos addi volunt; ea mente, ut viliori suum exemplar pretio vendere possint, ac is, qui plures huic libro sumtus, ut lectori & juventuti profit, excudendo fecit. Omnes in Belgio excusi sunt Romani Scriptores nitidissime, sed paucissimi cum indicibus; & qui additi sunt indices, non sumtibus Typographorum sunt confecti, (de hoc enim sibi cavent vel circumspectissime;) at expressi è Germanorum libris, quos recuderunt, nisi forte

forte unum optimi Bernecceri indicem in Suetonium uberrimum excipere velis, de quo doctiss. Grævius in præfat. monet, *quod illum à Bernecceri generi, Joannis Freinsbemi, heredibus ære suo Typographus comparavit.* Addidit tamen & optimæ suæ editioni Ultrajectinæ Juvenalis de anno CIO IOC LXXXV. plenissimum indicem Cl. Dn. Henric. Christian. Henninius. Quo ipso præstat editioni eadem ex officina prodeunti CIO IOC LXXX. Catulli, Tibulli & Propertii, qua in diligentissimo ab Horatio Tuscanella concinnatus index plane omissus est. Et vel hoc solo nomine commendo editiones Romanorum Scriptorum Parisiis in usum Delphini impressas; in quibus tamen hoc arcanum adhibuerunt, quod indices ita confecerint, ut tantum illius exemplaris paginis responderent, nec recudendis aliis exemplis interservirent; inde neque libros, neque capita, neque versus, sed tantum paginam, & postmodum versus in pagina notârunt. Cum vero ingentibus illis malis, quæ ex hac Typographorum avara ignorantia redundant in scholam & ecclesiam, occurrivatorum consiliis nequeat; considerare ea Magistratus & Scholarum curatores decebat, & dare operam, ut coereretur licentia ista, & prohiberentur promiscuæ divulgationes libellorum studiis juventutis destinatarum. De Plinio, quem in Delphini usum Joannes Hardouinus edidit, judicat in ad Lectorem præfatione incomparabilis parentis sui novæ *Pecunie Veteris* editioni præfixa soli secundus parenti Dn. Jac. Gronovius. Qui idem & in præfatione Ciceroni à se edito Lugduni Batav. M. DC. XCII. præmissa ita de Cicerone in usum Delphini: *Sed, inquit, neque ullo genere adprobare poteram laborandis genus, quod Serenissimo Delphino sustinent offerre Galli.*

Præ-

Præterquam enim quod nihil prorsus ad poliendum Ciceronem in locis etiamnum dubiis adferunt; tum illi, quibus iste labor commendatus est, non videntur tales esse, ut illos egregios, & ad hanc rem necessarios profectus in bonis studiis collegisse sint putandi. Ut verbo dicam; non Geographica, non Historica, non Latina ullo bono more illic administrantur. Nec opineris quidquam à me temere ad iniquam detractionem dici. In promptu ea exhibentur per singulas paginas adfatim multa. Quere, Unde producant Æschylum Cnidianum; Ut Reate dicant Umbriæ Urbem; Ut Clitomachum faciant Calchedonium; Ut Sicyon statuatur Urbs Peloponnesi in Græcia Corinthum inter & Athenas. Ita crimine ab uno disce omnes. Quin & in interpretandi modo regnat mera vanitas aut ignorantia; nec quale vel cuius nomen citetur, nec utrum Ciceronis verba an aliena & supposititia tractent, modo ipsis non displiceant, quidquam discriminis aut curæ habent.

CAPUT II.

S. I. *Postquam semel atque iterum superioris in incisio Capitis, septimo scilicet & sexto, Cl. Hottingeri meminimus, placet hic in Lectoris gratiam subijcere epistolam nunquam antehac, quod ego sciam, impressam doctissimi Theologi Jo. Henr. Heideggeri, quam de obitu Hottingeri scripsit ad amplissimos Academiæ Lugduno-Batavæ Dnn. Curatores, sic se habentem:*

*Magnifici, Amplissimi, Nobilissimi & Consul-
tissimi Viri.*

“Non esse cogitationes DEI, cogitationes hominum, nec vias DEI, vias hominum, post innume-

“ra

" ra experimenta docuit nos recens illud quidem, sed
 " funestum, si quod aliud, & lugubre eheu ! nimis
 " subitum nimirum & flebile fatum, quo Deus re-
 " rum nostrarum summus Arbiter, Coronam nobi-
 " lissimam Ecclesiæ & Civitatis nostræ; Vestræ etiam,
 " siquidem ita DEO cordi fuisset, Academix to-
 " to orbe celeberrimæ futurum immortale decus &
 " delictum, Virum omni exceptione majorem D.
 " Joh. Henricum Hottingerum humanis cœtibus exe-
 " mit. Equidem tam triste rei nuncium invitæ pla-
 " ne & cum horrore quodam porto : & abstineram
 " lubens, nisi Superiorum, qui referre putârunt, au-
 " thoritate ea mihi provincia, ut tragici hujus nego-
 " tii series Vobis quantocyus panderetur, injuncta
 " esset. Ex quo Amplissimi Senatus nostri Proceres
 " post longam & anxiam deliberationem ardentissi-
 " mis tum Vestris, tum Illustrum ac Præpotentium
 " D D. Ordinum, Virum illum Clarissimum am-
 " bientium, votis annuere decreverunt, mihiq; ejus
 " in schola patria vices explendas imposuerunt : ni-
 " hil quidem prius & antiquius habuit o *Margellus*,
 " quam ut vasa colligeret, & Deo in vota vocato, se-
 " cundo ad vos Rheno, cum charissima familia de-
 " flueret. Dicit enim non potest, quam serio il-
 " le & sancto desiderio flagraverat, tam illustrem,
 " quam fortitus erat, spartam quamprimum capeffen-
 " di & pro virili sua exornandi. Jamque cœperat
 " amicis valedicere, ne post acceptas Leida literas,
 " quas præstolabatur ante meditatam discessum, mo-
 " lestus ille circuitus remoram ullam injiceret. U-
 " num supererat impedimentum, quod anxio pecto-
 " re diu versaverat. Prædium nempe possederat dua-
 " bus circiter à Civitate leucis, proxime Limagum
 " nostrum situm, quod, cum absente familia com-
 " modo

" modo suo coli & exerceri posse desperaret, No-
 " bili Toparchæ vicino collocare instituerat. Igitur
 " die quinto Junii decimam inter & undecimam an-
 " temeridianam se commisit cymbæ juxta cum con-
 " juge, duabus filiabus, filio & ancilla, comitante
 " etiam Nobilissimo Schnebergero, nec non Rev.
 " Dom. Adfine Freigio, propitio anne ad prædium
 " descensus, & Nobili illud Toparchæ honesta
 " conditione collocaturus. Sed cheu! cum vix
 " unius teli jactu navis à Civitate abesset, allisa palo,
 " quem intumescens aquæ texerunt, ut ab infelici
 " nauta non observaretur, subito mersa navigantes
 " omnes excussit; & eo quidem loco, quo fluvius
 " rapidissimus, procellosus & vorticibus sinuosis re-
 " fertus, quin & ab hominum conspectu remotus.
 " Ipse quidem Clar. Hottingerus, nec non Adfinis
 " Ven. & Nobilis, natando ad vadum eluctari jam
 " videbantur extra discriminis aleam positi. Ve-
 " rum cum & conjugem & optimos liberos in su-
 " mo vitæ periculo versari & misere jactari cerne-
 " rent, nec exaudirentur perichitantium clamores,
 " denuo fluvium, dextram iis porrecturi, petièrunt.
 " Eam operam dum navant Clar. Hottingerus & No-
 " bilis Comes, sive adprehensi à liberis, sive vor-
 " ticibus in transversum abrepti, denuo submersi sunt,
 " & cum diu inter insultantes fluctus jactati nata-
 " rent, tandem exhausti viribus, & ab adcurrenti-
 " bus spiritum extremum ducentes utrique ex aquis
 " extracti sunt. Conjunx, Affinis & ancilla, post-
 " quam diu adherentes cymbæ certârunt, & extrema
 " jam necessitas incubuit, liberati sunt. Filia natu-
 " maxima & minima, nec non filiulus suavissimus,
 " & verum delictum, eo fluvio hausti, animam
 " Deo sospitatori reddiderunt. Atque ita, ut de re-
 " liquis

"liquis nihil dicam, imprimis Nobili illo præcla-
 "ræ spei viro, amissimus virum, cum omnigena eru-
 "ditione incomparabilem, seculi nostri grande de-
 "cus, tum singulari pietate, & incredibili candore
 "paucis inferiorem. Non indignamur ferali Lima-
 "go nostro, qui DE I iussa est exsecutus; at in-
 "dignamur peccatis nostris, quibus DEUS ad iram
 "justam provocatus, justus ipse scelerum vindex &
 "ultor, nos beneficiorum in nos collatorum in-
 "dignos contemptores, Viri tanti iactura punivit;
 "atque gloria DE O tributa, id unice, & enixis-
 "sime deprecamur, ne miserabilis hic casus præfagus
 "sit majorum calamitatum, & funestissimi in Eccle-
 "sia & Repub. naufragii. Ut enim sublati co-
 "lumnis, ædificii ruina; sublato lumine, tenebræ;
 "sublato vitæ duce, errores; sublato Imperatore,
 "clades; sublato gubernatore, naufragium: sic
 "sublatis, divino iudicio, spiritualibus hæc co-
 "lumnis, luminibus, Doctoribus, ducibus, guber-
 "natoribus, civitatum populorumque ruinam, te-
 "nebras, errores, dissipationes, clades, naufragia
 "animi corporisque ut plurimum sequi, rebus & ex-
 "periundo est cognitum. Sed mala omina DEUS
 "avertat, nec perficiat auguria, quæ sunt in tristi
 "multorum animo. Eundem ardentissimis precibus
 "oro, ut cum Ecclesiæ & scholæ nostræ insictum
 "nimis alte vulnus clementer obliget; tum vobis
 "etiam, Viri Magnifici & Amplissimi, salutaria con-
 "silia inspiret, quo non jam Clar. Hoornbeekio
 "Theologo supra æthera noto, verum Hottingero,
 "non tam nostro ad extremum, quam vestro, divi-
 "næ providentiæ virgula, vestraque adeo prudentia,
 "successor contingat ejusmodi, qui vel antecessorum
 "horum merita adæquet, vel certe, siquidem in se-
 "cundis consistat, ad ea omni majori studio atque
 "B 2 contentione

"contentione enitatur. Simul etiam vobis Eccle-
 "siam nostram, quæ medio hoc proxeneta, vinculo
 "arctiori conglutinari vobis gestiebat, commenda-
 "mus, & ut, per DEI gratiam, Vobis prospera &
 "læta omnia eveniant, ex imis animi penetralibus
 "precamur. Tiguri nono Junii, anno Æræ Dio-
 "nylianæ M. DC. LXVII. Magnifico Amplissimo NN.
 "VV. omni studio & fide deditissimus J. Henricus
 "Heideggerus. SS Theol. D. & PP. *Inscriptio erat:*
 "Magnificis, Nobilissimis & Amplissimis Viris, Aca-
 "demie Lugduno-Batavæ DD. Curatoribus, Do-
 "minis meis omni observantia colendis, Lugdunum
 "Batavorum. Venit hic in mentem Jos. Scaligeri
 Epistola CXLII. Lib. II. p. 353. qua gratulatur his
 verbis If. Casaubono: *Quas DEO Opt. Max. gra-*
tias agam pro tam insperato auxilio, quod pro sua inexhau-
sta bonitate tibi impertitus est, quum in flumine Sequana
tantum discrimen adisti? Quantum me adfecerint literæ
istæ, quam hæc legerem, inde colligere potes, quod etiam
num ad memoriam rei inhorrescit animus mihi, quam mi-
særa fuisset tot capitum jactura cogitanti: quum quæ
in morte tua sola fuisset, ei nulla comparanda sit. Sed
DEUM iam propter Te eorum miserum est, quam Tui,
propter omnes, qui literas colunt. Neque enim Tibi caris
miis orbato tranquillam, neque nobis Te adempto felicem
vitam agere licuisset. Utinam omentum de naufragio G.
persolvendi tam justa causa Tibi fuisset, quam merito ea
DEO Opt. Max. debes, tam insigni periculo liberatus.
 Memorabile vero est, quod Heideggerus idem in Hot-
 tingeri vita memorat, eum hunc ante casum somni-
 âsse, se cum charissimo quodam Collegarum suorum
 in vicinam deambulâsse civitatem, cumque Templo
 adpropinquarent, Collegam alta sibi dixisse voce;
 "Nunc impletum est Caput XIV. Jobi: *Homo natus*
de muliere brevi vivens tempore, multis repletur miseriis,
 quasi

quasi flos egreditur, & coneritur, & fugit velut umbra. Hisque verbis auditis, Hottingerum esse expergefatum. Recordor hic Fridericum Brummerum, quem memorat Ægidius Menagius, cap. XVIII. p. m. 97. Amœnitatum Juris Civilis, edit. Paris. M. DC. LXXVII. in 8vo, Lipsiensem, magno Jurisprudentiæ damno, dum Gallia Italiam petebat, aquis submersum esse.

§. II. Cum nuper in Antonii Borremansii caput III. Var. Lect. libri incidissem, ibique p. I I. legissem, accidisse aliquando, ut, cum Hugo Grotius ex auctoritate Illustrum ac Præpotentium Hollandiæ Ordinum aliquot militum cohortes lustrasset, magno sane memoriæ summæ exemplo, statim non modo omnes milites nunquam sibi antea visos de facie noverit, sed & singulorum nomina absque hæsitazione tenuerit; non admiratus fui, quandoquidem quod Nepos Cornelius scriptor elegantissimus dixit de Alcibiade VII. I. I. & VII. II. I. ego citra metuendam veritatis jacturam de Grotio usurpare possum: *In hoc natura, quid efficere possit, videtur experta. Si enim ipse fingere vellet, neque plura bona reminisci, neque majora posset consequi, quam vel fortuna, vel natura tribuerat.* Sane de illius libris in litteris, Poësi, Critica, aliter, quam cum summa laude loqui, non est nisi eorum, qui litteras nec primis labiis gustaverunt. Interim tamen & venit in mentem, inter cetera humana, illam ipsam tantopere laudatam summum Virum quandoque fugisse memoriam. Ad Matth. XI. 21. scripserat: *adde quæ ad Lucam dicemus.* Evolve quæso L. B. Lucæ X. 13. hic enim est locus *παράλληλος*, & ne γὰρ quidem vel ad hoc, vel ad reliqua alia invenies commata. Quod, etsi leviculum, & vix nomine dignum, ostendit tamen nihil esse ex omni parte beatum.

§. III. Eruditos ut excitem viros, inquirere apud heredes, illosque monere, ne, si in pluteis habent,

seculo inuideant Annales Suecicos à Grotio, si non absolutos & perfectos, talem inchoatos, adpono verba tertio è libro epistolarum Dionysii Petavii, Ep. IX. p. 278. edit. Parisinæ M. DC. LII. *Mihi cum Hugone Grotio (vellem tō μανδῆταιν dicere possem) usus aliquis intercessit communionem partus istarum artium; & quod, ut bene nōsti, (scribit autem Petavius hanc epistolam ad Franciscum Cardinalem Barberinum,) spes interim illius iuvandi nonnulla in me sita videbatur. Cum illo utique, uti sæpe ipsum invisebam, & vicissim ille me, frequentes de literis sermones habui. Ac memini, me de illo frequenter audisse, cum diceret; consilium sibi esse Suecicos Annales conscribere; idque se jam diu commentari. Utrum vero opus illud absolverit, an in Adversarius tantum adparatus illius exstet, certi nihil habeo. Eliciam tamen & expiscabor, si quid potero; postquam ejus uxor, quæ nunc Lutetiæ habitat, & rusticandi causa unum jam mensem abest, ad urbem reverteris. De lucubrationibus reliquis, quarum mentionem facit Holstenius, nunc primum audire capi, nec ille quidquam mihi significavit. Si optandus iste labor perit, cum eruditi Loccenii Historia Suecica damnum illud compensare cogimur. Ceterum, qua mente dictus in Grotium Jesuita fuerit, aperit ibidem idem Petavius Andreas Schotto, Epist. XII. p. 284. his verbis: Venit ad nos ante dies circiter octo Hugo Grotius, quem ego jamdudum & mea sponte, & horum tuo convenire, & adloqui cupiebam. Factum utriusque voto ac desiderio satis illo die. Nam per diu valdeque familiariter una fuimus. Homo est, quantum judicare possum, probus ac candidus; nec ab Holstenii (is defecerat) exemplo, quod & speras, alienus. Nos nihil prætermittimus, quod quidem præstari à nobis possit, ut hominem Christo Domino, ac salutis conciliemus. Ego hic & ubique oro, ab amicitia Jesuitarum, serva me JESU!*

§. IV. Si seculi nostri Varro, eruditissimus Jo. Ger. Vossius ipse inspexisset locum Aristotelis è sexto Metaphysic. cap. I. ubi ita Philosophus: *ὥς τε τρεῖς αὖ εἰεν φιλοσοφίαι θεωρητικαὶ Μαθηματικὴ, Φυσικὴ, Θεολογικὴ.* Quare tres utique erunt *speculativæ philosophiæ; Mathematica, Physica, Theologica*: forte non tam fidenter sequutus fuisset Alexandrum Aphrodisiensem, pro *philosophiæ* nomine *disciplinam* ausu temerario reponentem in textu, & Aristoteli ac Peripateticis adfinxisset dogma, in de Philosophia opere, cap. V. & de scientiis Mathematicis, cap. III. §. 7. de quo ne somniando quidem cogitaverint. Nimirum Philosophiæ partem non debere statui Mathesin, cum ejus sit ministra. Sane superius citatis ex Aristotele verbis pro veritate rei & ad sententiam contrariam dici nil clarius poterat. Agnoscit illam sententiam Aristotelis, post Cl. Ptolemæum, initio *μεγάλῃς συντάξεως*, Vir elegantissime atque profunde doctus, Petrus Gassendus, de Philosoph. Univers. cap. IX. & lib. VIII. de Vit. & moribus Epicuri cap. I. etiam si rein apud antiquos protritam fuisse dicat, Mathematicam non Philosophiæ partem esse; sed quadruplici suo membro accedentem ad Grammaticam, Rhetoricam, Dialecticam, perficere Encyclopædiam. Quæ eo non adferimus, ut de hac hic disputemus controversia; id enim Michael Waltherus omnem laudem supergressus fecit in Analectis Mathematicæ Philosophiæ Wittebergæ editis Anno cido dcc Lxxiv. §. 19. sed ut ostendamus, quam parum etiam summorum virorum allegationibus credendum sit. Simile quid jam olim notavit in Sam. Bocharto Alcoranum adducente Jo. Vorstius in de Adagiis Novi Testam. cap. III. p. 17. Neque vitiiis ab his libera sunt Francisci Sylvi Ambianatis Ciceroniana progymnasmatæ,

gymnasmata, principio anno c10 10 xiv. post Amstelod. anno 1660 publicata, quibus proinde, in exemplis, circumspecte utendum. De auctore ipso id notamus, quod initio ad claustralem usque foetorem barbarus scriptor istam deinde in scribendo elegantiam adquisiverit, ut & regulas ipse dederit. Vide Vavassior. de Epigramm. p. 256.

§. V. Quandoquidem vero hic duorum in illorum summorum Virorum, Grotii scil. & Vossii, mentionem incidimus; non ab re fore putamus, si de utroque Viri his non minoris Cl. Salmasii audiamus iudicium ex epistola quadam ejus, quod ego sciam, haftenus inedita, qua in hæc sunt scripta :

“Cl. Salmasius Claudio Sarravio.

“Princeps tibi est Grotius, mihi Vossius. Uter nostrum verius judicet, non ego ad posteros eundum censeo, sed consulendos ætatis hujus summos Viros, qui in Italia, Germania, & in his locis vivunt; imo etiam in Gallia nostra: nec omnes idem sentire crediderim, quod unum alterumve, aut tertium, aut Sarravium, Bignonium, aliumve aliquem, quem ignoro. De principatu agitur litterarum, quæ sic proprie vocantur, in quibus Grammatica Ars regnat. Ut ex ungue leo dignoscitur, ita Vir litteratus ex scriptis. Ex his ergo arbitrandum, cui debeatur, principatus, justius Vossione an Grotio? Sed priusquam hæc rependamus, per singulas eamus scientias, ut, quantus in his fuerit Grotius, agnoscamus. In Theologicis nemo est, cui me minus similem videri velim. Ubique Socinianus est, in libello de Veritate Religionis Christianæ, in notis ad Novum Test. & annotationibus Veteris. In Philosophicis, si disputandi solertia spectetur, vix mediocribus par est: nec unquam

" unquam vidi, qui minore cum vi ratiocinetur;
 " id quod testantur scripta ejus, quibus Rivetus &
 " Maresius rescripserunt. In studio litterarum mul-
 " tos habet pares, & plurimos superiores. In Græ-
 " ca & Latina pares, in Orientalibus superiores. In
 " Jure quantum excelluerit, ostendit sparsio Florum
 " ad Jus Justinianæum. Librum ejus de Jure Belli
 " & Pacis refutandum suscepit quidam Professor Al-
 " bæ Juliæ, qui amicis aliquot, quos vidi, adfirma-
 " vit, se ostensurum esse, nullam paginam vacare
 " insignibus erratis. In Poësi Vir est sui nominis
 " magnus. Sed omnes in his locis Barlæum præfe-
 " runt, multi etiam Heinſium: hic certe animosior &
 " ποιητικώτερος: sed Poëtica nihil facit ad princi-
 " patum litterarum. Vossius in his ὅτι πᾶσι κειταῖς
 " sine controversia præcellit. Nec meum hoc μ-
 " νημεν, sed omnium doctorum Italorum, Ger-
 " manorum, Polonorum, & Belgarum, ut in litteris
 " multorum vidi, in scriptis plurimorum; & ex ser-
 " monibus plurium collegi. Si scripta compare-
 " mus, nihil simile magnum cum isto, cui non no-
 " men, sed res magni elogium tribuit. Libri de
 " Græcis Scriptoribus, de Latinis, de Grammatica,
 " de Rhetorica, & Dialectica, ac nuper de vitiis La-
 " tini sermonis, testantur, quantus sit in litteris; sed
 " omnium maxime declarant id libri ejus de Idolola-
 " tria, in quibus omnigena eruditio, non modio, nec
 " trimodio, sed acervo congesta est. Habet paratos
 " libros de re Deltica, Etymologicum magnum, &
 " alia infinita. Si de Antiquitate Ecclesiastica cer-
 " tamen sit, Opus ejus de Pelagianismo, de Symbolis,
 " & alia patefaciunt in scriptis Patrum esse versatissi-
 " mum, nec de hac palma quempiam posse cum eo
 " contendere. Quid hic oppones in scriptis Gro-

" tui, per quæ possis ei principatum vindicare in hoc
 " genere, dico litterario: an quæ notavit pene puer
 " in Martianum Capellam: an quæ in Aratum? Mul-
 " ta ibi nomina signorum Arabica proposuit ad
 " ostentationem, cum ejus linguæ rudimenta vix pri-
 " mis labiis attigisset, ut mihi ipse confessus est litte-
 " ris, quas servo, cum eum consulissem de Arabica
 " aliqua voce, quæ mihi negotium facessabat. An
 " notas in Lucanum adferes? Vel sola Critica Vossii,
 " quæ edidit in Fragmenta Tragicorum & Comico-
 " rum veterum, omnibus istis præponderare & præ-
 " valere videntur. Scimus etiam in Critica, quam
 " infelix fuerit & ἀσολογία Vir alioquin summus Gro-
 " tius. In hac mea tenuitate ac paupertate omnium
 " rerum suppellectili nollem meum nomen adscri-
 " ptum esse Adnotatis in Vetus Test. Nihil his in
 " multis puerilius invenio, & tanto nomine in-
 " dignius. De Adnotatis ad Novum Test. alias di-
 " cam, & reipsa ostendam quid sentiam. Hæc mea
 " est de principatu litterarum sententia, in qua plu-
 " rimos habeo hujus vel suffragatores ex omnium
 " nationum eruditis: ubi plausores tuos proferes,
 " ego nominabo meos. Leydæ XX. Novemb. CIO.
 " IOC XLV.

§. VI. Non tantum *non est opus*, quod maximum
 Daniæ ornamentum. Dn. Olaus Borrichius in Co-
 gitationibus de variis Linguæ Latinæ ætatibus p. 353.
 putat, *tortare* ex Nonio *adferere*, sed ne debet quidem,
 cum Nonius plane non agnoscat id verbum: *torto*
 enim ipsi est ablativus à *tortum* pro *tormentum*. Cla-
 ra sunt ejus verba: *Torto* pro *tormento*. Paccuv. Du-
 loreste

*Nam te in tenebris sæpe lacerabo fame
 Clausum, & fatigans artus torto distrahā:*

Adgnoscit

Adgnoscat & Doctiss. Obert. Gifanius Conlectan. in
Lucret. p. 443. b.

§. VII. Vix oculis meis credidi, cum nuper in
Andreas Riveti Commentario in Genesin hæc se of-
ferebant mihi: *Describitur cap. XVII. sanctio fœderis*
cum Abramo inita, per sacramentum Circumcisionis, anno
etatis Abrami XCIX, id est, undecim annis post natum
Jischmaëlem, ut ex fine capitis præcedentis liquet. Palam
enim hæc cum Mose pugnant, qui cominat. 24. &
sequenti ita: *Et Abraham natus erat XCIX. annos,*
quum circumcideretur caro præputii ipsius; Jischmaël autem
filius ipsius TREDECIM natus erat annos. Rejice-
rem hæc Typographica inter sphalmata, nisi *undecim*
expressis litteris haberetur in Riveto; nunc vero
quid dicere habeam, haut invenio. Idem Rivetus
in Comment. ad Gen. VI. 3. *Et erunt dies ejus cen-*
tum & viginti anni, tractans quæstionem, quorsum il-
li 120 anni sint referendi? putansque cum Mercero,
Musculo & Paræo, quin & Pererio, hæc dicta fuisse
annis 20 ante nativitatem Semi, sed per ὅσους
ἔσονται, sive per anticipationem, figuram scriptu-
ræ admodum familiarem, præmissa fuisse iis, quæ se-
quuta sunt, quæque præcesserant reipsa, redeunte
Mose ad ea, quæ fuerint omissa; tribuit hanc respon-
sionem Augustino quoque, & quidem in lib. XV. de
Civ. DEI, cap. XXIV. Tom. VI. Oper. col. 855.
At si illum D. Rivetus inspexisset ipsum Augustinum,
deprehendere potuisset, istum Sanctum non in
ὅσους narrationum Mosis solutionem quærere,
sed in annorum quingentorum numero ætatis Noë.
Est ad manus Augustinus, en verba ejus: *Quod au-*
tem dixit DEUS: erunt dies eorum centum viginti anni,
non sic accipiendum est, quasi prænuntiatio sit posthac ho-
mines centum viginti annos vivendo non transgredi, quum

Et post diluvium etiam quingentos excessisse inveniamus; sed intelligendum est, hoc DEUM dixisse, quum circa finem quingentorum annorum esset Noë, id est, quadringentos octoginta vitæ annos ageret, quos more suo Scriptura quingentos vocat, nomine totius maximam partem plerumque significans. Sexcentesimo quippe anno vitæ Noë, secundo mense, factum est diluvium, ac sic centum viginti anni prædicti sunt futuri vitæ hominum periturorum, quibus transactis diluvio delebantur. E quibus quilibet de Riveti sententia judicare potest.

s. VIII. Nactus non ita pridem Celeberrimi hujus Theologi manu quamdam exaratam, nec unquam, quod persuasum habeo, editam epistolam, ad Nobiliss. Academiæ Lugdunensis Batav. Curatores, addo hic eam, tanti ne quid pereat Theologi, & simul ut, quanti Bisterfeldium is fecerit, sciamus.

“Salutem plurimam & obsequia,

“Nobilissimi, Amplissimi & Consulissimi Domini. Præter alia incommoda, quibus me afficit Catarrhus, quo vel affixus lecto, vel cubiculo inclusus domi detineor per tres integras septimanas, hoc mihi intempestivum accidit, quod non possum eo honore frui, ad quem dignati estis me invitare per Dom. Syndicum Leydensem. Cogor itaque, per literas vobis gratias agere, & quia aliud pro tempore non possum, bene precari huic solemnitati, & omnibus statutis & consiliis vestris pro Celeberrimæ Academiæ bono. Quod ego cum ceteris, quantum in me est, promovere & procurare debeo etiam absens, & si aliqua se offerat occasio, eam saltem indicare NN. & AA. Dignitatibus Vestris, ut qui Academiæ celebritatem indies auctam cupitis, etiam ad id iis instrumentis uti possitis, qui aliqua nominis & eruditionis fama in ea cluere possunt. Cum igitur intellexissem, D. Bodecherum ad aliud munus

“in

" in remota regione vocari, & vacaturam apud vos
 " Professionem philosophicam; egi cum D. Syndico
 " de Johanne Henrico Bisterfeldio, Viro sine contro-
 " versia omnibus egregiis dotibus, sive in eruditione
 " exquisita, sive in moribus & conversatione laudabi-
 " li, instructo. Is ante octennium à Serenissimo
 " tunc Transylvaniæ Principe Betlemo, cum Johanne
 " Henrico Alstedio, & D. Piscatore accersitus fuit,
 " ut Albæ Juliæ constituerent illustrem scholam pro
 " Transylvanis & Hungaris. Partes ejus fuerunt Phi-
 " losophiam docere, quod non solum fecit diligen-
 " ter, & cum maximo fructu; sed etiam focerum Al-
 " stedium juxit in Theologica Professione, Locos,
 " quos vocant, Communes in privatis Collegiis ex-
 " plicando. Nōrunt DD. Collegæ Theologi Ley-
 " denenses eum, jam tum, cum à nobis excessit, fuisse
 " in tribus primariis Linguis excultissimum, & in
 " omni Philosophiæ parte versatissimum. Notus
 " etiam fuit de meliore nota D. Heinsio, D. L'Em-
 " pereur, D. Golio, & aliis, ita, ut si testimoniis
 " opus sit, non longe sit recurrendum. Talis est, ut
 " verbo dicam, qui, quamvis pro modestia sua me-
 " diocrem conditionem sit subiturus, possit tamen
 " postea, si id Academiae necessitas ferat, ad Profes-
 " sionem Theologicam ex Philosophica promoveri.
 " In Wetteravia natus est, parente ibi Ecclesiarum
 " Superintendente, qui in Synodo Dordracena pie
 " in Domino obdormivit. Præter Linguas erudito-
 " rum Italicam, Gallicam, Belgicam, Anglicam, &
 " Hungaricam optime callet. Librum scripsit accu-
 " ratum * pro D. N. JESU CHRISTI divini-
 " tate

* Utrum sequentia, quæ Martinus Ruarus ad Mari-
 num Mersennum Centuriâ I. Epistolar. n. XLIX. p. 235. f.
 scripsit,

"rate vera & essentiali, adversus Crellium Socinia-
 "num, quod specimen eruditionis & pietatis ejus
 "misi censendum DD. Theologis Leydensibus. Quo
 "vero sit animo. in Belgium & Academiam vestram,
 "quam cupiat hinc per aliquam vocationem libera-
 "ri, quid etiam proponat, ne sumptibus gravet vo-
 "cantes, verbis ipsius vobis innotescet ex epistola ad
 "me scripta, quam vobis communicabit D. Syndi-
 "cus. Si libuerit NN. & AA. Dignitatibus vestris
 "ejus rationem habere, juvenis ille, qui octennium
 "fuit ejus domesticus, paratus est excurrere ad eum
 "accersendum. Is Leydæ nunc agit, & nomen ejus
 "exstat in Epistola Bisterfeldii. Unum hoc since-
 "re testor, etsi Virum illum amem, qui dignus est
 "omnium bonorum favore, me nullo privato ad-
 "fectu duci; sed eo tantum, quod certus sim, eum ta-
 "lem esse, qui Academiae magnum futurus sit or-
 "namentum. DEUS in eo negotio & aliis omni-
 "bus consilia vestra & decreta dirigat ad sui nominis
 "gloriam, Academiae bonum, & vestrum omnium
 "honorem. In quo voto desino, atque iterum vo-

scripsit, vera sint nec ne, non interpretor. De hic in Le-
 ctoris gratiam tantum ejus verba: De Calovio quidem affir-
 mare tibi possum, illum in literis, quas ad me dedisti, optare Bi-
 sterfeldii librum suppressum potius, quam editum; utpote cujus
 argumenta Cabalam potius Judaicam quam genuinam Theolo-
 giam sapere illi videantur, quique cum adversarium refutare
 debeat, thesin suam probet. Fieri potest, ut Bisterfeldius de Ca-
 lovio non multo mitius judicet: nôsti enim illud, suam cuique
 sponsam videri pulcherrimam. Merfennus tamen mitius in
 sequenti L. epistola ad Ruarum p. m. 238. de Calovio ju-
 dicat his verbis: 'Porro sum in ea sententia, post Socini libros
 nil in eo genere scriptum esse subtilius operibus Crellii, quem diu-
 tius vixisse fuisset opera pretium, ut Bisterfeldio reposuisset, quo
 doctiorem in rebus Theologicis Calovium existimo.

"bis

"bis gratias ago, meque vestris mandatis obsequen-
 "tem, si mea opera utamini, sisto. Valete Viri No-
 "biliss. Consultissimi, & perennate. Hagæ Comit-
 "7. Octobr. 1638. NN. AA. & CC. Dignitatibus
 "Vestris addictissimus, Andreas Rivetus. *Inscriptio*:
 "Nobilissimis, Amplissimis & Consultissimis Viris
 "DD. Curatoribus Academiae & Consulibus Rei-
 "publ. Leydenfis, Lugduni Batavorum.

S. IX. Addo Hægonis Grotii ad Simonem Epi-
 scopium epistolam, in magno Grotii epistolarum vo-
 lumine, Amstelodami apud Blavios anno MD CXC
 LXXXVII. in fol. impresso, ceteris cum non paucis,
 quæ vel penes me sunt, omisiam.

"Simoni Episcopo Hugo Grotius S. P. D.

"Vir Clarissime. Mitto tibi colloquium, quod Ca-
 "meroni cum Tileno intercessit. Conjecit jam ali-
 "quid in chartam Tilenus, scripturus, * ut mos ipsi,
 "Latine & eleganter; sed ita, ut pleraque Camero-
 "nis percurrat, aut prætercurrat. Velim duo illa,
 "de determinatione judicii practici & de Christi vo-
 "luntate, in tua, quam moliris, diatriba, obiter, sed
 "quantum

* Succedit memoria quod de Tileno apud Johannem
 Cloppenburgium Theologum Lugdunensem olim legi,
 cujus in epistola, qua ad Calumnias Salmasianas ex parte
 respondetur, Lugduni Batav. 1640. excusa, p. 10. ita est:
 "Dicam libere me sic locutum cum duobus magnis Theologis, Mel-
 "vinum dico & Tilenum; ita Latine doctis & Grace, ut ab illis
 "viventibus olim potuerit requirere Salmasius, quod in Tertullia-
 "num commentaretur, qui negat jam Grammaticam à Theologis
 "requiri debere. Ad quæ Cl. Salmasius in Responsione ad
 "Calumniatoriam, ut vocat. epistolam Joh. Cloppenburgii,
 eodem ibidem anno impressa, p. m. 15, 16. sequentia re-
 ponit:

“quantum satis sit, excuti. Id satis futurum puto;
 “neque multum esse causæ, cur de proposito respon-
 “sio instituat, nisi tu libello viso aliter censeas.
 “Vale Vir doctissime, & D. Utenbogardum amicos-
 “que alios saluta. Lutetiæ IX. Maij CIO IOC. XXII.
 “Tuus H. Grotius.

§. X. Est inter cetera magnorum Virorum nostra
 in Bibliotheca adservata MSS. quædam Hadriani Ju-
 nii (quo de mox pluribus) ad Filium brevis epistola,
 quam in eorum gratiam, talia qui scripta non pa-
 rum ad Historiam illorum temporum facientia æsti-
 mare

ponit: *Addit, ne putemus sine auctoritate peccasse se Cloppen-*
burgium, cum duobus magnis Theologis Melvino & Tileno ita
loquutum esse. Ut Græce illi & Latine docti fuerint, non puto ta-
men regulam rectæ Latinitatis ab his peti debere. Ne sincera qui-
dem Theologia ab altero eorum normam exigere posse fatebitur mihi
Cloppenburgius, quamvis maximus ille Theologus fuerit. Quod
negavi Grammaticam a Theologo requiri debere, non arbitror in
eo me peccasse nec calumniatum esse. Si etiam Grammaticus
erit Theologus, tanto melior futurus. Si non sit, nihilo deteriorem
habebo in arte sua. Nec illud intelligo, quod dicit Cloppenbur-
gius: “Melvinum & Tilenum ita Latine doctos & Græce,
“ut ab illis viventibus olim potuerit requirere Salma-
“sius, quod in Tertullianum commentaretur. Ubi aliquis
hæc mihi explicaverit, tum respondebo. Hæc Salmasius. Quan-
tum Tileno Martinus Ruarus tribuat, aperit in ad Petrum
Bertium epistola, quam habes dicti in Ruari centuria Epi-
stolarum prima, n. XI. p. m. 78. In pagina vero 80. in-
venitur Bertii de Tileno iudicium, quod inseruit epistolæ,
qua respondit Ruaro, n. XII. In pagina 390. n. LXXX.
legitur Samuelis Nærani de eo sententia. Johannis Came-
ronis vitam, ingenium, mores, virtutes, doctrinam.
mortem eleganter describit Petrus Molinæus in iudicio de
Mosis Amyraldi adversus Fridericum Spanhemium libro
p. m. 211. f. edit. Roterodamens. CIO IOC XLIX. Vide
quæ dixi in Parte II. Animadversionum mearum cap. II.
§. VII.

mare sciunt, adjiciam, & si non hac, saltem ea finis dictam ut epistolam ab interitu retraham.

Fili Chariss.

"Exhibui Illustrissimo Principi ante horam libellum
 "supplicem, ut sua auctoritate concedatur tibi libera
 "missio, ut ad me venias, idemque negotium egi
 "cum Consule nostro Kiefio, qui benigne respon-
 "dit, se daturum operam apud Collegas suos Consu-
 "les, ut nomine Principis id fiat sedulo, neque du-
 "bito quin sim impetraturus. Tu quum venies, cu-
 "ra ut adferas meas schedas omnes * cum libris, quo-
 "rum catalogum miseram, Dictionarium Frisii Lati-
 "no-Germanicum magnum, Ciceronis Opera, Cle-
 "mentem, Plutarchi Opera, Nonnum, Epigram-
 "mata Græca in 4to. Amati Lusitani centurias, No-
 "menclatorem, Adagia mea, De anno & mensibus
 "meum, adde huc duas aut tres pro me — toti-
 "dem pro te, togam meam optimam holoresico suf-
 "fultam, atque hæc omnia cum testimonio civitatis
 "munita: Mihi heri ad te 7st. per Hadr. Birckenro-
 "dium cum litteris. Uxor significet quid velit, aut
 "quibus indigeat. Vale & saluta uxorem cum libe-
 "ris. X. Martii. Tuus pater Hadr. Junius. *Inscri-*
 "*ptio.* Bonæ spei adolescenti Petro Junio, filio ca-
 "rissimo. Harlemi.

* Confer omnino hujus Hadr. Junii Epistolas Dor-
 drechti editas in 12. anno c13 10c (non 10. ut male im-
 pressum) LIII. p. m. 39. f. ubi Petro Nannio (non *Nanno*
 visio Typographi) scripsit.

CAPUT III.

§. I. **O** Prime suarum partium ii præceptores fatagunt, qui inter cetera illud quoque etiam atque etiam diligenter curant, ut copiam sibi pueri atque facultatem comparent vocabulorum rerum earum omnium, quæ in quotidiano versantur usu, quæque sensibus hominum sunt explicatæ. *Nihil videatur in corpore hominis, (verba sunt in secunda classica epistola, seculi superioris & harum litterarum eximii decoris, Johannis Sturmii, cujus summi ac disertissimi viri opera, quæ varia edidit, digna certe sunt, quæ eloquentiæ studiosis ac Oratoriæ quam commendatissima sint) nihil in pedibus, nihil sit in culina, in cella vinaria, in cella frumentaria : ad cenam quotidianam nihil adferatur, nihil in hortis conspiciatur herbarum, fructuum, arborum : nihil in scholis sit usurpatum, nihil in bibliotheca, nihil in templis frequentatum : nihil in cælo sensus quotidie hominum moveat, quod pueri, quoad ejus fieri poterit, non queant Latino nomine nominare.* Scilicet non postrema eruditionis pars est, nosse rerum vocabula & phrasas. Negari autem nequam vel potest, vel debet, Hadrianum Junium Medicum olim Harlemium, doctrina & virtute præstantissimum primariam hoc in scriptionis genere palmam esse consecutum; huic enim usui, ut scilicet pueri simplices voces teneant, primum inserviet ejus Nomenclator, qui optime editus est in officina Plantiniana Antuerpiæ CIO IC LXXXIII. in 8vo (ita enim numerus ponendus est in Tomo I. Methodor. nostr. n. XVII. cap. VII. §. 8. p. 700.) tanta quidem cura, ut ipse nonnunquam cum opificibus computaverit, quo

quo proprias instrumentorum adpellationes in lingua vernacula addisceret, si fides est habenda Paulo Colomesio Rupellensi in suis opusculis litterariis Ultrajecti apud Petr. Elzevir. anno 1669. editis, p. m. 131. f. Sane ex eo plerosque eum sequutos sua descripsisse, omnibus, qui ea inter se conferunt, manifestum est. Id quod nonnulli etiam doctissimi homines, palam & nominatim quidem profiteri non erubuerunt. Suggestit idem Nomenclator raras quoque & difficiles imprimis voces Græcas. Vide quæ pluribus dixi hoc de libro, Tomo II. Methodor. nostr. n. IV. cap. IV. §. V. p. 233.

§. II. Quandoquidem vero hæc naturæ indoles, nihil ut illa perficiat initio, sed sensum progressa ad summum deducat omnia, cum nulla res, scribente, sexto naturalium Quæstionum, Seneca, cap. V. consummata est, dum incipit, & in omni negotio longe semper à perfecto fuere principia; & Cicerone, in de Claris Oratoribus auctore, nihil simul est & inventum & perfectum: videre id cum primis in artibus est, quarum exordia levia, processus melior, optima perfectio. Et vero comperimus id dicto in Nomenclatore, in quo nævi & defectus, mansere quamplurimi, qui in tanta litterarum luce nullo negotio potuissent tolli, si modo pædagogi & scholarum Rectores, qui toties ipsum edi curarunt, animum advertissent, vel scivissent emendare. Dixerat incomparabilis Jo. Fr. Gronovius in eruditissimo opere, librorumque suorum rege, de pecunia vetere p. 492. Ridendum esse, quod scripsit Hadr. Junius, assis nomine hic censei annum, menses uncias. Illa verba cum indignissima modestia Dn. Gronovii proclamasset Exercitatione sacra XIX. §. IV. p. 515. Martinus Schoockius Ultrajectinus, quippe quæ opponantur sententiæ τὸ πένν Dn. Hadr. Junii Batavi, viri, dum viveret, doctissimi, atque in scriptis suis accuratissimi;

ratissimi; respondet eruditissimus Gronovius in p. 34,
 35. f. de centesimis Usuris his verbis: *Manum de ta-*
bula: morum modestiaeque magister adest citius, quam pu-
erum. Sed libet interrogare parem M. Emilio Scauro
 gravitatem: utrum nemo dominus Batavus, nemo, dum
 viveret, doctus, & accuratus in scriptis quidquam riden-
 dum dixit? an si quis dominus Batavus, si quis, dum vi-
 veret, doctus & accuratus & ὁ πάλιν ridenda dixit, ne,
 ut dixit, vocentur, huius est intercedere? Unde istos tam
 inamatos & austeros? unde hunc tam paedagogum? Ali-
 quis de non tristibus hominem, qui vetat ridere, jubebit plo-
 rare. At nos in Nomenclatore isto non hoc solum risimus.
 Ridebamus etiam, quum hoc ipsa in materia sortem nau-
 ticam & trajecticiam legeremus explicari portorium, &
 δάειον ἀμφοτέρωθεν, quod pro itinere redituque in profe-
 ctione persolvitur, ἐτερόθεν, quod alterutro vel abitu,
 vel recursu numeratur: & ne quis dubitet, Belgice **Ueergelt**, **Schiploon**. Ridebamus, quum Peculium ad-
 ventitium, quod alius alii concedit exercendum, argent
 baillé pour trafiquer; quum Extar, æs theatricum:
 quum auctoramentum, quo accepto miles obligatur,
 cum dat nomen: quum Argentariam facere, usuram
 exercere: quum conturbare, posterioribus creditori-
 bus satisfacere, præteritis veteribus: quum Proferi
 Sallustio intra legitimos dies, sive constitutum ju-
 dicio tempus pecunias persolvere, vel bonorum
 summam in acta referre, ut inde creditoribus satis-
 fiat, quod ei breviter est profiteri æs alienum. Seneca VI. de Benef. cap. XX. quum Daricum non à Da-
 rio Xerxis patre, sed antiquiore Persarum rege per-
 cussum: quum Chalcum sextam oboli partem, &
 tamen paullo post τριτημόριον, Philemonis sex chal-
 cos: quod qui eum docuit Pollux, idem docebat τριτημόριον
 vel

vel ἑξήμισον duobus chalcis minus habere obolo, obolum octo chalcos: quum Plinii verba multos torfisse; (*Libralis*, unde etiam nunc *libella* dicitur & *dipondius* adpendebatur *assis*:) eaque sic immutanda: (*Libra as*, unde *e. n.* *libella* dicitur & *dipondius* adpendebat *II. asses*.) & ea occasione *librarium* oscitantem dare pœnas: quas debebat ὁ πέννυ, non videns scribendum & distinguendum: (*Librales*, (unde etiam nunc *libella* dicitur & *dipondius*) adpendebantur *asses*:) quum tot summas veteres male nostro nummo æstimatas. Hæc & infinita alia ridebamus: & tamen *Hadr. Junium* inter præcipua litterarum & patriæ ornamenta, hoc etiam ejus opus inter prima hujus generis ponimus. Nam quod interdum ridenda dixit, non domini, non *Junii*, non *Batavi* vitium est, sed hominis: & nemo fuit quantumvis studiis magnus, cui non aliquando ridenda exciderint. Non indignum modestia sua fecit *Cato*, quum *Ciceronem* ridiculum Consulem vocavit: & ob hoc dictum neuter cuiquam sano despiciatur: nec desinunt esse ambo viri propemodum humanis majores: etsi quædam in utroque rideamus. Quod igitur tum ridendum censui, id nunc multo magis ridendum & exsibilandum autumo, quum, quod optimo illi & singulari viro imprudenti excidit, de industria defenditur. Nam si annus est *as*, menses *uncia*, ergo *assibus* *usuris* nemo collocavit, nisi qui totum annum expectavit: ergo *deuncibus* *usuris* nemo, qui non undecim menses sustinuit: *dextantibus*, nisi qui decem menses: *dodrantibus*, nisi novem, &c. Atqui perinde accipit *asses*, *deunces*, *dextantes*, *dodrantes*, &c. *usuras*, hoc est, centesimam, vel undecim, vel decem, vel novem uncias centesimæ, qui in triginta dies collocavit centesimis, *deuncibus*, *dextantibus*, *dodrantibus*, quam qui in annum collocavit iisdem vel quibusvis harum, accipit duodecim centesimas, duodecim undecimas, decimas, nonas centesimæ. Hæc Gronov.

§. III. Illi ipsi Hadriano Junio in doctissimi Nomenclatoris cap. statim 1. al. XXXII. *macrocolum* idem est ac *charta Claudia*; male. Nam hæc à Claudio Cæsare demum inventa, unde & nomen; at *macrocoli* meminit Cicero, XIII. Att. Ep. XXV. Sed tamen ego non despero probatum iri Varroni: & id, quoniam *impensam* fecimus in *macrocola*, facile patior teneri. Et lib. XVI. Att. Ep. III. Sed tamen idem *ὀνταγμα* nisi ad te retractatus, & quidem ἀρχέτυπον ipsum, crebris locis inculcatum & resectum. Hunc tu tralatum in *macrocolum*, lege arcano conuivis tuis. Ac *chartæ regie*, quæ eadem est, mentio apud Catullum exstat, Epigr. XXII. 6.

*Puto esse ego illi millia aut decem, aut plura
Perscripta, nec sic, ut sit, in palimpsesto
Relata; chartæ regie, novi libri,
Novi umbilici, lora rubra, membrana
Directa plumbo, & pumice omnia æquata.*

Ubi Joann. Livinejus, Clara Levini Torrentii sore natus, ad voces *chartæ regie*, i. e. *ornamenta librorum* adnotans, non satisfacit. Vide potius Adrian. Turneb. VII. Advers. cap. II. p. m. 102. ex eo enim & Joan. Corasii Tolosatis. 1. Miscellaneor. Juris Civil. cap. XVIII. p. m. 54. edit. Lugd. M. D. LII. bonam partem capituli 1. Nomenclatoris Juniani intelleges & explicabis. Eundem cum Junio in errorem jam olim quoque impegit Perrottus, castigatus à Guilandino, commentario de papyro.

§. IV. Idem vir doctus Junius mantile & mappam eo distinguit in Nomenclatore cap. LXXII. quod illo manus abstergantur, hæc etiam mensæ insternatur. At contra est, quia *mantile* etiam tegendæ mensæ serviebat, unde in colloquio primo Scholastico exponitur

ponitur *ἐπιτραπέζιον*. mappa vero, solis manibus tergendis parabatur : unde *χειρμακτρα* Glossæ Philoxeni interpretantur. Itaque convivator (quod recte in Etymologici p. 310. v. Mantile eruditissimus notat Vossius) quidem mantili mensam sternebat : at singuli convivæ ad convivia seu publica, seu privata suas mappas ferebant. Clare hoc discrimen docet istud Martialis, lib. XII. Ep. XXXIX.

Attulerat mappam nemo, dum facta timentur :
Mantile è mensa furripit Hermogenes.

Mantile quidem dici fateor, quo exterguntur manus, sed ante epulas. In epulis vero id mappis fieri solet. Hæc & plura alia emendanda ac corrigenda erant à Rectoribus & Scholarum Curatoribus, minimeque ferenda in tali libro, è quo juvenus primordia Latinæ Linguae doceri debet. Enimvero quæ semel in ætate prima vitiose menti sunt impressa, hærent fere tanta pertinacia, ut cura nulla omnino penitusque possint deleri. *Sunt mihi ipsi noti*, ait eruditiss. Joh. Schefferus, in eximia de generosi nobilisque informatione litteraria dissertatione, Hamburgi M. DC. LXXXIII. publicata, à nobis vero II. Methodor. Tomo inserta, n. IX. p. 447. qui vitia sermonis per hanc causam contracta, etiam postquam didicerunt esse vitia, evitare nunquam satis, quantumcumque impenderent operam, potuerunt, recurrende subinde eo, quod in ætate prima prave fuerant edocti. Ad minimum cogitur dediscere juvenus, quæ didicit perperam ex illo libro, id est, duplicem subire laborem, ex quo plerumque nascitur tædium & odium litterarum. Et quoniam duæ posteriores editiones, quarum altera Francofurti M. DC. XX. altera Genevæ prodiit anno M. DC. XXXIII. cura Hermannii Germbergii, multis modis Antuer-

piensj Plantiniana deteriores sunt, magnopere rogatos volo omnes intelligentes, præceptores, ac eruditos quibus inter legendum vocabula in mentem forte venient magis adposita, aut alia nonnulla, quæ in eo Nomenclatore recte addi, aut saltem in eo corrigi posse judicabunt, ut ea candide & amice cum discipulis suæ fidei commissis communicent, & sic aliam aliquanto propius ad perfectionem (si quid modo in rebus mortalium tale esse dici potest) accedentem editionem procurent. Non parum hûc faciet Nicodemi Frischlini, Philologi quondam celeberrimi, (de quo D. Chytræus scribit ad Monavium, quod orationis *Latinae elegantiam, puritatem & Plautini ingenii specimen in theatra Germaniæ reduxerit*) nunquam satis deprædicandus Nomenclator trilinguis rarissimus, Francofurti apud Joan. Spies excusus, M. D. XCIV. Ex cujus aurea, quam omnibus legendam commendo, dedicatione, hæc in præsens excerpte juvat: *Sed nolim hæc à me ita intelligi, quasi ego perfectum opus in Nomenclatura proferam: aut quasi ego cornicis illius, Hadriani Junii oculos cupiam configere. Nam ut hujus viri Nomenclatorem cæteris omnibus, qui unquam prodire in lucem, longissime antepono: & vel solum dignum esse judico, qui in scholis legatur: ita meum hunc, quasi comitem quemdam Juniano Nomenclatori additum esse cupio. Meus enim hic aliis incedit passibus, quam Junianus. Ceterum docta primæ à Junio nostro Nomenclatoris editioni de anno M. D. LXVI. præfixa, in ceteris vero, quæ ego quidem vidi subsequenter illam exemplis omissa dedicatio vel epistola bene legitur inserta laudati Junii Dordraci editis epistolis in 12. p. m. 553. f. Schævius Nomenclatorem Mnemonicum edidit, quo Masculina nigro, Feminina & Neutra utroque caractere comparent. Cl. Morhofio commodius videtur verba nominibus*

fuis
lium
tiæ
tho
s
pro
ris,
nisi
Nar
hab
tot
alii
liar
ne
risq
iple
Lat
dico
dan
men
in
rum
Jun
epit
ritu
util
ver
diff
pos
ima
nib
que
pra
ad

fuis jungi eò, quò derivantur ordine, quod consilium quoque amplexus est in litterarum & eloquentiæ studio versatissimus Jo. Henr. Bœclerus in Methodo sua didactica & praxi.

§ V. Non paucis Jo. Amos. Comenii Januam probari video præceptoribus in locum Nomenclatoris, quam tamen adhibendam non facile suaferim, nisi optime à Barbarismis purgatam, quæ illic latent. Nam cum solum Comenius Calepinum Januæ suæ habeat auctorem fundumque, mirum non est, quod tot in eo barbara foedaque occurrant, quot jam olim alii, & Cl. Schefferus quoque scriptò notavit peculiari. Ut haut dubie faciant rectissime, qui à lectione illius, quotquot Linguae Latinæ purioris rectiorisque studiosi, summa cura dehortantur; utut etiam ipse repugnet Comenius, qui Apologiam sua pro Latinitate conscripsit in 4to. Vide quid de ea judicet Joh. Petr. Titius in Dissertationibus de quibusdam Adminiculis Linguae Latinæ, præcipue Comenianis §. IX. Dantisci editis anno MDCC LXIV. in 4to. Cujus è §. VI. hæc adscribo: *Nomenclatorum locupletiores ætatem aliam instruent, ex quibus Hadr. Junii & Nicod. Frischlini primas facile tenent. Juniani epitomen, sed eam satis prolixam, Gemma Geminarum titulo edidit etiam Adamus Siberus. Legi ejusmodi libros utilissime, dubium non est. Sed & illud satendum, cum verba nullis copulata sint nexibus, memoriæ eos mandari difficultius. Quamquam huic incommodo succurri aliqua possit, si inter recitandum ea teneatur ratio, ut jam ex Latinis adpellationes vernaculæ: jam ex his Latinæ à tiro-nibus reposcantur. Nam illud tanto foret molestius, neque quidquam sane adferret utilitatis, si pensa integra, præsertim longiora, eòdem Vocum ordine, nullo memoriæ adminiculo, reddenda essent.*

§. VI. Commendantur studiosæ juventuti à Præceptoribus

ceptoribus haut mediocriter sibi sapere visis, & explicantur in privatis collegiis Joannis Rosini Isennacensis Antiquitates Romanæ, de iis quoniam in medio est accuratum incomparabilis Critici atque polyhistoris, maximi inter Germanos Viri Thomæ Reinesii judicium, nihil vetabit illud hic in gratiam tum discantium, tum docentium è lib. I. Variar. Lection. cap. XV. adponere. *Iste homo, inquit, p. m. 15. edit. Altenburgenf. M. DC. XL. in quodvis opus condemnandus potius fuit, quam ad Romanas Antiquitates digerendas admittendus, adeo nihil sani ubique ferè docet, nisi cum auctores integros describit, & nihil de suo inculcat, quamprimum autem vel tantum excerpta dat, vel è suo penu aliquid, nugæ blavit, & meras imperitias.* Si cui hoc aliquanto acrius videtur judicium, modestius habebit in præfatione Thomæ Dempsteri à Muresk Rosino præmissa. *Videram; inquit, Joannem Rosinum, transcriptionis sedulitate (hoc de eo doctorum quorundam judicium) non contemnendum, aliquem in ordinem eam digessisse, & de ea (Antiquitate Romana) optime meritos posterioris seculi, nec rarenter ætatis nostræ Criticos ad verbum compilasse, Onusfrum, Manutium, Sigonium, Ciacconum, (lege Petrum Ciacconium Toletanum) Pitthæum, (lege Petrum Pitthœum) Brodæum, Polletum, Cujacium, Brissonium, Hottomannum, Rævardum, Marlianum, Rhodiginum, Rivallium, Gruterum, Turnebum, Lipsium, Scaligerum, magna omnes Europæ ornamenta, quibus ego nominibus cum semper adsisterem, aut à via discederem, nefas duxi, aut Rosini speciosam abolere Epigraphen, ne malignus aut invidus censeret, aut illustriorum scriptorum curas hinc eliminare; ne pessime juvenis profectui esset Consultum.* Mirum, quod Dempsterus Nicolaum Grucchium non addiderit; è cujus tribus de Comitibus populi Romani libris præcipua libri VI. descripsit Rosinus, quod sub initium dicti non

infutetur

infinitetur ipse libri. At quomodo & Dempsterus peccet uno atque altero probavimus exemplo Part. III. Methodor. nostrar. n. I. cap. XVII. p. 47. f. 49. Cujus & de Historia Ecclesiastica Scotiae diximus ibidem, n. XIII. p. 460. De utroque, Rosino & Dempstero censet B. Henricus Kippingius in p. m. 10. Præfation. in Antiquitat. Roman. ita: *Gyraldos & Sigonios describere nolui, contentus ita fecisse Rosinum, quamquam nemo istorum à me neglectui habitus fuerit. Legi enim, fateor, sed oneris instar duxerim, altera vice eosdem relegere, adeo sese diffundunt Nomenclatorum & Rhetorum more. Dempsterus ab ingenio destitutus haud erat, maxime lectionis præsidio instructus, attamen melius operæ precium facturus, si non tam convasare promiscua, quam deligere eximia voluisset, itaque omisissis triariis, ignobilem volorum aciem in campum educebat.* Joan. Nicolai in notis sacris Philolog. ad Orationem Eucharistic. Hafniæ edit. anno M. DC. XLVII. in 4to. p. m. 35. Rosinum vocat *virum variæ doctrinæ & multiplicis lectionis.*

§. VII. Anno MDCC LVII, Londini opera Briani Waltoni prodierunt Biblia Πολύγλωττα Anglicana, in quibus Samaritanorum textus in Pentateucho una cum Hebræo pro authentico venditatur, additurque Versio antiqua, diversa Samaritana, nec non Græca LXX. interpretum, Chaldaica, Syriaca, Latina Vulgata, Arabica, Æthiopica, item & Persica. Absolvitur VI. Tomis. Primus Adparatum exhibet Chronologiæ Sacræ; Tractatum variorum de nummis, ponderibus, mensuris, Idiotismis, Descriptionem terræ sanctæ à Villalpando, & Prolegomena quædam Bibliorum. Tomo II. III. IV. V. exhibetur 1. Textus Hebræus cum punctis, nec non Græcus N. Test. addita interlineari versione. 2. Pentateuchus Samaritanus & versio Samaritana, & utriusque

usque translatio Latina. 3. LXX. Interpretum versio è Codice MS. Vaticano cum collatione Codicis MS. Alexandrini. 4. Vetus Vulgata Latina è LXX. expressa. 5. Vulgata Latina Sixti & Clementis. 6. Chaldaicæ paraphrases ex opere Buxtorfii, ut & Targum Pentateuchi Hierosolymitanum, & Jonathanæum cum Latina interpretatione. 7. Psalterium, Canticum Canticorum, & Novum Testamentum Æthiopicum cum interpretatione Latina. 8. Evangelia Persica cum versione Latina. 9. Syriaca versio è variis MSS. 10. Arabica translatio. Tomus VI. adnotationes & collationes variorum exemplarium, antiquorum Hebræorum, Græcorum; Latinorum, Samaritanorum, Chaldæorum, Syrorum, Arabico-rum, Ægyptiorum, Persicorum continet. Quia vero pleræque hæ versiones dubiæ sunt antiquitatis & auctoritatis, neque vim magnam probandi habent, opus illud magis splendidum & sumptuosum, quam necessarium judicant eruditi, caute adhæc legendum & usurpandum, cum nimium, ut adparet, Joanni Morino & Hugoni Grotio tribuat imprudens Waltonus, unde cum illo & textum sacrum; & litteras Hebræorum proprias Samaritanis vindicat, Grotii-que varias, quas ipse cum Capello suo, commentus est, lectiones Textus Hebræi, pro veris & genuinis lectionibus diversis venditat. Quem errorem jam dudum interfecerunt Jo. Buxtorfius Theolog. & Linguae Hebrææ in Academia Basileensi Professor in Tractatu de Punctorum Vocalium & Accentuum in Libris Veteris Testamenti Hebraicis Origine, Antiquitate & Autoritate, opposito Arcano Punctuationis revelato Ludovici Capelli. Basil. anno M. DC. XLIX. in quarto; & in Anticritica seu Vindiciis Veritatis Hebraicæ adversus Ludov. Capelli Criticam, quam vocat, sacram, ejusque defensionem, quibus

bus
stor
& sop
suris,
tur,
1653
de T
widet
mach
ciis,
Paris
guri
p. 2
i. Pl
lis M
Pen
Wal
le cl
petit
&
Ang
lect
scul
dici
nus
hor
run
nun
Pre
vin
ver
He
rel
Pa

bus Sacrosanctæ Editionis Bibliorum Hebraicæ Auctoritas, integritas, & sinceritas à variis ejus strophis & sophismatis : quam plurima loca à temerariis Censuris, & Variarum Lectionum commentis vindicantur, simul etiam explicantur & illustrantur, Basil. 1653. in 4to. sicuti & Arnold. Bootius in epistola de Textus Hebraici Veteris Testam. certitudine & *ἀσθενείᾳ* ad Jacobum Usserium Archiepiscopum Armachanum, Paris. M. DC. L. impressa : & in Vindiciis, seu Apodixi Apologetica pro Hebraica veritate Paris. M. DC. LIII. Item Jo. Henr. Hottingerus Tigurinus in Thesaurō Philolog. lib. I. cap. II. Q. IV. p. 204. f. Ut. & CL. Jo. Leusden Dissert. X. XI. XII. f. Philologi Hebræi, cum primis vero incomparabilis Matthias Wasmuthus in doctissimis Vindiciis. Pentateuchum Samaritanum MM. annorum facit Waltonus, eumque non esse ex *Hebræo descriptum*, Sole clarius demonstrare, ait, tot transpositiones, versuum repetitiones, aliasque discrepantias inter Textum Hebraicum & Samaritanum, quarum Catalogus ultimo in Tomo Anglicano exhibetur. At perperam hinc diversitas lectionis in antiquissimis codicibus Hebraicis exculpitur, quia nihil de auctoritate Samaritani Codicis, quem è tenebris se vanus jactitat eruisse Morinus, constat, nec fidem illi semigentiles merentur homines adversus populum DEI; cui credita fuerunt τὰ λόγια τῶ Θεοῦ Rom. III. 2. Sed ad Morinum Blesensem, congregationis Oratorii, ut vocant, Presbyterum, Samaritanorum Pentateuchum pro divino venditantem, & Hebraico Textui præferentem, veritatem Hebraicam mascule adseruerunt summi illi Hebraicæ veritatis vindices, Simeon de Muis Aurelianensis, sacrarum Hebræarumque litterarum apud Parisienses Professor olim regius, & Jo. Henr. Hottingerus,

tingerus, tunc Linguae sanctae & Historiae Ecclesiasticae Professor Tigurinus, in Exercitationibus Antimorinianis Tiguri M. DC. XLIV. editis, raro venalibus; & in Analectis, Dissert. II. p. 124. f. Adde, si habes, elegantissim. Cl. Dn. Tentzelii Dissertation. de Bibliis Polyglottis.

§. VIII. Bibliothecam Fratrum Polonorum, VI. Voluminibus constantem, & ut ferunt, à Francisco Cuypero, miserabili ante triennium Rotterodami morte pereunte, percussio scil. à molae, quae ventorum flatibus agitur, ala; Amstelodami 1656. curatam, qui cognovit, non facile emet, cum commodum ex ea redundans sumptibus parum respondeat, si enim à Schlichtingii & Crellii commentariis Bibliis non adeo magnis discesseris, oppido pauca in ea invenies, quae te juvare possint. Multum illa reperitur in Bibliothecis non tam doctorum Socinianorum, quam plebeiorum, indoctorum & Linguae Latinae expertium fere, hi enim ut libros ostendere possint, & ne nihil intelligere videantur, emunt illam, ut parvam Bibliothecam & ornamentum camerae; non in studium, sed in spectaculum, ut ait Seneca, de Tranquill. animi, cap. IX. Qui sapiunt, priores sibi comparant, aut si jam tum habent, retinent, peculiarium separatim editorum Racoviae, aut alibi, Socini, Smalcii, Crellii, Schlichtingii &c. tractatuum editiones ut integrioribus & correctiores, quamvis nec illae ipsae omnibus à mendis liberae sint.

§. IX. Quicumque Theologiae studiosus, aut Pastor, vel saltem de uno, super unumquemque librum Biblicum, docto ac solido sibi prospexit interprete facile Matth. Poli Synopsi Criticorum IV. Volumin. principio M. DC. LXIX. Londini, postea, non tamen aequè bene, V. Volum. Ultrajecti & Francofurti excusa

cusa carere poterit. Notæ illo in opere sæpe sunt nullæ, breves, sine judicio ex aliis excerptæ, (quia forte aliæ non erant ad manus, & tamen numerus erat complendus) minimeque perpetuæ in singulos versus & verba, quas ego in interprete maxime attendo. Hinc & non raro, multos se locos, quorum explicationes desiderant, evolvere frustra studiosi conqueruntur. Sane qui librum Biblicum, vel auctorem, carptim exponunt, & ex eo mox hoc, mox illud seligentes, plurima prætereunt, comparari plane cum iis nequeunt, qui verbatim textum explicant, commentarioque perpetuo, ne minimam quidem Particulam relinquentes, illustrent: Faciunt hoc plerumque Mercerus, Jo. Gerhardus, Rivetus, uterque Tarnovius, Paullus & Johannes, Abraham Calovius, Sanctius, Lorinus, Estius, Gejerus, Coccejus, Augustus Varenius, & qui omnes fere superat, solidissimus Sebastianus Schmidius. Horum Commentaria habens nunquam frustra quæret, nec temporis, nec pretii jacturam faciet; ad selecta vero qui scripserunt dicta tantum utilitatis non præbent, quin non raro qui à summis viris doceri cupimus, vacui & inanes dimittimur; quod tamen minime eo scribo, ac si hos præ illis contemniam auctores, scio enim in minori quanto quandoque esse majus quale, sed ut studiosis utilissimos parabilissimosque commendem libros. Legi hic meret Dorothei Sicuri Prudentia Theologica §. 33. p. 47. f. Amstelod. MDCC LXXXIV. edita: Adpono non vanum doctissimi & summi viri Marci Meibomii de Polo judicium quod in extremo præfationis secundo specimini præmissæ his verbis tulit: *Videamus nunc de Matthæi Poli Synopsi Criticorum, in qua illa Salazaræ explicatio (loci Prov. XVII.) recensetur. Ex instituto nihil monet de variis illis interpretationibus & explicationibus, verane sint, an falsæ. Nec*

tamen

tamen opinandum est, manifeste falsas eum inferere voluisse. Hanc igitur Salazari, & innumeras alias, falsas ac frivolas esse ignoravit. Neque enim ea eruditione, ac iudicandi facultate præditus fuit, ut discerneret, ac iudicium de iis interponeret. Quid ergo facturos eos credimus, qui minori etiam eruditione quam Polus instructi, ea Synopsi utentur? Certe idem, quod sermonis huius auctor. Eligent sententiam ex iis quas Polus multas ad difficilia loca collegit, opinando, cum nullas improbari, omnes recipi posse; conandum esse, ut excogitatis rationibus stabiliamur. Unde infinita frivolarum homiliarum seges, ex tam larga Synopseos Criticorum sementi, orbi Christiano brevi surget. Perniciosus igitur vulgo concionatorum usus est Synopseos Criticorum, nisi disputationum tomus, præsertim in *Vetus Test.* brevi edatur. Quod certe auxilium, & beneficium ab Ecclesiæ Anglicanæ Amistiuius flagitant Sacre Litteræ. Præterea promiscuus Synopseos illius usus etiam pagorum ministros instruet, ut Targum Onkeli & Jonathanis, & sesquipedaliam Rabbiorum vocabula, subinde homiliis suis inferant; & præter *LXX.* Aquilam quoque, & Symmachum, ac Theodotionem crepent. Quæ omnia cum antehac cathedraicis dumtaxat doctoribus, ianquam mysteria, paterent; nunc vulgo, & ambitiosis juvenibus, exposita sunt. Quid ergo, dicet aliquis, nullamne tam immensi operis utilitatem reperis? Nullam equidem aliam reperio, quam quæ ex largissimo Indice percipitur, præsertim quod ad *Vet. Test.* attinet. Scire enim curiosus inquisitor pauca lectione poterit, quenam plerorumque commentatorum & interpretum, de difficili loco sententia sit. Nam qui rationes auctorum cognoscere volet, cur ita verterint, aut explicarint, integra eorum commentaria adibit. Synopsin enim dumtaxat dedit Polus. Ossa plerumque, carne plenioris explicationis, & nervis rationum, nudata. Hæc Meibomius, de quo ita B. D. noster Christianus Noldius summus in regia Hafniensi Academia Theologus

Theologus in Adnotationibus & Vindiciis utilissimis & nunquam satis laudandis Particularum Ebræo-Chaldaicarum Concordantiis subjunctis, p. 1056. b. *In doctissimi Meibomii grata multa sunt Speciminibus: & quod Præfat. Specim. II. tuatur* **תִּקְרַן** & frigidus (*h. e. mansuetus*) spiritu. Proverb. XVI. 27. contra **קִר** falsum Keri Masorethicum. Sed **כִּאֲשֶׁר** Gen. XXX. 13. non potest esse pro **כִּנְאֲשֶׁר**, de quo supra. Et quam voluissem, ut non lectionem hanc corruptam adpellasset! contra analogiam punctationis, contra genus Grammaticum, contra fidem tot Codicum jam à ter mille annis. Sat turbarum ab aliis, Corruptione Fontium. Reverenter & absque injuria tractemus illa studia: Profanæ chartæ patiuntur tales operas: divinæ non patiuntur neque opus habent. Hactenus Noldius.

§. X. Porro prædictum haut semper optima fide auctorum adducere Polum sententias, etsi forte pluribus ostendere possemus, in præsentia tamen satis erit unum, exempli gratia, proferre locum, ne de eodem enumerando plura lectores fatigemus. In loco Rom. V. 1. utrum **ἔχομεν** per *o*, an **ἔχωμεν** per *ω* legendum sit, non convenit inter interpretes. Guilielmus Estius suæ Theologiæ Doctor, & in Academia Duacena primarius Professor, ejusdemque Universitatis Cancellarius in Comment. h. l. p. m. 52. b. edit. Parisinæ M. DC. LHI. non negat, Commentarium Ambrosio adscriptum pro lectione **ἔχομεν** habemus facere. Ex opposito Matthæus Polus in Synopsi Criticor. hunc ad locum Volum. V. f. 98. Edit. Ultraject. c10 10c LXXXVI. Estio pro vulgata quasi Pontificiorum lectione **ἔχομεν** Tertullianum adducat & Ambrosium adscribere non est veritus, cum diserte utrumque pro altera, **ἔχομεν**, quæ & nostra est, adferat. De Estii verba: Pro ver-

D bp,

bo, habeamus, in plerisque Græcis Codicibus est ἔχουμεν habemus. Et ita Tertullianus (lege Tertullianum) legisse, arguunt hæc ejus verba lib. V. adversus Marcionem cap. XIII. Monet (Paulus) justificatos ex fide Christi, non ex lege, pacem habere. Quod & à viro doctissimo Jacobo Pamelio in suis ad eum locum scholiis observatum est. Nec obscure pro ea lectione facit Commentarius Ambrosio adscriptus. Addo me quoque in quodam MSS. Latino legisse, Habemus. Sic Estius satis clare. Non diffitemur quidem in Operum editione qua utimur, Ambrosii, Basilcensi de anno M. D. XXVII. habeamus excusum esse, tum in expositione hujus loci Tomo Operum quarto f. 783. A. tum in secundo de Vocatione Gentium libro, cap. V. f. 35. B. At & sciūmus Adamum Contzenium Jesuitam, eundem illum Ambrosii è de Vocatione Gentium libro locum pro ἔχουμεν habemus adlegare in Commentar. h. l. p. m. 227. a. edit. Colon. anno M. DC. XXXIX. ut Ambrosii Codices & editiones hic discrepare negari non possit. Ad Tertullianum quod attinet, de eo nos ita docet Pamelius in Adnotationibus ad lib. I. Tertull. adv. Marcion. cap. XIII. fol. 618. In his verbis initio capitis V. Epistolæ ad Romanos legit Autor ἔχουμεν, id est, habemus, pro eo, quod alii ἔχουμεν, habeamus. Recte! Sic enim Tertullianus, fol. 601. edit. Rigalt. Monet, justificatos ex fide Christi, non ex lege pacem ad Deum habere. Ad quem? Cujus nunquam fuimus hostes, an cujus legi & naturæ rebellavimus? nam si in eum competit pax, cum quo fuit bellum, ei & justificabimur, & ejus erit Christus, ex cujus fide justificabimur, ad cujus pacem competit redigi hostes ejus, aliquando: Ceterum de sententia Excellent. Dn. D. Jo. Benedicti Carpozvii laudandus est Estii candor minime dissimulantis, se quoque in MS. quodam Bibliorum Latino

Latino legisse habemus, videturque ad lectionem ἔχομεν inclinare, atque cum vulgata hodie trita conciliare potius quam rejicere eam, ut ut tandem de reconciliatorum pace, contra adsertam Orthodoxorum certitudinem infallibilem, cautionem non tolerandam adnectat. Vide & D. Jac. Welleri Adnotationes eruditas in h. l. p. m. 316. edit. Brunvicenf. anno M. DC. LIV. Optime noster Joach. Camerarius Pabepergensis in Comment. h. l. m. p. 56. a. Edit. Cantabrig. M. DC. XLII. εἰρήνην ἔχομεν concordans scriptura est librorum, & sententia præclara, justificati fide, pacem habemus ad Deum. Id est, justitia, quæ non ex aliquo operum nostrorum merito existit, neque oritur ex nobis, sed contingit fide, pacificatrix est, reddens nobis propitium & clementem & benevolentem Deum propter Dominum nostrum Jesum Christum. Quam sententiam mutato modo legentes, ἔχομεν, & alienis declamationibus aliqui corrumperunt. Plane autem docet Paulus totum opus justificationis esse meriti & sanguinis Christi, & ita nobis patefieri accessionem ad gratiam æterni Dei, ita & Ephesius cap. III. 12. scribit, ἐν ᾧ ἔχομεν τὴν παῤῥησίαν καὶ τὴν παρρησίαν ἐν πεποιθήσει. Et inferius, τῆς δόξης τῆς Θεοῦ. In libris Latinis est, gloriæ filiorum Dei. Hæc ille. Jo. Calvinus, Ægid. Hunnius, Matthias Flacius, David Rungius, Theod. Beza, Dan. Tossanus, Ben. Aretius, Dan. Heinsius, Erasmus, Schmidius, Joan. Camero in Myrothecio, Alexander Morus, & Christ. Chemnitius in Notis plane non : Georg. Mylius, Bucerus, Wolsfg. Musculus, Frider. Balduinus & Jo. Coccejus paucis νεῖων hujus vocabuli attigerunt. E re erit audire nostrum Roterodamum Erasinum, cujus in Adnotationibus p. m. 363. hæc leguntur in h. l. In plerisque Græco-

rum Codicibus scriptum habetur ἔχομεν, in aliis variat scriptura: Velut apud Theophylactum contextus habet ἔχομεν habemus, enarratio ἔχομεν habeamus. Apud Chrysostomum contextus habet ἔχομεν habeamus, atque item commentarium, sed hoc incuria librariorum fuisse commissum subindicat illud quod sequitur τὸ ἐστίν, ἐκ ἐπὶ ἀμαρτάνοις, id est, non amplius peccamus, ubi reliquit omicron. Jam haud scio an primæ personæ τῶν αὐτοπαθῶν congruant cum indicativis, quemadmodum secundæ ἔχομεν ἔχετε. Quod ut donemus, sensus hic non patitur imperandi modum. Si quidem Apostolus loquitur hic de justificatis perfidem qui jam pacem habent cum deo: quos si voluisset deterrire à peccando ne pacem acceptam amitterent, dixisset aptius τηρώμεν quam ἔχομεν. Non enim hic monet justificatos, sed gratulatur illorum felicitati, quod non ex suis meritis, sed ex gratuita dei benignitate liberati sint à peccatis, eique reconciliati, quem prius habebant insensum. Huic sensui respondent ea quæ sequuntur, de fiducia accessus ad deum, de spe gloriæ filiorum dei, quæ perseverat & in afflictionibus hujus mundi, de charitate dei, qui morte unigeniti sibi reconciliavit mundum. Constat Ambrosium legisse habemus, non habeamus, arguunt hæc verba. Pacem, inquit, habere cum deo fides facit, non lex. Hæc enim nos deo reconciliat sublatis peccatis, quæ nos deo fecerant inimicos: & quia dominus Jesus hujus gratiæ minister est, per ipsum pacificati sumus deo &c. Apud Origenem in contextu legimus habemus, iidem repetit in commentariis, si diaboli arma projecimus & signum Christi & crucis ejus vexilla suscepimus, pacem uique habemus ad deum: & huic lectioni respondet enarratio. Apertissime enim, inquit, per hæc quæ intellexit, quid sit ex fide, & non ex operibus justificari, ad pacem dei, quæ exuperat omnem sensum, in qua & summa per-

fectionis

fectionis consistit, inuitat. Haftenus Origenes. Sic qui vitæ monasticæ tranquillitatem, qui virginittis laudes prædicat, inuitat ad hoc vitæ genus eos qui nondum amplexi sunt. Sequitur apud eundem Origenem, cum essemus, inquit, inimici dei, reconciliati sumus deo &c. Ostendit autem Origenes consequens esse, ut qui gratis deo reconciliatus est, non amplius cogitet ea quæ sunt inimica deo. Nec mirum si post sub sua persona loquens vertit indicativum modum in imperativum, habeamus pacem, non sit in nobis est & non. Ad hanc igitur exhortationem non est opus verbo imperandi, sed ipsa res hortatur, ne semel liberati à peccatis deoque reconciliati relabamur in ea, quæ dirimunt amicitiam inter deum & homines. Hac ratione constant & ea quæ scribit Chrysostomus, & ab hoc sua mutuatus Theophylactus. Hoc autem admonendi genus magis congruit Paulinæ modestiæ ac civilitati. Nec ille tropus est infrequens ut hoc fieri dicamus, quod debere fieri volumus intelligi, ut illud, Qui ex deo natus est non peccat, & mater non potest odisse filium, princeps omnia metuitur Reip. commodis. Hæc ita differui, ut alteram tamen lectionem non omnino damnem. Potest enim hic sermo pertinere ad baptizatos adhuc imbecilles spiritu & subinde recideres in peccatum, ut Apostolus quo mitigaret admonitionem, suam admiscuerit personam. Juvat & adjicere, quæ scripsit in Commentario hunc in locum doctissimo D. Petrus Martyr Vermilius Florentinus, Professor olim divinarum literarum in schola Tigurina. Sunt nonnulli, inquit in p. 128. edit. Heidelbergensis anni MDCCXIII. qui pro ὁμικεῖν ὠμεία substituunt, & pro ἔχομεν, legant ἔχωμεν, hoc est, habeamus pacem: quasi Paulus, postquam de dogmate fidei monuerit, nunc agat de vitæ sinceritate, atque contendat, ut Romani charitate, & mutua benevolentia sese invicem prosequantur. Et Origenes videtur concedere in hanc sententiam: sed Chry-

sostomus apertissime. Is enim duplicem affert expositionem. Unam, quum simus iustificati ex fide, reliquum esse, ut contentiones facessant & homines inter se pacem colant. Id autem volunt Paulum ideo dixisse, quod essent nonnulli, qui contenderent legem revocandam esse, quasi ad salutem necessariam. Paulum vero ostendere id nihil esse opus, quum iustificati simus fide. Alteram, ut charitatem exerceamus, neque peccemus. Verum hæc sententia salvo scopo huius loci, & salvis Apostoli verbis, non consistit. Quia videmus hic agi per epilogum de conclusione, quæ inferitur ex illis, quæ prædicta sunt. Deinde pax, de qua Apostolus loquitur, non est ea, quam habent homines inter se. Significanter enim ait, Erga Deum: & ea, quæ sequuntur, videmus esse per modum indicativum. Ait enim, Per quem habuimus accessum per gratiam istam, in qua stetimus. Sed Chrysostomus in eo etiam aberravit, cum interroget, num sine peccato esse possimus, cum iustificationem jam habeamus, & sibi respondeat, id esse facile. Quoniam, inquit, difficilius fuit, ut qui tam gravibus peccatis eramus obnoxii, ab illis eriperemur, quam ut iustificati peccata caveremus. Longe enim, inquit, majus est, adipisci ea, quæ non habemus, quam ea tueri, quæ adepti jam sumus. Verum ante ostendimus, id, dum hic vivimus, non esse sperandum, ut prorsus peccato careamus. Quod si quis contendat, id per Dei potentiam posse fieri, nihil refragatur. Posset enim Deus hominem ornare tanta gratia, ut viveret omnino absque peccato. Sed nos loquimur juxta sententiam scripturarum, ut res ipsa habet, utque experientia semper evenire docet. Si dixerimus, inquit Johannes, nos peccatum non habere, nos ipsos seducimus, & veritas in nobis non est. Et Hieronymus adversus Pelagianos ridet eam potentiam, quæ neque habeat, neque habuerit, neque habitura unquam sit exequutionem. Ambrosius nobiscum facit, & aperte locum hunc interpretatur de pace conscientie, quam habemus erga Deum. Imo confert

confert in hoc Fidem & Legem: Fidemque Legi præstare dicit, quod pacem facit, quam Lex præstare non possit. Quamquam sive per ο, sive per ω scribas, hoc est, sive ἔχωμεν, sive ἔχωμεν legas, expositio nostra locum habet. Nam Apostolus vel dicit, eam pacem nos jam habere, vel hortatur, ut eam habeamus, neque amplius, ut antea, Deum fugiamus. Sed multis partibus potior est lectio recepta per ὁμ. η. ε. γ. Addo & Davidjs Parei

S. Litterarum olim in antiquissima Academia Archi-Palatina Heidelbergensi Doctoris & Professoris primarii verba ex hunc in locum commentario, existente parte Tomi primi tertia Operum ejus Theologicorum Exegeticorum Francofurti impress. M. DC. XLVII.

Vetus Latina: Habeamus pacem ἔχωμεν, quasi sit hortatio ad concordiam, unde Papiæ (Dionys. Carthusianus hic) totum locum pervertunt, sic exponendo: Postquam Apostolus abstulit causam atque materiam discordiæ Romanorum: jam eos invitavit ad veram pacem, & ait: Justificati ergo, id est, justii à DEO effecti ex fide, id est, per fidei formatæ infusionem pacem habeamus ad DEUM, id est, DEO humiliter subditi simus. Priores corruptelæ supra sunt refutatae. Posteriori videtur favere Origenes, item Chrysostomus, qui refert quorundam expositionem de ea pace, quam justificati fide mutuo inter se habere debent. Sed hanc non probat. Exponit vero de pace, quam servare debemus cum DEO, vivendo peccata, quæ nos à DEO seungunt, lege seungunt. (cetera quæ sequuntur, Verum enim vero peccata quæ nos à DEO seungunt, sine dubio sunt superflua, mendosa & ab errante Typographi manu.) Verum enim vero exempla Græca constanter habent ἔχωμεν habemus adseritæ, non imperative: & sic etiam legit Ambrosius. Georgium Weinrichium in præsentia non ad manus habens, sub-

nectam magnum Doctorem nostrum Jo. Gerhardum, cujus verba in ad hunc locum notis hæc sunt. "Ob-
 "serva, Apostolum non dicere ἔχωμεν εἰρήνην, in
 "forma optandi, vel exhortandi : sed ἔχωμεν in for-
 "ma asseverandi. *Iustificatos pacem habere* dicit, non
 "ut pacem habeant vel sectentur, eos exhortatur.
 "Consolari voluit, non exhortari. Syrus habet
 "futurum יוֹסֵף (יוֹשֵׁף) *erit nobis pax*, quod pos-
 "set quidem pro conjunctivo positum accipi, sed ex
 "textu Græco manifestum, quod pro indicativo ac-
 "cipiendum sit.

CAPUT IV.

§. I. **S**I Cornelius Cornelii à Lapide Jesuita pri-
 mo Lovaniensis, postea Romanus aniles è
 Legenda ferrea, lurido Surio, & ceteris hujus generis
 futilibus & ridiculis scriptoribus excerptas fabu-
 las, ad dementandam stolidam plebeculam & per-
 terrendos pueros confictas omisisset, ipsi *perspicuitatis*
& nervositatis laudem à celeberrimo Dn. D. Mich.
 Walthero in Officinæ Biblicæ repositor. poster.
 §. 580. p. 440. tributam, non invideremus. Me-
 rico certe Casaubono in p. m. § 1. edit. Londin. (no-
 stram enim editionem, quam in præsentia curamus,
 Typographus nondum eousque profligavit, paginam
 ut addere possimus) anno 1647. in 12. Diatribæ
 de Verborum usu & accuratæ eorum cognitionis
 utilitate, *Corn. à Lapide Vir doctissimus & diligentissimus*
est. At quod ille à Lapide de seipso projicit in
 Præfatione Commentarii in Proverbia, se omnes
omnium sacrarum librorum interpretes evoluisse, quin
etiam

etiam è Patribus omnibus Græcis, Syris, Latinis Scholasticis ceterisque classicis auctoribus loca S. Scripturæ sparsim ab iis pertractata, studiose collegisse, mihi non persuadet, nec opera ipsius probant. Audimus molæ strepitum (Arabum elegans est in nugipolyloquidas, ut cum Plauto è Pers. IV. VI. 21. dicam, proverbium) sed ubi farina? Jesuitis major famæ sitis est, quam virtutis & veritatis. Hi sibi soli sapere, sibi bene vivere, Jesumque ac incolas celestes propius insequi & comitari videntur, ut de arrogantia hac Jesuitarum penitus diabolica Benedictus Arias Montanus, spectatissima, judicio Scioppii in Infamia Famiani p. 110. pietatis ac virtutis Vir conqueritur in Bibliis antuerpiensibus. Hinc & nota sunt, ac ab Alphonso de Vargas jamdudum citata Jacobi Kelleri verba: Societas plus ceteris religionibus laborat. In ceteris ordinibus non adeo prompti, felices ac periti animorum medici reperiuntur. Apostolici gregis pastoribus non est de aliis vineæ operariis prospiciendum, ubi Jesuitarum viget sanguis, ardor, ac pietas, quorum studia & sudores nemo facile equare potest; ac propterea Societatis privilegia augere magis oportet, in quam convenit, quod Sauli regi de Davide dictum fuit: quis in omnibus servis tuis sicut David fidelis & pergens ad imperium tuum, & gloriosus in domo tua? Quis, nisi prudens, his hominibus de se tam egregie testantibus non crederet? Memoria recolere deberent hi impostores, tritum illud: propria laus sordet, at depudere didicerunt. Ut vero ad Cornelium redeam, scripsit is auctore Hottingero, lib. I. Biblioth. Theol. cap. VI. p. m. 188. in plerosque libros Biblicos, quæ tamén opera laboriosa magis est, quam Exegetico-Scholastica. Cujus Epitomator (quo loco ab ipsis habetur Pontificiis) est Tirinus. Qui idem ibidem & in p. 190. observat, ex omnibus interpretibus, Cathedris Romanis, præ ceteris, destinatum esse Cornelium à Lapide, ejusque Epitomatorem

Tirinum,

Tirinum, non quod ille vel ingenio accedat Tostao Abulensi, Thomæ, Lyrano, Cajetano, Estio, Sanchezio; vel eruditione & Linguarum adparatu Ariæ Montano, Vatablo, Musio; vel judicio & Methodi ærelectæ Emanueli Sa, aut Mariana, quorum quidem breves, sed doctiores, ut plurimum sunt observationes: verum, quia sua populo ut placerent, conscripsit Commentaria ex Discipulo de Tempore, Cantipratenſi, Legendis, Vitis Patrum collecta, & aliquo eloquentiæ Mangonio fucata proposuit. Plus ergo, pergit idem Hottingerus, impendisse videtur laboris, quam Sa & Mariana, minus ostendit judicii & ingenii.

s. II. De Theodoro Beza, Vezeliis, oppido Heduarum vetusto Gallico, nato, Genevenſis Ecclesiæ ministro, viro in Philologia magno lego apud Jo. Conr. Dietericum in aureis prolegomenis Antiquitatibus Biblicis præmissis, p. 18. a. quod omnes Græcos auctores, sacros & profanos evolverit, antequam adnotationes in Novum Testamentum inciperet; quod sane opus ipsum magis comprobatur, ac Cornelii à Lapide opera. Ut vero Bezæ doctissimas in adnotatis & interpretatione Novi Testamenti operas maximopere, ut dignæ certe sunt, eruditi commendant: ita sine solida & sufficiente iidem fieri ratione arbitrantur, quod multa Scripturæ Novi Testam. Græcæ loca, multasque dictiones in suspiciones mendorum & corruptelarum inlatarum vocare non veretur: quo nomine etiam, de nonnullorum minime maledicorum sententia, forte haut injuste, à Jesuita Jac. Gordono Huntæo Scoto contrav. 1. cap. XIII. cum suo olim collega Jo. Calvino, vapulat. Enumerat & vindicat ista loca eximius ille servus DEI B. Salomo Glassius, lib. I. utilissimæ Philologiæ, (qua utilior in studio exegetico, una cum Buxtorfii Thesauro Grammatico & Christiani Noldii doctissimis Concordantiis

cordantiis Particularum Ebræo-Chaldaicarum Havniæ MDCCC LXXIX. impressis, liber non datur) Tr. II. part. II. sect. II. p. 180. Quid Dan. Heinſius in doctiſſimo interprete deſideret, docent ejus Exercitationes Sacræ ad Novum Teſtamentum: & pro Heinſio adverſus Joannis Croji Calumnias Apologia neceſſaria p. 5, 6, 7. edit. Lugd. MDCCC XLVI. in 8vo. Adpono hic nonnulla è Johannis Druſii Epiſtola MS. ad Theodorum Beza: *Niſi quis ſepties tuas Novi Teſtamenti editiones emat, nesciet quid aſas aut quid neget.* Memini Typographum eruditum Hieronymum Commelinum hoc mihi ante decennium dixiſſe, quod crebra mutatione conſilii hoc tandem adeptus es, ut plurimi nihili faciant Novum Teſtamentum litera læſum atque ſenſu flexiloquum. Et olim quidam Doct̃or Cantabrigienſis mihi retulit, quod Cantabrigiæ plures averſati ſunt Religionem, ducti per te ad credendum, quod Novum Teſtamentum depravatum eſt, ſicut per Eduardum Livelejum, (fuit is Hebraicæ linguæ apud Cantabrigienſes olim Profeſſor) quod Vetus ulceratum. Ægre ferunt eruditi, Græce doctiſſimum, b. r. Joan. Ericum Olſtermanum, Græcar. litterar. Profeſſorem Wittebergæ publicum, eruditiſſimas Poſitiones ſuas Philologicas Græcum Novi Teſtament. contextum concernentes (retineo verbum Tituli libri, alias non ignorans, concernit pro attinet à Criticis non falſo rejici) non continuaviſſe, publicatas verò Wittebergæ anno MDCCC XLIX. eruditis non familiariores eſſe, quippe in quibus obſervationes Bezæ Criticas & Philologicas admodum erudite, quod ſolet, expendit & examinat. Quod ideo lectorem hic moneo, ne, ſi forte eas in Poſitiones incidat, quod mihi aliquando obſtigit in ſcrutario, ubi per ſemestre ſine emptore jacuerant, pro derelicto eas habeat & ſpernat. A bienio, quo hæc ſcripſi, inferui eas Faſci noſtro II. Diſſertationum

sertationum Philologico-Historicar. n. X, XI, & XII. p. 485. f. Hoc dubio caret doctissimum interpretem Bezam non semel usum esse incomparabilis Martini Chemnitii Harmonia Evangelica. Confer. vel Luc. II. 25.

§. III. Eximiam relatu præbet materiam Erudita Doctissimi Martinum ad Lydium Bezæ interpretis epistola, quam ex illius *ὑπογράψω* hic subnecto. S. Cœpi te amare, mi Lydie, ex quo die te primum cognovi, quod in te animadverterem veræ pietatis signa, quæ me minime sefellerunt. Itaque sæpe de te cogitavi, & quum neque ubi esses, neque quomodo tecum ageretur, intelligerem, precatus sum DEUM Opt. Max. ut tibi, ubicunque esses, benediceret. Nunc vero pergratum mihi fuit intelligere, te in opere Domini neque fuisse, neque esse otiosum, imo etiam magnam tibi messem & operosam commissam esse, quam etiam spero abs te copiosam esse in horrea Domini nostri colligendam, nisi, (quod in populosis præsertim urbibus accidere consuevit) te strenue laborante, sibi-ipsis defuerint, qui sese ne feri quidem patiuntur, nedum ut irrigati fructum ferant. Magna tamen erat Corinthus, nec illi certe civitati prorsus absimilis, in qua te Dominus collocavit, ubi multum populum habuit Dominus messis. Qualis etiam fuerit Roma, norunt omnes, & tamen nunc quoque, quum Urbi non tantum regnaret, sed etiam plane fureret Satan, fides Romanorum sparsa fuit per orbem terrarum. Utinam idem istic experiaris. Sin minus, memineris, solam esse nobis culpam præstandam. Mallet quidem ego homines in superstitione educatos, & alioqui per ignorantiam peccantes verbo DEI adduci, quam edictis cogi: neque adhuc mihi persuadere potui, sic homines fieri vere Christianos. Sed quum multiplices in ea re occurrant

rant circumstantiæ, quæ in alteram partem pium magistratum (ut opinor) inflexerint, absit, ut de re mihi non satis nota quicquam apud me statuam, nedum ut apud quemquam hoc factum vituperem. Sed te quidem hortor magnopere, ut modis omnibus studeas suave & amabile illis reddere, quod fortasse nunc, propterea quod sic cum ipsis actum est, averfantur. Denique DEUM Opt. Max. precor, ut te in tanto opere donis necessariis instruat, & singulari quadam gratia dignetur. Quod ad nos attinet, adhuc stamus DEI beneficio, nec unquam frequentiore Ecclesiam & Scholam habuimus, feliciores tamen futuri, nisi ex aliarum Ecclesiarum nimium multarum ruinis cresceremus. Sed laus sit DEO, qui suis exulibus hoc perfugium pergit, frustra quidvis moliente Satana, conservare, faxitque ut tanto ipsius beneficio neutiquam abutamur. Quod ad Kemnitium attinet, Danæus Collega meus has in se partes, quas à me postulabas, recepit, neque dubito, quin hoc opus fortiter sustineat. Me certe usque adeo istarum scriptionum tædet, ut toties inculcata repetere sine nausea non possim; quamvis his nundinis, importunitate quorundam victus, Harchii cujusdam vere insanientis deliria coactus fuerim refutare. Quod si mihi dederit Dominus tertiam mearum Quæstionum partem aliquoties jam intermissam absolvere, in qua studeo paucis, & tamen perspicue contraria omnia argumenta tum jam orta, tum etiam fortassis oritura, obstructis eorum fontibus, refellere, officio meo satisfactum putabo, & ad pacatius scribendi genus me totum, si vita mihi longior fuerit, convertam. Psalterium meum nunc recusum est, auctius & emendatius. Itemque minus novum Testamentum; & jam totus sum in majoribus annotationibus emendandis & augendis, quem laborem

laborem spero Ecclesiis fore quibuscumque apologiis utiliore. De Gallicis Ecclesiis utinam possem jucundiora nuntiare. Sed quid illo regno miserius esse potest, quod quo saepius percutitur, eo minus sapit? Vobis autem utinam commodius omnia eveniant. Bene vale, mi Charissime frater. D. Jesus te, Collegasque tuos omnes feliciter servet, vestrisque laboribus cumulatissime benedicat. Iterum vale, & Bezae tui memor esse perge. Genevæ, 27. Augusti, 1580. Tuus Beza. *Inscriptio.* Eximio Christi servo D. Martino Lydio, fido Amsterdamentis Ecclesiae pastori, fratri ac collegae observando. *Amsterdami.*

§. IV. Male Daniel Heinsius (Glassio in Praefat. Rhetor. Sacrae vir ad miraculum doctus, & doctissimo Dannhawero in Myster. vir toto orbe clarissimus) in Exercitationibus sacris in Matthæi V. 34. p. m. 28. v. 6. scribit: Cum ex animi sententia jurabant, Judæi, Vivit Dominus, cum fallerent, per cælum jurabant, ut ad Joëlem Jarchi notat. At in Jarchio id ego hactenus ibi frustra quaesivi. Quod si Heinsius ad Jarchium in Oseæ IV. 15. respexit, dicendum ipsum non intellexisse Jarchium, cum ita scribat: Et ne jurate cum illis, vivit Dominus: Nam quando; vivit Dominus dicunt, revera mendaciter jurant. Nimirum quando jurare voluerunt mendaciter, pronunciarunt שם שמיים nomen cæli (hoc est, D E I, non cæli creati, ut videtur Heinsius putasse) sed quando serio jurare voluerunt, jurarunt in nomine Baalim. Neque negandum est, quod religiosi maxime Judæi per שמיים cælos, juraverint, majoris & vehementioris adsertionis causa. Babyl. Beracoth f. 55. השמים כן הו', per cælum ita res est. Ceterum de Abrahami Calovii sententia in aurea Pædia, cap. II. can. IX. p. 62. Heinsius plerumque in Criticis Minutiis, isque haut raro parum utilibus hæsit, quem castigare cepit in suis animadversionibus

bus in Novum Testam. Crojus, *sed magis procaciter quam feliciter*. In multis, quod hic vir summus Calovius de Crojo; id de Cl. Salmasio perpetuo Heinſii Antagoniſta dixit quoque vir doctus quidam. Ille ipſe tamen Heinſius, ſi Apologiæ pro Heinſio adverſus Croji calumnias in p. 2. fides, *neminem aut laceſſivit, aut laceſſitus reſpondit temere, neminique ſcribendo gravis fuiſſe*. Perplacent, quæ Prolegomenis in Ariſtarchum ſuum p. m. 681. inſeruit Heinſius, rationem redditurus, cur *Exercitationum* nomine uſus ſit, idemque Commentariis ſuis inſcripſerit: *Exercitationes*, inquit v. 9. *iſſidem inſcripſimus: vel quod in rimanda veritate occupamur: vel quod nihil temere adfirmamus; & interdum, ne hoc quidem: vel quod eruditis hanc cognitionem ac judicium deferimus; quos tam multa ſcire nobis conſtat, quam nos ignorare ſemper proſitemur*. Hæc verba inſignem maximeque laudandam in viro doctiſſimo moderationem atque modeſtiam præ ſe ferunt. Ut forte Cl. Sarravius Epiſt. XI. p. m. 12. edit. Arauſionenſ. c10. 10c. LIV. in 8vo non ſatis cauſæ habuerit ſcribendi: *Ad filii (Nicol. Heinſii) quæſtionem de Opere paterno quid ſentiant in Gallia viri docti, poteris inter cetera ex veris reſpondere, omnes ex animo dolere, quod tam acerbè inſeſtatus ſit Cl. Beza, cujus eximii pro vera Eccleſia exantlati labores merebantur, ut, ſi quid ei humanitus accidiſſet, mitius cum eo ageretur*. Exorietur, proculdubio, ex ejus offiſibus aliquis ultor, qui *Exercitatori Batavo Rhadamani δῖκαλον reponet, & tunc non ſibi dictum, ſed reſponſum putet*. At ille ultor, quod ego ſciam, adhuc exortus non eſt. Quæ enim Joan. Crojus ſcripſit ſunt oppido pauca produntque magis malevolum animum & conatum quam eruditionem ac ſtudium veri. *Non queror*, inquit filius Daniel Heinſius in notis ad Ovid. II. Artis, v. 660. p. m. 616. b. edit. Amſtelod. c10 10c. LXXXIII. de Jo. Crojo, *qui non ſolum*

solum oblitus patriæ patrisque Latini, ac communium studiorum, sed ordinis quoque sui, homo Theologus senio confectum parentem meum nulla provocatus injuria petulantissime exagitarit. Audio enim illum à Collegis suis officii admonitum, quibus facinus istud barbarum displicebat, respuisse. Quæ ad Crojum disputent Mericus Casaubonus & Marcus Zuerius Boxhornius, legere potes in Analectis nostris Philologic. n. II. Adde Salom. Glasfium in Præfat. Part. I. Exegef. Evangelior. & Epistolar. p. m. 40. edit. in 4to.

§. V. Ipse ille laudatus Heinsius occupatus in explicatione verborum Matth. II. 1. ἰδὲ, μάγοι ἀπὸ ἀνατολῶν παρεγένοντο εἰς ἱερσόλυμα, quæstionem movet in Exercitat. Sacr. cap. II. p. 9. v. 20. his verbis : *Illud ambiguum videri potest, utrum voluerit, ὅτι οἱ μάγοι εἰς ἱερσόλυμα παρεγένοντο, ἀπὸ ἀνατολῶν, an vero ὅτι οἱ μάγοι ἀπὸ ἀνατολῶν παρεγένοντο εἰς ἱερσόλυμα.* (sive, utrum hæc verba, ἀπὸ ἀνατολῶν sint referenda ad prædicatum Propositionis παρεγένοντο, ut hic sensus sit : οἱ μάγοι εἰς ἱερσόλυμα παρεγένοντο ἀπὸ ἀνατολῶν ; an vero pertineant ad subjectum, μάγοι : hac sententia, ὅτι οἱ μάγοι ἀπὸ ἀνατολῶν παρεγένοντο εἰς ἱερσόλυμα) & responsi loco adfert sequentia : *Quamquam autem utro modo sumas, de Oriente Judææ commode accipitur, tamen, si priori modo sumas (id est, si ad prædicatum παρεγένετο referas hæc verba, ἀπὸ ἀνατολῶν) μάγοι ἀπὸ ἀνατολῶν dicentur, ut Latinis, pastor ab Amphryso. Et apud Josephum Bileamus, μάγντις ἀπὸ ὑφράτε. Quod Hebræi in regimine מַגִּי אֲשֵׁרִי Magi Orientis, sive, Sapientes Orientis. Sin posteriori, (id est, si ad subjectum rejicias) Magos, sive, Sapientes venisse Hierosolymam:*

solyman : ab Oriente Hierosolymæ , Hellenistæ , ἐκ τῆς ἀπέναντι τῆς Ἱερουσαλὴμ dicerent. Quibus in verbis prius cum posteriori confundi palam est. Nam priori loco quærebatur, utrum sensus sit ὅτι παρεγένοντο ἀπὸ ἀνατολῶν ; deinde, an οἱ μάγοι ἀπ' ἀνατολῶν ;

§. VI. Verissime ab Ubbone Emmio, (Gretiano, Erilio, Historiarum & Græcæ Linguæ Professore, primoque Rectore Academiæ Groninganae anno MD C VII. XI. Kal. Septemb. ab illius Provinciæ Ordinibus fundatæ) rerum Chronol. lib. I. scriptum est : *ut in profana historia quidve antiquius, ita incertius ; ut ante casum Sardanapali in rebus magnæ Asiæ ; ante Trojanum bellum in antiquitatibus Græciæ ; ante Romam conditam de statu Italiæ vix quidquam habeas, in quo pedem firmiter possis figere.* Exemplum hujus incertitudinis in antiquissimo Argivorum regno invenimus, de quo tantummodo illud clarum certumque judicamus, quod Abrahami tempore inceperit. Agamemnonis enim ætas, à qua ad Inachum usque jam MD LV. mox MD LXXV. numerat Eusebins, characterem quemdam suppeditat, sententiam nostram satis confirmantem. Cui testimonio & alterum, Clementis Alexandrini nempe, accedit, qui ab Inacho ad Trojanum excidium viginti numerat γενεάς, tales puta, quarum tres seculum efficiunt, quemadmodum idem Clemens libro I. Stromat. adnotavit. Oportet igitur in numeris Clementis esse vitium, quando alibi penes auctorem citatum ab Inacho ad Trojanum excidium anni supra quadringentos tantum numerantur.

§. VII. *De me hoc habeo adfirmare, ait Præfat. ad Lector. Variar. Lection. libro præmissa Antonius Borremans. Ecclesiastes Arminianus, nullum à me esse adductum auctorem, quem non prius ipse consuluerim.*

Nefas esse credidi alienis oculis fidere, cum mihi proprias ipsa natura dedisset. Bis terve tantum secus facere coactus fui, quando ipsa monumenta mihi perlustrare non licuit. Bene factum! nec aliter oportebat fieri ab eruditis, quibus fides veritas & existimatio curæ cordique sunt. At cum non ita pridem in dicti Borremansii libri caput ult. p. 267. incidi, locumque Polydori ab illo adductum Vergilii Urbinatis legi, non ab re dubitare coepi, an vel hic prædicatam de se planeque necessariam adhibuerit diligentiam. Verba Borremansii dicto loco hæc sunt: Non possum, inquit, quin addam, quæ hac de re (pedum osculis) occurrunt apud Polydorum Virgilium, hominem Papistam, de rerum invent. lib. IV. cap. XIII. Romani Pomifices, inquit, deosculandos pedes exhibendi morem à Christo se accepisse contendunt. At Christus non Magdalene osculandos pedes obtulit; sed sponte peccata satentem, & suam misericordiam non solo amplexu genuum, ut Ethnicis, sed etiam osculo pedum implorantem, ejus consolande causa admisit: hoc ipsum honoris genus aliquin non minus repudiaturus, etsi sibi revera debitum, quam adpellationem Magistri boni (Matth. XIX. 17.) Sic quoque Petrus Cornelium centurionem ad genua procidentem manu sua sublevavit, **SURGE**, inquit, (Actor. X. 25, 26.) **HOMO SUM TIBI SIMILIS**: tantum absuit ut osculandos pedes exhibuerit. Decipimur specie recte, & sæpe cum Caligula pedes protendimus, dum Christi humilitatem vel spernimus, vel sicut conservande Apostolicæ auctoritatis titulo exornare laboramus. Hæc Polydorus prout à Borremansio nobis exhibetur. Quamprimum illum sic representatum Vergilii locum legi, etsi non ignarus, * Indicem expurgatorium Romanum anno CIO IO XCIX. dictum

* Lege hic eruditissimam Disquisitionem Cl. Dn. Danielis Franci de Papistarum Indicibus libror. prohibitorum

dictum obelisco notasse Polydorum, legique prohibuisse, ob stricturas in ejus opere passim occurrentes veritatis: statim tamen mihi suboluit falsitas illius loci. Evolvi igitur Polydori opus ex editione optima minimeque suspecta Argentoratensi M. DC. VI. in 8vo quæ, ut nos præfatio docet, opus ab auctore suo perfecte auctum denique, & ita multo locupletius nunc nobis exhibet, unde quidquid hauseris, purum, integrum, liquidumque te haud dubie haurire senties; ibique p. m. 270. hæc inveni verba. *Mos deosculandi pedes Pontificum, ne longe exempla petamus, à Christo Præceptore nostro cæpit, Is summus sacerdos Pontifex maximus tulit, ut mulier, quæ erat in civitate peccatrix, sicut testis est Lucas cap. VII. 38. sibi pedes primum flens lachrymis rigaret, capillisque tergeret, ac deinde deoscularetur, veluti apud Hebræos mos fuerat Christos Domini venerari. Voluit item procul dubio Cornelius Centurio pedes Apostoli Petri osculari, sed pater mansuetudinis plenus id fieri non est passus, qui elevans eum sibi ad pedes jacentem, dixit: Surge, & ego ipse homo sum. O Vocem memorabilem, atque salutarem! si bene multi hodie sese quoque homines tantum esse perpenderent, qui propterea quod sacerdotio præditi sint, plane se reliquorum mortalium longe post hominum memoriam imperiosissimos dominos præbent, non communes patres, uti fieri deberet. Ita usu venit, ut nos Pontificum nostrorum pedes exosculemur: illudque institutum à Romanis Pontificibus duxerim, quo mos ille osculandi antiquus à deorum etiam cultoribus servatus, ad veram pietatem usurparetur. Perinde quandoque expedit ad adliciendos hominum animos ad veram religionem, ut quod apud illos honori antea*

rum cap. X. §. 152. p. 169. f edit. Lipsiens. m. dc. lxxxiv. in 4to. qua studiosus Theologiæ Polemicæ ægre carere potest.

juerat, non tollatur penitus, sed sanctiore instituto ad consimilem adhibeatur cultum. Nam ut Plutarchus testatur, sacerdotibus Romanis nec habere nec petere magistratum permittebatur, lectore tamen & sella curuli utebantur, ut iis delinui ultra non quærent, in templis prope januam lecticam habebant tanquam custodes & refugium: pedes iis reliqui osculabantur. Quin & aliis summis viris id genus honoris habebatur, cuius rei testis est Seneca, scribens Cajum Cæsarem porrexisse ad osculandum sinistrum pedem Pompejo Pæno, ut ita ostenderet focculum auratum, margaritisque distinctum. Idem Pomponius Lætus adfirmat, ita scribens: Imperatores antea manus exosculandas nobilibus præbebant, post suis manibus sublevabant ad oris osculum: vulgus genua exosculabatur. Diocletianus edito sanxit, uti omnes sine generis discrimine prostrati pedes sibi exoscularentur, quibus etiam venerationem quandam adhibuit, exornans calceamenta auro gemmis & margaritis, quod fecisse antea Cajum Caligulam memorant. Is honos hodie Romano Pontifici fit, qui adeuntes se ad sacra pedum oscula admittit: ceteri vero antistites dextram manum averSAM adeuntibus religiose osculandam porrigunt; quod vel ab Ethnicis sumptum constat. Hæc Polydorus. Ex utriusque loci conlatione palam est Borremansium vel alium plane a nostro habuisse Vergilium, vel illum omnino non inspexisse, quod mihi admodum fit verisimile. Nam eadem verba plane eodem, quo nos, modo, adduxit & D. Nicol. Hunnius in Apostasia Romanæ Ecclesiæ. §. 322. p. 531. f. ostendens ex iis communionem Pontificiorum cum Ethnicis; ut & Dn. Joh. Contr. Dietericus in Antiquitat. Biblicis p. m. 396. Ejusdem in Borremansii cap. I. extr. Variar. Læction. libr. p. m. 5. pro Grebelius lege Gerbelius. Totum cap. IV. inseruimus nostris Analectis Philologico-Historic. n. ult. cap. IV. extr. De cap. III. monuimus quid supra hac in Part. Animadversion. cap. II. §. II. & in Part.

Part. IV. Animadv. nostr. p. 202. f. item in Part. III. Methodor. nostr. n. VII. cap. XIII. p. 303. Confer & Christoph. Adam. Rupert. Dissert. ad Valer. Max. lib. VIII. cap. VII. §. 6. extr. p. m. 489.

§. VIII. Simile quid de seipso narrat Christoph. Adam. Rupertus vir melioribus litteris olim abunde dives in Mercurio suo Epistolari utili p. m. 247. f. his verbis: "*En, quid olim acciderit festinanti mihi. Cum ad Velleii Lib. II. Cap. 33. differerem de non restituenda libertate, semel oppressa, inter alia adduxi locum e Plutarcho, Sullam potitum rerum, post debellatam Marianam factionem, Dictaturam, alioquin semestrem, ad annos 120. hoc est, perpetuam Scito sibi decretam suscepisse. Quem locum ad marginem Sallustianum prius notaveram ex observationibus Viri Cl. Matthiae Berneggeri, ad Suetonii Cæsarem cap. 77. Fecissem autem hoc nunquam, si meis, quam alienis oculis, credere maluissem. Nam aliquanto post inter deambulationem rogatus ab amico sententiam, num Sullæ ad annos 120 decreta fuerit Dictatura? negavi; & cum instaret, hanc ipsam assertionem meam fuisse, non credidi. Adeo curam & intensionem antecesserat calamus! Sed cum hoc demonstrasset, quod dixerat, ex ipsis prælectionibus meis; agnovi statim, & damnavi oscitantiam meam, quod Berneggerum, simili properantia lapsum, secius essem, contra Græcorum verborum sensum, contra Historias, & contra ipsam rationem. Ecquis enim credat, Senatum Romanum illo tempore tam ridiculi Senatus consulti auctorem esse potuisse? Quamobrem, descriptis Plutarchi verbis e Græco Codice, quæ fuerunt: Δικτάτορα μὲν ὃν αὐτὸν ἀννυόρπουσε, δι' ἑτῶν ἑκατὸν εἴκοσι τῷ το γένει τῆς ἀρχῆς ἀνέλαθεν, facile vidimus, quam non cum Berneggero vertendum sit: Dictatorem seipsum renunciavit, eumque Magistratum ad annos 120. assumpsit; sed cum Xylandro: Eum-*

que

que Magistratum ab annis 120. (*subintellige, inter-*
missum, vel à nemine gestum) assumpsit. Hoc enim di-
 cit Plutarchus, quod Velleius Paterculus lib. II. cap.
 XXVIII. §. 2. Sulla Dictator creatus; *eius honoris usur-*
patio per annos 120. intermissa. Hæc Rupertus. Po-
 nitur & hoc à Jac. Laurentio Ecclesiaste Amstelod.
 Hugonis Grotii in *vitiis alienis quod videris oculis.* In
 errorem hunc, ait, in Anatomizata Hugonis Grotii
 epistola, *ἐπιτέτρη* 1. p. 35. edit. Amstelod. MDCCC
 XLII. in 8vo. non incidisset Grotius; si in citandis authori-
 bus non suo more, ut ex hoc & aliis similibus scriptorum ejus
 locis liquet, alienis videret oculis, & non, ut ego soleo in
 omnibus scriptis meis, propriis. Meliori ergo nobis fide,
 quod faustum & felix sit, scribit Laurentius, ac Gro-
 tius: At enim Davidis Parei Theologi Heidelber-
 gensis oculi Jacobo Laurentio sine dubio fuerunt
 non proprii, & iis tamen, præprimis in Exegeticis
 nullibi non videt. Quam parum circumspecte ille
 ipse Laurentius in Rever. subdola Eccles. Rom. erga
 Patres Lugd. Batav. MDCCC XXIV. in 8vo edita aucto-
 res adducat, alii ante nos dudum ostenderunt; me-
 ruit tamen illud ipsum scriptum magni Jo. Georg.
 Dorschei encomium in scrupulis religionis p. 15. ad-
 ducitque illud non semel ad Pontificios in Antimar-
 cellianis Coburgensium quondam Superintendens
 Generalis, Dn. D. Joh. Christoph. Seldius. Et sane
 probo diligentiam in illo scripto, sicut & in ceteris
 ejus, etsi maximum non semper adhibuerit judicium.
 Neque tamen illum ipsum dictam ob culpam infamari
 Grotium ab aliis ignoro, præsertim à Cl. Viro
 Godefrido Sopingio Ecclesiæ Bolsverdianæ in Frisia
 Occidentali, dum vixit, Pastore doctissimo, illi se-
 mel atque iterum in non inerudita Apologetica ad
 Hugonis Grotii Pietatem Franicæ 1616. in 4to im-
 pressa. Responsione p. m. 184. & 194. objiciente,
 quod

quod è Bilsno Episcopo Ciceſtrienſi & poſtea Elienſi, qui & Regi Magnæ Britannia à Sacris & Eleemoſynis fuit, *ad verbum plurima ſublegerit*. Ceterum quam eleganter & adpoſite, quantoque auctoriſus cum iudicio Grotius in de jure belli & pacis libris utatur, oſtendit in Prolegomenis Commentationis diſti in Grotii libros harum rerum, ſi quiſquam, prudens Jo. Henr. Boeclerus; quem vide. At vero plurima Scriptorum loca non optima ſemper fide Grotium in in inſigni ſuo, quod *Excerpta ex Tragædiis & Comædiis Græcis* vocat, opere adducere, pluribus oſtendit doctiſſimus Angluſ Thomas Gataker Londinaſ in Adverſar. Miſcellan. cap. VIII. IX. X. XIII. &c. Narrat vir eloquentior dicam, an ingenioſior, Marc. Anton. Muretuſ in Var. Leſt. cap. XII. lib. XIII. apud Philippum Caroli in Diſſertatione de Criticis p. m. 19. f. "Se publice aliquando diſſeruiſſe de luxu "Roman. enumerando multa genera peregrinarum "avium, quas illi è remotiſſimis Orbis partibus peti- "tas, mentis intuliſſent. Triduo poſt veniſſe ad ſe "unum de Auditorum numero, qui, Nollem, inquie- "bat, à te nuper *prætermiſſam* uniuſ aviuſ mentionem, "ex qua una inexplabilis veterum luxuria cognoſci "poterat, *Phœnicem* nimirum illam admirabilem. Ob- "ſecro te, inquit Muretuſ, etiam Phœnicem illi eſita- "bant? quam ſexcenteſimo demum anno naſci ha- "ſtenuſ credidimuſ? Ille prolato *Phuarchi* libro "τὸν ὀρνέον hęc verba legit ab Eraſino reddita: "Phœnicuſ cerebrum, cum ſit admodum dulce, tamen aiunt "capitiſ doloreſ parere. Tum Muretuſ inſpecto cura- "tius textu, Una Græca vox, inquit ad aſtanteſ, pau- "lo negligentiuſ expreſſa, videte quantum errorem " & ſodali huic noſtro, & fortaiſſe etiam aliis objecerit. "Φοίνιξ enim Græce palma eſt, cujuſ arboriſ non

" tantum fructus esui sunt, sed & medulla, ut Theo-
 " phrastus lib. II. *ἡ δὲ φασὶν* confirmat. Quare bo-
 " nus Erasmus *Palma medullam* interpretari debuit,
 " non *cerebrum Phœnicis*: nisi ipsius cerebrum tum for-
 " te flore Liberi percussum fuisset. In *Apophthegma-*
 " *tibus* etiam persæpe dormitavit, uti à Fr. Robortello de-
 " monstratum est. Quodam loco (lib. scil. III. A-
 " pophthegin. p. m. 267. edit. Basil. M. D. xxxv. in
 " 8vo) sic vertit: *Præteriens Diogenes prodigi cuiusdam*
 " *ædes, inscriptionem habentes, VENALES*: facile, in-
 " quit, *divinabam fore, ut præ immodica crapula domum*
 " *evomeret.* Ex Græco ita debuisset: *Divinabam fore*
 " *aliquando, ut luxurians tandiu domus herum suum evo-*
 " *meret.* Quid hoc sensu lepidius? aut cuius non
 " offendit aures, cum Erasmus ait, *virum evomere ædes?*
 " Et si vero monitus postea quædam correxit, tamen
 " samæ suæ non nimis consuluit: nam ut in theatro
 " exclamavit P. Syrus, *etiam sanato vulnere cicatrix*
 " *manet.*

" Non est mihi dubium, me visum iri nonnullis
 " vestrum iniquiorem in nomen Viri Clarissimi; qui-
 " bus pro me respondebit Jul. Cæsar Scaliger Oratio-
 " ne diserissima, qua Ciceronem adversus istius al-
 " latrationes propugnat. Peccarunt cum Erasmo in-
 " terpretes multi Poëtarum & Historicorum, quos
 " longum sit recensere. Imposuit aliquando mihi
 " ex hoc ipso loco peroranti Latinus textus Dionis in
 " *Vita Commodi*: ubi legitur, (lib. LXXII. p. m.
 " 827. C. ed. opt. Hanoviens. M. DC. VI. in fol.) Com-
 " modum *abscisso capite PASSERIS*, quod altera ma-
 " nus *gestabat*, altera *cruentum gladium*, tantum Senatori-
 " bus forte congregatis terrorem *incussisse*, ut se in ipsis hian-
 " tium *faucibus hæere existimarent.* Consulta postmo-
 " dum versione Græca, me simul & versorem suaviter
 " ineptuisse deprehendi. Quis enim capite passeris
 " terreatur,

“terreatur, nisi cui cor recte situm non est? Debit
 “reddere Interpres pro *passere Struthiocamelum*. De gla-
 “diatoriis enim Commodi factis sermo est, & Stru-
 “thiocamelos jam inde à Plauti temporibus solemne
 “fuit Romanis, in Circo ad pugnam dare & specta-
 “culum. Hujus rescissio capite terreri potuisse vel
 “prorsus exanimari Senatorum confessum, quos in-
 “ter se quoque fuisse Dio scribit, vero non est absimi-
 “le: à tali præsertim tyranno, de quo usurpandum
 “erat illud Historici: *Tantum vini nemo habuit, quan-
 “tum ille fudit sanguinis.*

“Prætereo quamplurimos: ut illum qui apud A-
 “gathiam τὸν σαγγελτὴν (Aristotelis nostis esse cog-
 “nomen à patria) transtulit *vini amphoram*: &
 “cum Auctor hoc diceret, Chosroën, Persarum Re-
 “gem, totum Aristotelem memoriæ tradidisse, seu,
 “quod ipsius verbum est, καταμεῖν, imbibisse: red-
 “dit bonus ille Dormitanti, *Regem totam vini am-
 “phoram perpotasse*. Prætereo illum, qui leporem pro
 “cervo transtulit apud Homerum: Th. Gazam apud
 “Aristotelem, qui pro lacerto pisce vertit *monedulam*:
 “Oecolampadium, qui pro *memoria Lunam* interpre-
 “tatus est apud Cyrillum: Eobanum Hessum, qui in
 “Theocrito κατὰ σαδμύλῳ exponit, *ad stabulum*, cum
 “deberet, *ad amussim*. Iterum Gaza in 7. Hist. Anim.
 “ita habet: *Fæminis etiam per id tempus exturgunt ubera,*
 “quod FRATRARE dicitur. SORORIARE ver-
 “tendum erat: ita enim Sextus Pompejus docet: SO-
 “RORIARE dicuntur *mammæ puellarum, cum primum*
 “*tumescunt*; ut FRATERCULARE *puerorum*. Ha-
 “ætenus Philippus Caroli.

§. IX. Non leve, cetera non indoctum, abstulit
 erratum Petrum Molinæum, Pastorem in Ecclesia, &
 Academia Sedanensi Theologiæ Professore. Is
 quippe

quippe Cardinali Jacobo Davidi Perronio responsurus regis Britanniae magnae nomine, objicienti Canonem Synodi Secundae apud Arelatum circa annum Christi CCCXXVII. celebratae secundum ita habentem: *Adsumi aliquem ad sacerdotium non posse in vinculo conjugii constitutum, nisi fuerit promissa conversio*: ut probaret coelibatum clericorum praeepto Ecclesiae introductum; in Novitate Papismi p. 666. edit. Vesalianae Germanicae M. DC. XXXII. in 4to ait: *Decreto equidem in Romano dist. XXVIII in Canone. Adsumi adducitur tertio ex Arelatensi Concilio Canon, ajens: Adsumi aliquem &c. At in Tomis Coloniae CIO IO LXVII. impressis, in dicto Concilio Arelatensi III. iste non reperitur Canon. Et in vetustioribus impressionibus de anno CIO IO XXXVIII. Coloniae, ut CIO IO LI. Item in editione Bartholomaei Caranzae plane contrarium legitur, dictus enim ibi Canon ita: Adsumi aliquem ad sacerdotium non posse, in conjugii vinculo constitutum, non oportet, nisi fuerit promissa conversio. Qua est dissensio perspicuum est, quam parum Conciliorum Canonibus qui Graece non existant, tribuendum sit. Hæc Molinæus, prout ipsum est Germanico in Latinum vertimus. At vero minime est III. sed Concilio Arelatensi II. Canonem adducta distinctione adlegavit Gratianus, qui ipse idem exstat Canon in Tomo Conciliorum primo opera Laurentii Surii edito, & Coloniae Agrippinae apud Gerwinum Calenium & heredes Joh. Quentelii anno Dom. M. D. LXVII. typis expresso. Legitur quoque in Caranza p. 98. his verbis: *Assumi aliquem ad sacerdotium non posse, in vinculo conjugii constitutum, nisi fuerit promissa conversio*. Sed utut sit de Synodo, certum est, parum fidei tribui posse Canonibus à manu adversariorum non sine corruptionis suspitione ad nos delatis, imprimis ubi Canonibus illis non adjuncta sunt Conciliorum acta, quæ in tomo Conciliorum primo*

mo rarissime invenias. Ad Pontificios pro conjugio Clericorum in peculiari luculento tractatu optime disputavit D. Georg. Calixtus, in quo frangent potius dentes, quam impriment hæretici. Inter omnes sane ejus libros, iste optimus est, planeque orthodoxus. Addas tamen & eruditissimam consultationem de conjugio ministrorum Ecclesiæ Andreæ Hyperii, quam habes in p. 466. s. partis secundæ opusculorum ejus theologicor. Basil. 1571. in 8vo.

§. X. Laboriosi & experientis JCTI titulum Jacobo Menochio nemo, ejus scripta qui legit, negabit facile: quia tamen is alicubi scripsit de Petro Belino, *Vir omnium laudum cumulatus*; de Cujacio, *Vir omnium laudum dignissimus*; de Connano, *doctæ ac omnium melius doctiss.* Franc. Connanus; inde ab Huberto Gifanio Jcto Argentoratensi Altdorffino, postremo Consilii aulici Pragæ adfessore, voce & scriptis rem litterariam multum promovente in præfatione ad Partitiones Rittershulii feudal. illam in scriptorum relegatur classem; *qua multi deploranda hujus sæculi ratione, qui ne Latine quidem recte norunt, magnos tamen & ponderosos de jure commentarios edere audent.* Jacobum Laurentii, cui exciderat elixeris pro elicueris, monet in Voto, p. 63. Grotius, *ne qui Latine non didicit, Latine scribat.* Usque adeo verum est, quod Erasmus sæculi sui vere Phœnix jam olim in de Origenis Vita pronuntiavit epistola: *Si quis dicat, Grammatices professionem nihil habere memorabile: sciat, olim senile & arduum fuisse negotium. Nec enim à Doctore expectabatur Declinationum, Conjugationum, & Constructionum ratio: sed præter sermonis elegantiam, præter plurimorum auctorum lectionem, præter antiquitatis, & omnium Historiarum notitiam, requirebatur Poëtices, Rhetorices, Dialectices, Arithmetices, & Cosmographiæ, Musicesque cognitio. Minore negotio tres Juris Doctores absolveris, quam unum Gramma-*

Grammaticum, qualis fuit Aristarchus apud Græcos, apud Latinos Servius & Donatus. Item proclivius esse vel in triplici facultate Doctoris nomen, quam semel boni Grammatici titulum promeruisse. Et doctissimus Humanarum artium Wittebergæ Professor B. Fridericus Taubmanus Francus in de Latina Lingua Dissertat. non ab re existimabat; facilius esse in triplici facultate Doctorem hodie fieri, quam orationem Romanam aut Ciceronianam elaborare. De erudito quodam ac à nemine non celebrato in Germaniæ Academia Professore perhibetur, quod ambiens sponfam suam illi prædicaverit, se ei optionem dare, cuinam nubere vellet, utrum Doctori Theologo, an Jurisconsulto, an vero Medico? Se enim omnibus in his tribus æque facultatibus excellere & coronari posse. Sponsa medium amplexa, mihi divina fuisse videtur, quippe eminebat in jure, quamvis in ceteris non hospes, illius sponsus: Huic tamen trium, propria pro opinione sua, facultatum doctori, vastique ingenii viro Priscianum ob neglectas regulas suas litem coram Apolline intendere potuisse, in proclivi foret ostendere, nisi existimationi viri parceremus. Quam multa hic incidunt de viris etiam maximis clarissimorumque nominum, quæ necum morientur. Miror acerrimis istorum virorum adversariis, quo citius omnem existimationem & eruditionis ac doctrinæ famam ab eis auferant cum pulvisculo, harum rerum non venire in mentem. Sed desino mirari, cum & ab illis Priscianus vapulet, præpriis à Gallis quibusdam Jesuitis, quamquam nec reliquos omnes excipiam, ut mirum sit homines reperiri, suos qui amandent ad Jesuitarum Collegia liberos, Linguae Latinae sub eorum ductu operam navaturos, cujus quamplurimos plane expertes esse, neminem paulo humaniorem fugere potest. Neque tamen nego & apud nos tales nonnullos in Scholis reperiri

reperiri præceptores, qui nunquam in stilo fuerint discentes, scribantque sine lectione. Recordor hic, Miltono, eo ipso in loco, ubi Salmasium ob solœcismum exagitavit, pinguem excidisse solœcismum, *vapulandum sc̄ præbuit*; quem notavit Vavassor in lib. de Epigramm. cap. XXII. p. 302.

CAPUT V.

§. I. **D**Oleo *Viro de politiori litteratura* judicio Petri Dan. Huetii p. 227. in de Claris interpretibus, Germanis paullo iniquioris alias in illo tractatu, *præclare merito* Joachimo Camerario, *sueque adeo Germaniæ singulari ornamento* effluxisse in Fabula de Cervo & ove p. m. 189. *redditurum pro reddituram*. Do verba ejus ex editione optima Lipsiensi M. D. LXXXIX. *Promissistin*, inquit *cervus, te (ovem) hoc die redditurum mihi frumentum*. Ut culpa tantum virum liberarem, libenter eam in Typographum conjicerem, si modo unum haberet recte exemplar. At quoniam omnes ita legunt editiones ab ipso quoque auctore recognitæ & emendatæ, aliæque præterea; quid hic dicere possim non invenio. Non adduxissem maximi viri mendam hic, nisi in plurimis Germaniæ Fabulas eas Scholis prælegi scirem, & sic juventutis interesse putassem, ea de re hoc loco nonnihil monere. Sic & in Fabula de Fele & Mure *conversum* offendo pro *conversam*: *Heus tu, inquit, p. m. 93. musculus ad selem, si te in sacculum conversum esse sciam, nunquam tamen commissurus sim, ut ad te propius accedam*. Scio quidem Rob. Stephanum vocem *felis* in Thesauro suo communis generis esse dicere, at ego, ipso quoque Vossio auctore I. de Analogia cap. XXXVI.

p. m.

p. m. 551. edit. Amstel. c10 10C LXII. in Masculino usurpare non ausim. Lapsus etiam est alicubi Thomas Morus in Epigramm.

Ventum erat ad vinum; cum sic sua lumina mæstus

Adsatur, posito jam peritura mero.

Huc iter est: huc vos fidi duxistis amici.

Hunc bibite; & dulces ambo valete duces.

Hoc merum, vel vinum dicere oportuit, non hunc; nisi nunc, legendum. Typographo tribuo quod in P. Victorii lib. I. Ep. II. ad German. p. 19. extr. edit. Francof. M. D. xcvii. spondisti pro spondidisti, quod contra Bechererum & Rhenium adierit Becmanus in Schediasmate Philolog. p. m. 41. edit. Francof. M. Dc. xix. in 8vo vel spondidisti legatur. Verba Victorii hæc sunt: *Cum Patavium te contulisti, quæ urbs est domicilium omnium virtutum & tanquam Mercatus quidam bonarum artium, eodem tempore te inde ornatum & copiose instructum discessurum spondisti.* Tu vide Philippi Caroli Dissertationem de Criticis p. 28. & Animadvers. in Agellium cap. VII. p. 53. f. & cap. XII. p. 221. f. edit. Noribergens. c10 10C LXIII. ubi raræ & insolentis constructionis aliqua exempla profert. Produximus & nos aliqua in notis ad Pascalii Grosippi Dissertationem de Rhetoricarum Exercitationum generibus, quam n. X. Consiliis & Studiorum Methodis inseruimus p. 388. Addam hic in mei defensionem verba illustri Scaligeri è Prolegomenis super Euseb. p. 4. "Quum tria objici possint, παρὰ-
"ματα, σφάλματα, ἢ παρεγχερίσματα, hallucina-
"tiones, errores & temerationes, sive interpolationes, fiant
"omnes, quum aliquem hallucinatum esse dicimus,
"hoc ad ullam ejus contumeliam minime pertinere.
"Hallucinationes enim per incogitantiam, errores per
"inscitiam,

"inscitiam, *reliqua* per audaciam committuntur. *Hal-*
 "lucinationes excusari debent, errores tolli, temerationes
 "castigari, eo temperamento adhibito, ut contume-
 "lia suspicio omnis absit. *Tria* tamen hæc pericu-
 "losi exempli sunt, si ad magni nominis auctorem
 "referantur. Quos enim admiramur, eorum ple-
 "rumque vitia virtutes putamus. Nos hallucinatio-
 "num & erratorum Eusebii aliquot exempla ideo
 "produimus, ut illas excusemus, hæc castigemus,
 "ab utrisque autem ingenia rudiora prohibemus.
 "qui enim veterum erratis blandiuntur, invidiam
 "errorum ab illis in se derivant, & severius casti-
 "gandi sunt, quam ii, quorum culpas defendunt.

§. II. Historia iudicium formari dicendique fa-
 cultatem augeri Demosthenes non ab re censuit, cum
 Thucydidem adeo familiarem sibi fecit, ut *osties* etiam
 eum descripserit. (Conf. infra §. III.) Dico *osties*.
 Inter ceteros enim, quos in Adriano Turnebo ob-
 servavi non paucos inemoriæ lapsus, & iste occurrit,
 quod lib. XXVIII. Adversar. cap. XXII. p. m. 612.
 edit. Aureliopolitanæ M. DC. IV. in 4to ait, *De-*
mosthenem tam studiose Thucydidem pervolutasse, ut de-
cies sua manu totum scripserit. Robertus Titius lib. IV.
 Adsertionum cap. V. *sepius* dicit. Atqui Lucianus
 Tomo II. *ὁ ἐξ ἀπαίδευτον*, unde isti hoc desum-
 ferunt, *osties* habet: *Τὰ τῆ Θουκυδίδος παρὰ τῆ Δε-*
μοσθένους ὁκτάνης μεταγραμμένα id est, *Thucydidis*
scripta à Demosthene osties transcripta; scilicet ut sibi
 auctorem eloquentem quam familiarissimum faceret.
 Nec vero aucupatus est præcipue verba, aut genus ser-
 monis, nam Thucydidis oratio admodum dissimilis
 est forensi: sed varias reipubl. mutationes ac momen-
 ta considerabat in historia; excerpebat principum
 consilia, quorum cognitio ipsi quoque in publicis
 delibera-

deliberationibus proderat. Aliquid etiam gravitatis addidit Demosthenis orationibus imitatio Thucydidis, multas enim refert Demosthenes sententias Thucydidis. Ita bellum Peioponnesiacum, auctore doctiss.

Jo. Caselio cap. XXVI. Προπολιτις p. m. 125. condidit Thucydides, ut potius Politicum informare videatur; nec falso quis dixerit, minus in iis libris historiæ esse, quam doctrinæ; doctrinæ vero, quantum ad civilem prudentiam, certe quod conducat plurimum. Qui Thucydidem legit, habet, cur pergat: habet, cur subsistat. Quis enim in uno forte alterove orationis ambitu non moram faciat, ut in tabulæ angulo, quam ingenio & penicillo Apelles absolverit? quis item ejusmodi tabulam non perlustret omnem?

§. III. Cum anno CIO IDC LXXXVII. Cl. Dn. Justus à Dransfeld, Illustris Pædagogii Gottingensis Rector opus quoddam summi Viri Jo. Caselii alterius Germaniæ Melanchthonis, cujus & ipse auditor Wittebergæ fuit, ediderat epistolicum, illas dicti Caselii exhibens epistolas, quæ in Fuchtiana & Vegetiana (uti & Francofurtana anno M. D. XCVII. completente & Petri Victorii, præter Caselianas, epistolas lectu dignissimas) editionibus non comparent; rogabar non semel, mihi quid de illa videretur editione ab amicis: laudans eam, provocans ad præmissam illi editioni doctiss. Hermann. Conringii epistolam de scriptis Caselianis, nihilque me magis, adfirmans, in votis habere, quam ut ad unum omnia tanti Viri utilissima scripta edantur denuo propediem, & ab interitu vindicentur, ostendi illis aliquod Jo. Caselii in explicationem concionum Thucydidearum Proæmium, (hic enim est illius, quod jam jam dabimus, Programmatitis titulus) Rostochii typis Stephani Myliandri, anno CIO IC XXIV. in 4to excusum, quod quidem lectum illos adeo sua cepit elegantia ac utilitate, ut nonnulli illud etiam manu sua descripserint.

rint. Quia vero hic præter opinionem, ob Turnebum & Titium precedente in s. à nobis adductos, & in Thucydidem & in Casellum incidi, nolui amicis gratificandi prætermittere occasionem, illudque cum illis communicandi. Ita autem sese habet :

" Historia, Artis dicendi, & Politicæ studiosis adolescentibus S.

" Plerique vestrum ipsimet intelligitis, cur bonæ
 " literæ omni vobis studio colendæ sint : non equi-
 " dem, ut deinceps solitariam vitam agatis, velut in-
 " ter aves dicuntur aquilæ, sed ut sic animos vestros
 " pateris ad communem societatem hominum : ut
 " eam omnibus officiis tueamini, & bonis consiliis,
 " & manu denique forti, quantum in quoque sit, præ
 " ceteris adjuvetis, fulciatis, constituatis. Qui hoc
 " non spectant ante omnia, sed litteris sibi vel hono-
 " res, vel opes, vel otium, vel quicquid est privati
 " boni sive commodi, parare cogitant ; neque inge-
 " nuæ doctrinæ vim tenent, & ab ipso sine longissi-
 " me aberrant. Hinc efficitur, ut neque sem ipsam
 " aut solidum quiddam ex re unquam consequuturi
 " videantur. Hosce tamen culpa libero, qui amore
 " scientiæ ad indagandam veritatem se totos conso-
 " runt, & in meditatione naturæ rerum omne suum
 " studium, omnemque vitam collocant. Neque enim
 " me fugit, non peccare paucissimos, qui hoc faciunt,
 " ut olim Anaxagoras, & hujus similes, præci Phi-
 " losophi, è quibus tamen non pauca in communem
 " vitam commoda redundant. Neque nunc de nobis
 " sive pro nobis loquor, qui in vobis erudiendis cu-
 " ram omnem, laboresque nostros impendimus. Ne-
 " mini enim profecto aut in otio præsum vivere, aut
 " ad communes vitæ usus nihil consensu videri possu-
 " mus,

"mus, nisi fortasse vel imperitis vel iniquis, nec ta-
 "men legitimis, nostrarum actionum censoribus.
 "Prætereo enim, quæ nobis exhaurienda fuerint an-
 "te, quam ad docendum accederemus : neque modo
 "ullum tempus ab investigatione verarum sententia-
 "rum nobis vacuum relinquitur. Neque tanti sunt
 "labores docendi, quos esse & multos neque leves,
 "negarit nemo, qui hujus rei serio periculum fece-
 "rit. Laborandum est nobis quotidie de educatione
 "adolescentiæ : alii erudiendi, alii in viam revo-
 "candi, alii monendi, alii etiam objurgandi : alii
 "aliquando, nolis, velis, habendi indulgentius :
 "relinquendi quidam, non sine acerbo animi dolo-
 "re. Atque (de me enim dico) ut fortasse ad igno-
 "scendum videar pronior, siue hæc nativa lenitas est,
 "siue suscepta consilio, ita durior sum, quam ipse
 "mihi probem, in alteris rejiciendis, quos omnem
 "pudorem abjecisse, semel judicaverim. Namque
 "& animi quidam morbis incurabilibus prostrati si-
 "ne spe jacent : in quibus, quodcunque olei & ope-
 "ræ insumperis, omnium jacturam feceris. Hoc
 "porro gravissimum est : si qui vel jampridem pe-
 "rierint, vel servari nolint, vel ad fastigium digni-
 "tatis non adspirent, ut sibi vigilantes aliqui de illis
 "somniaſcant : tum vero judiciis plebis vapulamus.
 "Hoc alii mecum plures, ego inprimis experior :
 "qui tamen graviter fero, cum adolescentes, siue de-
 "pravata institutione, siue sua petulantia, perire
 "video : animi etiam angor, si quis, vel mihi fami-
 "liarium, vel qui esse mihi familiaris existimetur,
 "expectationem nostram prorsus fallit, & longius ab
 "officio discedit. Nam ut maxime amamus littera-
 "rum & virtutis cultores acerrimos : ita non odimus,
 "(neque enim debemus) non omnino alienos à lit-
 "teris, nec devotos impudentiæ, etsi in iis multa de-
 "sideremus :

"sideremus: quin fieri interdum vidimus, ut hi il-
 "los superarint, vel æquaverint. Utinam ex illis
 "etiam, quos priores merito dixi, nemo unquam de
 "via deflexerit. Lubrica enim profecto est cum pri-
 "mis fervens ætas, & tentatur unusquisque, ni fallor,
 "illis annis, ut ipsemet Hercules, quemadmodum
 "accepimus in fabulis. Non igitur sine negotio,
 "nobis vivimus, sed minime otiosi, nos quoque vo-
 "bis impendimus vitam & reipublicæ: quando co-
 "gitationes, consilia, vigilias & labores nostros huc
 "referimus, ut vos litteris, & quidem his non à vir-
 "tute vacuis, nostra opera imbutos, ablegemus ad
 "capeffendam rempublicam, cujus variis partibus
 "quisque suo loco deinceps fungatur fideliter. Ut
 "autem nihil prætereamus, quibus ad officium in-
 "formetur ætas vestra; & ordine traduntur bonæ
 "disciplinæ, & unaquæque à quo maxime intelli-
 "gitur, enarratur dexterrime, & scriptores optimæ
 "notæ tum Latini tum Græci explicantur. Ego quid
 "in utroque præstiterim, sive quid conatus sum; al-
 "tius repetendum mihi esse non censeo; ne vel verum
 "dicens in suspicionem incidam arrogantia: partim
 "meminerint & testentur alii, partim vos videritis.
 "Nunc visum mihi est, conciones Thucydidis vobis
 "interpretari: rem cum primis arduam. Historiam
 "per vos cognoscetis, quam tamen paucis etiam nos
 "verbis perstringere conabimur. Proficietis autem,
 "duce Thucydide, monstrante me: proficietis, in-
 "quam, in iis artibus, quæ ad rempublicam maxi-
 "me pertinent: etiam in ea, quæ princeps habetur
 "omnium: & hac de causa appellatur architectori-
 "ca: cui omnes ancillantur ceteræ: cujus & mini-
 "stra est historia, instrumentum dicendi facultas.
 "De historia & suavitate & usu, cum ab aliis dicta
 "scripta sunt & multa & vera, tum nos quoque idem

" non negleximus, neque negligemus, occasione
 " aliam nacti. Hac enim, quamvis bona, uti mo-
 " do nolumus, ne in unum locum omnia. Elo-
 " quentiæ autem studium sive disertæ orationis ratio-
 " nem, politum hominem, etiamsi neque ad dicen-
 " dum contendat, neque ad scribendum animum-
 " applicet, negligenter colere nequaquam oportet.
 " Namque & in sermone familiari garrulos & insul-
 " sos averſamur : amamus autem & admiramur, qui
 " ſale rerum & verborum orationem ſciant conſper-
 " gere. Quodvis horum ſpectes, te Thucydidea le-
 " ctio adjuvabit plurimum, & ad laudem eloquentiæ
 " contententem maxime. Quod ratione planum
 " facere vel hac una poſſum, quod ſublime hic eſt di-
 " cendi genus & character magnificus, in quo ſum-
 " ma virtus orationis eniteſcit. Nec ulla gravior eſt
 " auctoritate Demotheſis, cujus eloquentiam ſupra
 " omnes admirata fuit Græcia. Hic enim manu ſua
 " Thucydidem (*vid. ſuperiorem ſ. II.*) octies deſcrip-
 " ſiſſe ſcribitur, ut cum omnibus rerum momentis,
 " ſive omnibus etiam verbis, quæ ſingula pæne res
 " ſingulas repræſentare credita ſunt non abs re, accu-
 " ratiffime ponderatis, rectius conſideraret, ſibi que,
 " quod ſecus fieri non potuit, redderet quam fami-
 " liariffimum. Sic namque ex eo, quid, quantum-
 " que, quacumque in re, quo loco, & quomodo vel-
 " let, ſibi pro ſuo uteretur. An igitur nos etiam ope-
 " ram luſuri videamur, quæ in hoc uno ſcriptorum
 " principe ponamus? Non equidem arbitror: quin
 " affirmare vobis non dubitem, neminem veſtrum
 " hinc inanem abiturum: ſed quemque aliquid opum
 " prudentiæ civilis hinc haurire mediocri diligentia
 " poſſe: tanta hic eſt optimorum conſiliorum co-
 " pia: & quoniam hæ ſublimēs ſententiæ non cui-
 " vis obviæ ſunt; (eſt enim hic ſcriptor, ut diximus,
 " optimus,

“ optimus, quidem ille, sed, quod vos non deterre-
 “ re, sed allicere potius debet, idem etiam ad intelli-
 “ gendum unus omnium difficillimus) studio etiam
 “ nostro eas eruemus, quantum in nobis erit, & au-
 “ ditoribus ingeniosis, neque negligentibus pone-
 “ mus ante oculos. Nec est, quod hic amplius, aut
 “ vos quærat, aut ego coner hoc loco explicare,
 “ quæ sint illa præcepta politica; eorum enim the-
 “ sauros & excellentiam videbimus quotidie. Vos
 “ adeste frequentes, animum advertite, &, quod re-
 “ ste cœperitis, in eo constanter perseverate. Valete.
 “ P P. Kalend. Jan. anno CIO IO XXXIV.

s. IV. Addo & ejusdem non inelegans Casellii
 Helmæstadii scriptum in Academia Julia carmen
 XV. Kalend. Jun. undemillesimo sexcentesimo an-
 no, Clarissimoque Viro Dn. Joachimo Hubnero
 Serenissimi Elect. Brandenb. Consiliario præcipuo
 φίλω κὶ πατρὶδι, ut habet Manuscriptum penes me
 cum ceteris aliquot illius Viri adseruaturn, φιλτάτῳ
 inscriptum.

*Septimus hac mihi luce & sexagesimus annus
 Exoritur vitæ : cui si quid largiter addet,
 Seu fati quid demet inevitabilis ordo,
 Opperiens, animi nec iniquus, habeo perinde.
 Interea sed adhuc dum servant flamina Parca,
 Officii, valeam modo, non abjecero partes :
 Quin pia præclare de multis cura merendi,
 De patria in primis, animo defixa manebis :
 Quippe nec invidia, cedendo sive rogando,
 Quod neque fas cuiquam, placabo territus iras,
 Quanto sum propior metæ, certæque saluti.
 Atque adeo his jam nunc animis opus esse putabo,
 Ne decus antiquum turpi formidine sedem,
 Feruentes Eridos quam primum trudor in æstus,*

*Nobile qui reliquis semper pacisque quietisque
Exemplum fuerim, neque verbo noxius ulli.
Sin jubeat citius scena decedere vitæ,
Cras, hodie, rerum satur, haud inuitus abibo.
Nolim deterius, nec sperare aurea sæcla,
Proxima sentinæ nobis permiserit ætas.*

Est operæ pretium verba Jani Gruteri recordari, quæ habet in Epist. CXXII. ad Joh. Kirchman. earum, quas Cl. Dn. Petr. Burmannus è Bibliotheca Gudii edidit Ultrajecti anno M. DC. XCVII. in 4to p. m. 205. Grauiſſimum fuit intelligere nondum ſtrangu-
lata eſſe inter plurimum manus Caſelii monumenta; & na-
tu Philologis eximiam nauabis operam, ſi verſus ejus, ſi
verſiones, ſi alia omnia produxeris in publicum. Ea pro-
pter ſane plurimum tibi debebimus omnes. Et in Epist.
præced. CXXI p. m. 205. Ante XXXV. annos vi-
uebat apud vos Apothecarius quidem manu, ſed mente
Charitum Muſarumque myſta Joachimus Tegnagel. Obiit
jam proculdubio, ſed in quos incidit Bibliotheca ejus? Ob-
ſervator erat ſingularis Caſelii noſtri, collegeratque lucubra-
tiunculas ipſius curioſe nimis, quas vereor, ne unquam vi-
deamus publice, niſi inde depromantur, & merebantur præ
mille aliis aliorum nugis adſpicere lucem, inquire, quaſo,
& ſæpe hac quoque in parte reipubl. literariæ. Item Epist.
CXXIII. p. 207. Sed & tua nimis, quam laudabilis ope-
ra, qui Caſelii Carmina colligis. Quamvis Typographi
hodie omnem deſpuant poëſin, ſperarem tamen aliquid im-
petrari poſſe ab Aubriis utique ſi quis inueniretur, qui cen-
tum exemplaria pretio librariorum redimere vellet. Et abſ-
que eo, mi Kirchmanne, non eſt cur deſeras officium tam
pium. Fata viam inuenient ſcriptis tam doctis. Epist.
CXXIV. p. 208. Læta narras de Caſelio: ſed de Aubriis
nihil certi unquam extricabimus, niſi Exemplar ipſum antea
ſuis oculis arbitratu fuerint. Compararunt ſibi librariam
officinam

officinam Marniorum integram. Itaque exhausti pecunia ad omnia sunt tardiores. Verum paullo post spero, redibunt ad ingenium. Si quid ab eis impetravero super Caselio, tecum communicabo. Epist. CXXV. p. 209. Imo ipsemet Illustr. Dux Brunsvicensis dedit in mandato Conrado Hornejo Professori Philosophiæ morales publico Helmstadii, colligendi edendique publicis sumptibus Caseliana. Scripsi ei de proposito tuo. Tu etiam, queso, tua cum ipso communica, ut ita conjunctis operis animisque omnia prodeant plenius ornatusque. Meretur id Caseliana Charis. At præter duas partes, quarum I. Caselii Opera Politica, seu Πολιτικὸν, Παράδοξα de Victu & splendore Principum, & Πολυτευστόμενον complectitur, II. vero scripta ejus quæ ad artem dicendi pertinent, Francofurti editas an. M. DC. XXXI. & XXXIII. in 8vo. nihil Conr. Hornejus postea, quod ego sciam, Caselianorum scriptorum evulgavit. Adservavi laudati ejusdem Caselii Græcum quoddam Epigramma ad Martinum Engelbrecht, JCtum Clnum, in honorem Conradi Horneii Brunsvicensis sub Georgio Calixto Helmstadii, anno 1100 x. de Syllogismo disputantis scriptum, quod ita habet:

Εὖ κέλεται φράττειν ὁ Κασήλιος Ἀγγελίωνα,
 Ἀσπείρας ἱερῆα, Ἀθηναίης τε Περσφίτην.
 Τέτο δ' κ' ἀπέλλωνος ἔχεις, ἐνὶ πᾶσι φιλόφρων,
 Μυσοπόλοισι νέοις ὀπιτάξας δ' εὐχεαι, εἶναι.
 Εἰ δ' ὁ, π μοι δοκέει καὶ σοὶ δόξει, σὺ γ' ἐρασῶ
 Παντοῖς σοφίης Ὀρνίης καὶ ἀμελήσεως,
 Οἱ δέεις ἐτάρες μάλα γ' εὖ ὀράσοντας ὁπώρα
 Ἰωάννης Κασήλιος.

§. V. Μνημονικὸν aliquod ἀμάρτημα observo his in Isaaci Casauboni verbis: *Ue hoc loco, scribit in ad*

Math. XXIII. 15. notis, p. 388. ὁὗς γάρνους δicitur, sic alibi ὁὗς ὁλέθρου vocatur Judas Iscariota, homo perditissimus & perditioni devotus. In universo enim Novi Testamenti textu sacro authentico Iscariotes Judas non ὁὗς ὁλέθρου, sed ἀπωλείας vocatur Jo. XVII. 12. ubi quidem Nonnus Ponopolitanus priori utitur, dum ita παραφράζει· Εἰ μὴ δαιμονίου φισήνορος ὁὗς ὁλέθρου· at non Sanctus Spiritus. Eundem summum virum non inspexisse Varronem, hæc superius adductis quæ subjecit produnt: qui est elegantissimus Hebraïsmus, Latinis non prorsus inauditus: siquidem Varro inconstantiae filium dicere non dubitavit, de homine inconstantissimo quum loqueretur; sicut Paulus ὁὗς τῆς ἀπειθείας vocat homines inobedientiae. *Ad Eph. V. 6.* & alibi quoque. (*Eph. II. 2.*) Nam Varro non hominem inconstantem sed τὸν μετάνειλον, hoc est, penitentiam inconstantiae filium dixit. Verba Varronis legere est apud Nonium Marcellum in *Bivira*, p. 38. edit. Paris. CIO IO LXXXIII. in 8vo quæ ita habent: *BIVIRAS* quas usus viduas adpellat. Varro, Lege Menia: *Ad Biviram* versio, cum vellem ostendere quid vellem, *Metamelos* inconstantiae filius me reprehendit. Atque hoc nihil est novi, si id, quod inconstantiam sequitur, hoc est, penitentia inconstantiae filius vocetur. Est id genus quoddam metaphora, ait Jo. Vorstius Part. II. Philologiae sacrae de Hebraïsmis Novi Testam. cap. XXIV. p. 53. quod in scriptis tum Latinis, tum Graecis passim occurrit, neque cum superioribus Hebraïsmis ullo modo est comparandum. Plura de Casaubono dixi Part. III. Animadversion. cap. II. §. X. p. 75. f. cap. IV. §. VII. p. 169.

§. VI. Joh. Dallæus, à quo, judicio Ludov. Mo-
linæi in Præfat. Apolog. Parænes. ad Ædific. Impe-
rii

rii in imperio, nihil haecenus prodiit, quod non esset iudicii acerrimi, eruditionis reconditissima, & doctrina sanctissima, ut evincat, depravationes in monumentis sacratissimis & maxime publicis, cujusmodi fuerit Ecclesiae Liturgiae & similia, locum habuisse : adducto Masii in hanc rem testimonio subjicit in p. 67. libri I. de Usu Patrum cap. IV. edit. Genev. MDCC LV. in 4to. Sic etiam Cassander, qui innocentissime in Antiquitate versatus est, agnoscit, & ex aliis auctoribus probat, veteribus Liturgiis multa paullatim addita fuisse. In margine adpositum est, Cassander in Liturg. cap. II. At in illo capite mei quidem exemplaris, Liturgicorum videlicet Cassandri, illud haecenus reperire non potui, nec memini me tale quid in Cassandro unquam observasse. Ceterum non decebat Jacobum Gretserum Jesuitam in Labyrintho, p. 103. tanti pendere Cassandrum, quanti Cassandram Priami filiam. Sed non obscurum est, unde hoc proficiscatur odium. Henricus Bullingerus sane non semel ad Cassandrum, quia neutri (sicut ipse loqui amat) parti se addixerat, provocare in nonnullis minime dubitavit; eundem vere pietatis pariter & eruditionis studiosissimum, virum doctissimum, fratrem charissimum vocavit; eum se amare, & propter pietatem & literas, neque minus cupere vicissim ab eo amari professus est. Quodque his omnibus fortasse majus fuit, ejus & sanctorum precibus candide & sincere se commendavit. Et hic est ille Bullingerus, quem & eruditione & candore nemini secundum in elogiis pronuntiavit Beza. Plura forteque non omnino contemnenda de Cassandro adduximus in parte I. Methodor. nostr. n. XIII. cap. IX. (qui numerus vitio Typographi omisus est.) §. 24. p. 534. f. De Dallæi vero citato libro in Icone Theologorum Presbyterianor. anno M. DC. LXXXII. in 12. edito, p. m. 13. & quidem ad verba If. Casauboni in Epist.

ad

ad Joann. Drusium, Lond. XV. Kal. Octobr. 1612. *Leguntur Patres ut reprehendantur*, hæc notat Cl. Paulus Colomesius Rupellensis: *Hoc vel abunde liquet ex Dallæi libro de Usu Patrum. De quo quid sentiret Hage-Comitis olim à me rogatus Is. Vossius, Vir egregius, in hæc verba respondit: Miror Dallæum, Virum in Antiquitate Ecclesiastica versatissimum ad revelandam Patrum nuditatem eruditione sua usum. Quasi Vossius tam reverenter Sanctos semper & Patres habuisset. At hoc non eo spectabat, sed ut modo, quod solitus erat, quid carperet, ne Dallæus solus abiret sine nota.*

§. VII. De manumissione, cum non ita multi scriptores apud occurrant, rogati de ea, dicimus cum Dn. D. Johan. Strauchio, Jcto, & Antecessore Saliano, Dissertat. Canoniar. III. cap. II. §. XX. f. tres ejus, cum religio primum Christiana in Occidentem propagaretur, fuisse modos: nempe per denarium, ante regem; deinde in Ecclesia; & denique per Epistolam privatam. Manumissio per denarium ex L. Salica fiebat, auctoritate Regis, coque præsentis, excusso numo de manu servi, qui manumittendus veniebat, per manum domini vel cujuscunque alterius, ut docent Veteres formulæ apud Franciscum Pithœum loco mox citando: *Inde quemdam servum N. ut eum ob mercedis augmentum liberum dimitteremus rogavimus. Nos vero manu propria nostra excutientes de manu supra dicti N. denarium, vel nummum, vel argenteum, vel aureum, vel dragmam, vel sesterium, vel mimam. Et in veteri charta Ecclesiæ Lugdunensis apud eundem Pithœum ad L. Salicam, Tit. 28. p. 106. edit. Paris. M. DC. II. in 8vo. Servum juris vestri manu propria, & manu illius excutientes denarium, secundum L. Salicam liberum cum omnibus, quæ habet vel acquisiverit, fecimus. Est simile exemplum, quod profert Bignonius doctissimus ex Tabulario Martini Turonensis, quod ita habet,*

habet, Carolus Imperator Augustus &c. Adalgarius Levita petiit, ut Imperiali more præceptum fieri juberemus. Decernimus, ut more prædecessorum nostrorum Imperatorum & Regum in manu ipsius Leutharti denarius excutatur, ut à præsentī die idem Leuthartus semper & ubique omnibus locis liberatus valeat uti propria potestate absque alicujus resuscitatione aut contradictione, & quoque ei libuerit, omnibus modis liber, & velut nobili prosapia genitus esset, liberaliter per nostram auctoritatem pergat. Hanc præceptionem manu nostra firmavimus, & annulo nostri Imperii sigillavimus. Amalbertus Notarius ad Vicem Auberti Archicancellarii. Data XV. Kal. Julii. Anno incarnationis Dominicæ DCCCLXXXVI. Indictione V. Imperii Caroli VII. Equidem hoc caput Legis Salicæ hodie non extat, fit tamen ejus mentio Tit. 28. p. m. 26. Si quis servum alienum ante Regem per denarium ingenuum dimiserit, ICCCC. den. qui faciunt sol. XXXV. culp. jud. & capitale in locum restituat, & res servi ipsius proprius dominus recipiat. Etiam de hac manumissione est titulus in L. Ribuarie Tit. 59. Et apud Marculphum lib. II. cap. XXII. habetur formula talis.

Præceptum Denariale.

Et quia Apostolicus, aut illustis vir ille servum suum, nomine illum, per manum illius ad nostram præsentiam jactante denario secundum L. Salicam dimisit ingenuum, ejus quoque absolutionem per præsentem auctoritatem firmamus: Præcipientes enim, ut sicut & reliqui mansuarii (Mansarii). Ita dicebantur qui alias coloni, colonarii) qui per talem titulum à jugo servitutis in præsentia Principum noscuntur esse relaxati ingenui, ita & à modo memoratus ille per nostram præceptum plenius in Dei nomine confirmatum nullo inquietante, perennisque temporibus cum Dei & nostra

nostra gratia valeat permanere, bene ingenuus & securus. Et talis manumissus dicebatur Libertus denarialis. Benedictus Levita Capitularium lib. VI. cap. CCVIII. ex Pipini Italiæ Regis legibus tit. X. Homo denarialis non antea hereditare sua agnatione poterit, quam usque ad tertiam generationem perveniat.

§. VIII. Ad Manumissionem in Ecclesia quod attinet, fiebat illa per chartam seu tabulam. Extat ejus formula inter formulas Legum Romanarum, quæ ita habet :

Ingenuitas.

Qui debitum sibi nexum relaxat servitium, in futuro apud dominum sibi retribui confidat. Igitur ego in Dei nomine ille, pro remedio animæ meæ & æterna retributione servum juris mei, nomine Illum, ingenuum esse præcipio, & in sacrosancta Ecclesia beatissimi Sancti illius, sub præsentia Sacerdotum ibidem consistentium ante cornu Altaris ab omni vinculo servitutis eum absolvo, ita, ut deinceps, tanquam si ab ingenuis parentibus fuisset natus, vel procreatus, eat, pergat partem, quam maluerit, & sicut alii cives Romani vitam ducat ingenuam. Et si aliqua procreatio filiorum vel filiarum ex ipso orta fuerit, similiter vivat ingenua, & nulli heredum meorum, nec cuicumque alii personæ quicquam debeat servitutis, nec libertinitatis obsequium, nisi soli Deo, cui omnia subjecta sunt, vel pro cujus amore ipsum devotus obtuli, patrocinium & defensionem cuicumque se elegerit, in omnibus illius perfruatur arbitrio. Si quis vero, quod futurum esse non credo, si fuerit aliquis ex heredibus meis, vel qualibet persona, quæ contra hanc ingenuitatem venire, aut eam refragare præsumserit. illud, quod repetit, non vindicet, & insuper contra cui litem intulerit, sol. LX. componat : & præsens ingenuitas meis, vel bonorum hominum manibus roborata cum stipulatione subnixæ, omni tempore maneat incorrumpsa.

§. IX. Denique per Epistolam privatam manumissio legibus Romanis quoque fiebat. *l. qui absenti. 38. ff. de A. P. Cajus lib. I. Inst.* Necessum vero erat, ut adhiberentur ex Constitutione Justiniani quinque testes, qui cautioni hujus manumissionis à domino scriptæ vel signatæ subscriberent. *l. un. §. I. C. de Lat. lib. toll.* Et hoc modo manumissi dicebantur *Liberti Charularii & Tabularii*, ut & qui in Ecclesia servitute liberati fuerant. *Capitul. lib. VI. cap. CCVIII.* Formula talis est *lib. II. cap. XXIII.* apud Marculsum.

Ingenuitas à die præsentæ.

Qui debinum sibi nexum relaxat servitium, mercedem in futurum apud dominum sibi retribuere confidat. Igitur ego in Dei nomine ille, & conjux mea illa pro remedio anime nostræ vel retributione eterna, te illum, aut illum, ex familia nostra, à præsentî die, ab omni vinculo servitutis absolvimus. Ita, ut deinceps, tanquam si ab ingenuis parentibus fuisses procreatus, vitam ducas ingenuam, & nulli heredum ac proheredum nostrorum, vel cuicunque servitium, nec libertinitatis obsequium debeas, nisi soli Deo, cui omnia subiecta sunt : peculiari concessio, quod habes, aut deinceps, elaborare poteris. Si tibi necessitas ad tuam ingenuitatem tuendam, contigerit, absque nullo præjudicio ingenuitatis tuæ, defensionem Ecclesiæ, aut cujuscunque te eligere placuerit, licentiam habeas, & vitam semper bene & integre ducas ingenuam. Si quis vero, quod futurum esse non credimus, nos ipsi, quod absit, aut aliquis de heredibus nostris, vel quælibet opposita persona contra hanc ingenuitatem tuam venire aut eam infringere conaverit, aut te in servitio inclinare voluerit, divina illum ultio subsequatur, & à limitibus Ecclesiarum, vel à communione extraneus efficiatur. Et insuper inferat tibi cum cogente fisco anni lib. I. & quod repetis vindicare non valeat, sed præsens ingenuitas omni

omni tempore firma permaneat stipulatione subnixā. Porro quibus formulis apud Romanos servi fuerint manumissi, præter alios docte ostendit Barnabas Brissotius, Consiliarius Regius, ac Curia Parisiensis Præses, Vir de litterarum studiis non male meritis, adeoque meliori dignus exitu, in de Formulis ac solenn. P. R. verbis lib. VIII. p. 827. qui videndus. Uti & Mich. Piccartus, Francus, Professor Noricus Orat. XII. tota, p. m. 216. f. edit. Lipsiens. 1614. in 8vo. Quo ritu servi apud Hebræos sive in anno Sabbatico sive Jubilæo dimissi, disquirat M. Joh. Fridericus Gerhardus, Magni illius Johannis Filius, in Exercitatione de Jubilæis Judæor. ac Pontificum Roman. cap. iv. E. 3. Jenæ M. DC. LVIII. edita, Item Jo. Seldenus vi. de Jure Nat. & Gent. cap. vii. & viii.

§. X. Quandoquidem in etymo *Legis Salicæ* paulo ante à nobis memoratæ non conveniunt eruditi, dabo è notis, quas Vir doctus manu sua Libri Legis Salicæ Fr. Pithœi Parisiis, ut §. vii. diximus, editi adlevit oræ, sequentia : *Origenem & Etymon hujusce Legis Salicæ quidam volunt à sale deduci, quod sale multo, id est, prudentia condita videatur Lex Salica.* Alii ajunt, debere eam dici Gallicam legem, non Salicam; vocemque esse corruptam. Sed inrita, meo judicio, Minerva hæc comminiscuntur; putarimque non aliunde eruendam esse hanc vocem, quam à Sala flumine Germaniæ, cujus accolæ vocarentur olim Salii sive Salici, (Vide Althamerum in Taciti Germaniam. Philippus Cluverius tamen tertio Germaniæ Antiquæ cap. xvii. p. m. 60. edit. optimæ Lugdun. Batav. Elzevirianæ c10 100 xvi. ab *Isala* censet sic adpellatos Salios fluvio, qui antiquitus *Sal* dictus) in quos Francorum erat imperium dictum Orientale, & quod in Gallos, etiamnum florentes, habebant Occidentale. *Apud Salios autem illos lege statutum erat, ne sequior sexus Imperio potiretur.* Hinc dicta

Lex

Lex Salica, qua nihil religiosius observatur apud Franco-Gallos. Hoc Vir ille eruditus Codicis olim tui, nunc mei, margini adscripsit & quidem p. 90. ubi Pithœi habetur Glossarium sive interpretatio obscuriorum verborum quæ in Lege Salica habentur. Dicti Glossarii principium hoc est: [*Legis Salicæ*] Francorum, quos consuetudo Salios vocitavit, sicut *Anm. Marcell.* scribit. Fortasse à saliendo. Sidon.

Tibi vincitur illic

*Cursu Herulus, Chunnus jaculis, Francusque natatu,
Savromata clypeo, Salius pede, salce Gelonus.*

Et in prologo harum legum: Gens Francorum inclita, fortis in armis, audax, velox & aspera. Lex simpliciter dicitur, Synod. Cabillon. & Rhemens. videantur. Ado Einardus, Otho Frising. Sigebertus, Trihemius, & Nicol. Vigner. libell. cui titulus est: *Traité de l'estat & origine des Anciens Francois.* Hæc Pithœus. Locus Ammiani ab ipso adductus habetur libr. XVII. cap. VIII. Quibus paratis, petit primos omnium Francos, eos videlicet, quos consuetudo Salios adpellavit, ausos olim in Romano solo apud Toxiandriam locum habitacula sibi figere prælicenter. Ad quæ verba consuetudo Salios adpellat Fridericus Lindenbrogius (ita enim nomen ejus est, quamvis & se Lindenbruchium vocet in epistola ad Fr. Pithœum Ictum Libro Legis Salicæ præmissa, at quod Matth. Martinus Col. 3316. Etymolog. edit. Bremens. M. DC. XXIII. Lodenbrogium vocat, inter menda ejus libri Typographica refero, non ab re vero ibidem Martinio Clarissimus JCtus & Philologus honorandusque amicus Lindenbrogius est, uti mox vero suo nomine adpellat) hæc adnotavit: Zosimus lib. III. Τὸ Σολίων ἔθνος, φράζον ἀπόμοιρον. Vide quæ ad Legem Salicam notavit Francisc. Pithæus JC. Vir vere doctus:

doctus : cujus exacta diligentia factum, ne quid impræsen-
tarium his addere velimus. Ceterum censuit & Alcia-
tus à Saliis Legem Salicam dictam, quæ nimirum mu-
lieres à successione arcet, ne per connubia & adfini-
tates, peregrini ad regni successiorem aditum sibi fa-
cient. Vide hic Optimum Matthiam Berneggerum
Halstadio Austriam ad Suetonii Jul. Cæsar. cap.
XXII. p. 41, 42. Ad Pithœum disputat his verbis
Philippus Cluverius d. I. "Nec tamen nescius ego
"sum, esse doctissimos etiam viros, qui Salios non à
"dicto flumine, sed à saliendo dictos contendunt :
"idque ex hoc Sidonii versu;

"Sauromates clypeo, Salius pede, salce Gelonus.

"item ex his Marcellini verbis : Petit primos omnium
"Francos ; eos videlicet, quos consuetudo Salios ap-
"pellavit. Certe argumentis illi contendunt opido
"quam infirmis ; utique posteriori hoc, ex Marcelli-
"no adducto, utrique ego unam hanc rationem op-
"posuerim, quod haud facile, uno nullo modo fie-
"ri potuerit, si Romani Germanicæ hostilique gen-
"ti nomen à saliendo imposuissent, uti id apud ipsos
"Germanos, non modo in gentem, sed etiam in so-
"lum, & in flumen abiit ; præsertim, quum, post
"exortum Francorum nomen, nullum heic Romani
"habuerint impetium. Hastenus Cluverius. Adde
& Hadr. Junium in Bataviæ Historia, cap. VIII.
p. 100. 102. f. cap. IX. p. 138. f. 143. f. p. 186. f.
edit. Dordrecht. CID IOC LII. in 12. Item Martini
*Etymolog. col. 3316. Voc. *Salius*, & col. 1338. Voc.*
**Salins*, a, nm.*

CAPUT VI.

S. I. **C**UM ab elegantissimæ eruditissimi B. Jac. Thomasi Præfationis, Tractationi de Polymathia Joann. à Wower præmissæ lectione aliquando recens eram, incidebam in MSS. mea, & dum aliud quærebam, obserebat se mihi, inter cetera plura inedita † quædam Jos. Scaligeri epistola, quam, quia non parum tanti Viri, Wowerii scilicet, famæ, & dictæ confert Præfationi, ut à blattis & interitu

† Ita putavi. Sed male. Inveni enim eam, licet nimis sero, lib. III. Epistolar. Scaligeri. n. CCLX. p. m. 547. edit. Lugd. Batav. M. DC. XXVII. in 8vo. quæ tunc non ad manus. Neque tamen omnino frustra sumsi hanc operam. cum Wowerii nomen è MS. addiderim, in Scaligeri editis omissum. Invenies quoque nonnullam differentiam, licet levem. Ego maximo studio semper exhibere curo *ἀντιγραφα*. prout sunt; quod in dicta editione minime factum esse, ipsa ad Lectorem Præfatio docet. Incidi nuper magno meo bono in egregium quoddam Epistolar. Scaligeri exemplum, quod Vir doctus quispiam manu sua totum correxit, & notis in margine positis nonnullam auxit, ac ut in principio libri scripsit, novæ editioni paravit. Hoc nunc utor, & si desiderabitur, non negabo Typographo; quin & plures addam Scaligeri epistolas ineditas, quas in scriniis meis servo. Hæc scripseram, cum adferretur epistola Rotterodamo Clarissimi mihiq; amicissimi Viri, Dn. Petri Bælii, in qua eruditionis & humanitatis eximie Vis me monet, Lipsii epistolam ad Calcem Partis II. Methodorum à me Lugduni Batav. anno M. DC. XCVI. in 4to editæ positam & pro inedita habitam reperiri in L. illis Lipsii ad Leeuwium Epistolis, quas hic Lugduni scil. Batav. anno cto 100 XLIX. Boxhornius edidit. Quod Lectorem celare nolui.

G

vindicare

vindicare possem, ab eo optavi tempore, Voti nunc damnatus, ex ipsius Scaligeri MSto, quod ex illustri ad me pervenit Bibliotheca, eam hoc modo habentem in tui gratiam Lector candide hic adpono.

Jos. Scaliger Everhardo Elmenhorstio S.

N I H I L est, quod magis nos commovet, quam id, quod inopinato accidit: neque ullius injuriæ major dolor est, quam illius, qui ab eo proficitur, a quo minime tale exspectabas. Nudius tertius quidam utrique nostrum notus convenit me, qui diceret, se ab amico accepisse, magnas inter te & Wouwer. * similtates ortas esse, idque tua, non illius culpa, propter Minutii editionem. Tolerabile id

* De Wouweriis, altero Hamburgensi, auctore Polymathia; altero Belga, h. e. Antuerpiano, probe distinguendis; at ab Andrea Schotto Jesuita non indocto in notis ad Proverbia Græca p. 86. & in notis in Procli Chrestomathiam, p. m. 15. edit. Hanovienf. M. DC. XV. in 4to. confusus vide Colomesii *Κεφάλαια* Literaria, (cap. II. p. 2, 3.) & Joan. Jonssium Holsatum, lib. II. de Scriptor. Hist. Philos. cap. XVII. p. m. 105. Joannis Wouwerii (ita enim video eum vocari & scribi) Antuerpiensis Panegyricum Austriæ Serenissimis Archiducibus, Belgice scriptum habeo Antuerpiæ editum, M. DC. IX. in 8vo. nactus eum è Bibliotheca Gisberti Lappii, magni illius Jcti Ultrajectini; qui & addicuravit Petri Roverii Avenionensis Jesuitæ, Panegyricum Henrico IV. Franciæ Regi dictum cum notis & Primi genia ac revertentis fortunæ Characteribus. Elogioque Historico roboris ac succi, ut dicitur, pleno laudati Henrici IV. Gallice in Gallia primum, post Latine doctiff. à Belga verso, ac edit. Antwerp. M. DC. X. Justus Lipsius, Cent. I. Epist. ad Belgas, n. XLI. p. m. 38. f. edit. Antwerp. cio 10c v. in 4to, utrumque probe distinguit: *Janus Wouwerius, inquit, cognominis tuus, si non Gentilis, quam bona tecum fœderatio! Optimum par, nec vel dii dederint magis ex usu aut ex voto. Modestiam & probitatem in eo adolescente semper amavi; & ut vidi primum (Hamburgi id*

fuit

id quidem, si sola intercesserit parium studiorum contentio, *αἰαδὴ δ' ἔεις ἡδὲ βεργίαν*. Sed longe diversam causam narrabat, qui (id abest in Mscra, sed in edita addita) nobis retulit, quæ, si vera est, nunquam invenies homines tam oblitos iudicii sui, (in edit. est: *nunquam tam oblitos iudicii sui homines invenies*) qui eam probare possint. Convenio conscientiam tuam, si tu hac in re meliora præstare potes (in edit. *possis*) quam ille, qui tibi & ætate & rerum usu longe antecellit. Tu nili verum odisti, negare hoc non potes. Sed ego hæc non tanti facerem, nisi major cura me ureret. (Hic in edit. habes punctum. *Aufsum te ** dicere, ejus me ingenium extenuasse verbis.*) Te aufsum Wouwero dicere, me ejus ingenium vere extenuasse: quod quam falsum sit, neminem alium præter te, testem adpellem. Ut ego adeo insaniverim? Ut illa cæcitas mentem meam incesse-rit? (in edit. est: *ut mentem cæcitas incesse-rit*.) Quid de te suspicari, imo quid arbitrari debeo, qui de me talia senseris? (in edit. *qui ita de me senseris*.) Quis Wouwerum (in edit. *virum illum*) magis tibi commendavit, quam ego, quis magnificentius de ejus (in edit. eo) ——— ** sensit, an scires tu eum tantum esse,

fuit ante annos novem) una laudatum illam indolem iui. Vivat, crescat, & lampada à nobis in hoc cursu jam fessis accipiat: me libenter & iudicio tradente. Fuit vero noster ille Hamburgi natus Patre Nicolao, ob persecutiones in Religione è Belgio profugo, Antuerpiani illius, ut recte putat Lipsius, Gentilis, illustri Baronum stirpe oriundus. Antuerpianus vero ille est, apud quem Lipsius Bibliothecam & scripta sua testamento, usque dum adolesceret heres, deponi iussit, teste Auberto Miræo in Elogio Lipsii.

** Alibi ipse ille Scaliger apud Oporinum Grubinium (vel potius Casp. Sciopp.) in Amphotid. Scioppian. p. m. 60. edit. Paris. c10 10c x1. hunc Joann. Wouwerium

esse, (in edit. *An tu tantum esse eum scires*) nisi ego tantum prædicassẽ? Non possum facere, quin hanc injuriam tecum (in edit. *quin tecum hanc injur.*) exponam. Aut purga illam, aut noli nostra amicitia abuti. (in edit. *aut abuti amicitia nostra noli.*) Vale VII. Kal. Aprilis (in edit. *Juliani*) CIO IDC III. Juliani. *Inscriptio.* Ornatissimo Juveni Geverhardo Elmenhorstio. Hamburgum. Contuli, & differentiam adscripsi etiam levissimam, ut adpareat quam minus accurate ac diligenter editor suarum partium sategerit. In aliis quoque hujus Scaligeri ut & Casauboni, quas cum MSS. contuli, magni non raro momenti reperi discrepantias; de quibus alibi forte dicam.

§. II. Errat Libertus Fromondus Insignis Ecclesiæ Collegiatae B. Petri Lovanii olim Decanus, Suae Theologiae eadem in Academia Doctor & Sacrae Scripturae Professor Regius, Herculem Alenzonium pro Francisco Andium duce substituens in quinto Meteorol. cap. I. Art. IV. p. m. 340. edit. Lovanienf. CIO IDC XLVI. Verba ejus sunt: *Bodinus l. II. Theatri tam durum se fuisse scribit, ut nihil unquam se moverit, etiamsi septies in Oceano, & mediis turbinibus, ubi alii sanguinem etiam vomebant, navigaret. Credo, cum in Angliam procatum, pro principe suo Hercule Duce Alenzonio, ad Reginam Elizabetham itabat, quando pro Bodino solebat eum Regina Magistrum Joannem Badinum appellare.* Errat, dico. Franciscus enim, cum ardentissime nuptiis Elisabethæ Angliæ reginæ inhasset, magnamque earum spem concepisset, ab illa delusus est tandem, non vero iste. Sic enim hac de re Jo. Bodinus (huic qui se Francisco Duci à consiliis fuisse

hominem sibi ob excellentes ingenii dotes charissimum vocat. Habes & ibi quamdam Celeberrimi Jo. Caselii ad Gasparem Scioppium epistolam; quod ne fragmentorum Caselianorum studiosi nesciant. addo.

in

in IV. de Republic. cap. II. p. 658. item in lib. VI. cap. V. p. 1163. edit. Francofurt. CIO IOC IX. fatetur) dicto loco in p. 1164. scribit: *Illæ (reginæ) spirantes homines contueri, alloqui, tentare diu volunt, ac sæpiſſime viſos reſpiciunt: ——— ut ——— contigit Franciſco Andium Duci ——— qui tameſe bis in Angliam trajeciſſet, & legationibus honorificis ac diuturnis reginam ſibi deſponſam putaret, inani tamen ſpe lætatus, re infecta diſceſſit.* In eo forte quoque, dictus quod Fromondus ſubjicit ibidem, ac ſi Bodinus pro domino in Angliam procatum ipſe ſuo iverit, nimis liberalis eſt. Nam etſi legationis ſuæ pro Franciſco Andium Duce, anno CIO IOC LXXXI. ſuſceptæ in Angliam ipſe meminit ibidem Bodinus, p. 1132. conjugalis tamen negotii mentionem minime adjicit; ut mirentur eruditi, quomodo horum mandatorum conſcius factus ſit Fromondus.

§. III. Mentione ſuperiori paragrapho Bodini facta notamus eundem hallucinatum fuiſſe, cum primo de Republ. cap. VIII. p. m. 125. (utor autem editione, quam dixi, Francofurtana quinta anni CIO IOC IX. in 8vo optima) ſcribit: *Dictator Papirius Fabium Max. I. ac Fabius Max. II. Minucium equitum Magiſtros, quod contra mandatum Dictatorum dimicaſſent, capitis damnarunt: qui tamen ex provocatione populi, judicio liberati ſunt. Sic enim Livius lib. VII. (lege VIII. cap. XXXIII.) Tum pater Fabii, Tribunos inquit appello, & provoco ad populum, qui plus quam tua dictatura poteſt, cui rex Tullus Hoſtilius ceſſit: Hæc Bodinus. De Dictatorum origine, creandorum cauſis, poteſtate, decremento & memoria ultima poſt Onufrium, Sigonium, Lipſium, & Pighium nihil habeo quod dicam, cum nulla aut certe pauca ad ſpicilegium reliquerint. Sed Livius plane non ſtat hac in re à Bodino. Licet enim Fabii Pater ad Tribunos plebis appellaret, & ad populum provocaret:*

Dictator tamen adseveranter in proposito suo permanens dixit: *se perstaturum in incepto: nec ei, qui adversus dictum suum turbatis religionibus, ac dubiis auspiciis pugnasset, quidquam ex justa pœna remissurum.* Liv. l. VIII. cap. XXXIV. 5. Donec tandem magnis populi Romani precibus, Tribunorum instanti intercessione, Patris Filiique Fabiorum supplicibus manibus commotus atque Dictator victus silentio facto ita se explicavit: *Bene habet, Quirites, vicit disciplina militaris: vicit imperii majestas, quæ in discrimine fuerunt, an ulla post hanc diem essent. Non noxæ eximitur Q. Fabius, qui contra edictum imperatoris pugnavit; sed, noxæ damnatus, donatur populo Romano, donatur Tribunicie potestati; precarium non justum auxilium feremi.* Livius, lib. VIII. cap. XXXV. 4. Quid? quod Bodinus semetipsum contemnere videtur, quando libro de Republ. III. cap. II. p. 420. scribit: *Quid præclarior unquam aut sempiterna gloria dignius fieri potuit, quam à Fabio equitum magistro Papirii Dictatoris factum est? Is enim viginti millia hostium centum civibus tantum amissis internecioni dedit, sed quia vetante Dictatore in hostem irruerant, capitis postulatus est, nec aliter, quam Dictatore placato populi precibus supplicium evasit.* Et hæc Andegavensis ille Gallus. Sane de sententia Livii, VI. XVI. 5. nec adversus dictatoriam vim aut tribuni plenis, aut ipsa plebs, attollere oculos aut hiscere audebant. Magis tamen è similitudine potestatis, quam è consuetudine loquendi Romana dicit Ampelius p. m. 22. *perpetuam Cesarum dictatorem dominari post consecrationem Julii Cesaris Augusti.*

§. IV. Sicuti non pauca bonæ frugis Commentarius continet Johannis Vorstii de Hebraïsmis Novi Testamenti, Amstelodami anno MD CXC LXV. satis vitiose impressus: ita & copiosam reprehensionis legem & materiam. Alio loco plura adferemus, hic unico

unico erimus contenti. In libro I. cap. XIV. p. m. 359. scribit: *Vox Hebræa* 𐤀𐤓𐤕 *redundat quos (lege quo) ad propositionem* 𐤁𐤕 *ubi hæc significat Præter. Exemplum Exod. xx. 3. Non erunt tibi Dii alii* 𐤁𐤕 𐤁𐤕 *præter faciem meam, hoc est, præter me. In quam sententiam recte verterunt Interpretes Græci: ἐκ ἐναντίας σοι θεοὶ ἔτεροι πλὴν ἐμῆς. Vocula* 𐤁𐤕 *hic nec coram, nec ante significat, sed præter. Vox* 𐤀𐤓𐤕 *autem planissime redundat. Potuisset & hac pro expositione adducere Chaldæum, Syriam, Arabem & Rivetum. Atqui DEUS verus non continetur sub diis alienis, ut sub illis possit excipi. Excipere vero hic Logici nihil aliud esse dicunt quam à toto partem detrahere, ut ita ad exceptivam proprie dictam requiratur (1) ut subjectum sit aliquid commune, seu latius, re excepta, aut totum distributum, à quo & sub quo fieri queat exceptio; adeoque (2) contineat plura, quorum aliqua excipi queant: (3) ut id, quod excipitur, contineatur etiam sub subjecto propositionis exceptivæ. Si vero Vorstius hic præter non pro extra, nisi, exceptio, sed pro contra sumsit, ut sensus sit, non habebis deos alienos contra me, id est, contra obedientiam mihi & præceptis meis debitam, cum Ainsw. tolerari potest explicatio, cum apud bonos auctores non infrequens sit ea significatione usurpare præter. Cicer. in Orat. pro Lege Manil. cap. XXI. Quid tam præter consuetudinem, quam homini peradolescens, cujus à Senatorio gradu ætas longe abesset, imperium atque exercitum dari? Terent. Andr. II. VI. 5. Præter spem evcnit — ubi Donatus: Præter, pro contra, ut, Præter ætatem tuam. Legitur hæc dictio, præter ætatem. i. e. ultra vel contra, in eodem Terent. Heaut. I. I. 7. & in Hecyr. II. I. 29. — Præter equum atque ætatem meam. Item in Adelph. I. I. 39. Nimirum ipse est asinus,*

durus, præter æquomque, & bonum. Sic in Andr. IV. I. 55. al. 49.) *Tuum est, si quid præter spem evenit, mihi ignoscere.*

S. V. Reprehensurus idem Vorstius Gerhardum Titium ob usurpatam phrasin, *quod me attinet*, pro, *quod ad me attinet*, in de Latinitate merito suspecta, cap. XIX. p. m. 174. scribit: *Alius Titius, cui prænomena sunt Johanni Petro; quique amicus noster est* (quod addere omnino intererat, ne nesciremus Gerhardum Titium ipsius adversarium fuisse) in *Manuductione ad excerptandum*, recte monet, *veteres semper Præpositionem addere, & dicere, Attinet ad me, Attinet ad eam rem.* *Et est sane ita, ut alter ille Titius monet.* Hæc Vorstius: At Valer. Maxim. I. I. 14. *line ad usurpat.* *Sed in his quæ custodiam religionis attinent.* Ita enim habet non solum editio Francofurtana anni M. DC. I. in 8vo. quæ textum à Stephano Pighio emendatum, & ad vetustissimum Viri. Cl. Petri Danielis Jcti exemplar conlatum exhibet: sed & Lugdun. Batav. Hackiana anni CIO IO C LXX. MSS. inspicere non datur. Antiqua tamen Mediolanensis anno M. D. VIII. in fol. & Antuerpiana CIO IO XC. I. in 12. impressa, ne quid dissimulem, habent ad. *Sed quæ ad custodiam religionis attinent.* At his editionibus non multum tribuunt eruditi. Utut sit in defectu perfecti alicujus Lexici & indicis omnium vocum & phrasium Romanarum nimis temeraria semper mihi quorundam visa sunt universalia effata hanc vel illam vocem, vel phrasin, vel acceptionem, vel constructionem nunquam apud Romanos inveniri, sed semper talem vel talem. Consummatis Philologiæ Professoribus id rarius excidit, ii enim cautius famæ suæ consulunt, imparatissimi à lectione confidentissime scribunt. "*Neque enim tam facilis est censura Romani ser-*"
monis, auctore Philippo Caroli in Animadvers. in
" Agellii

" Agellii lib. V. cap. XXI. p. 323. f. ut sibi *Nizoliani*
 " fratres persuadent, cum eruditissimos etiam viros,
 " & hujus provinciæ præcipuos Dynastas hic errasse
 " compertum sit. Ecce enim *J. Cæsar Scaliger* in Car-
 " dano damnat verbum *restaurare*, quo usus tamen
 " est *Tacitus*, usus *Justinus*, usus nostra ætate *Cujacius*;
 " quodque non solum semel *marmora* Romanissima
 " præferunt. *Cæsariem* de capillo *mulieris* * usurpa-
 " tam expungit Vir idem & princeps Illustris. nec re-
 " vocat sibi in memoriam ita posuisse *Virgilium*,
 " quem extra omnem censuram posuerat. *Nubere* de
 " viro recte usurpari negavit filius ejus *Josephus Sca-*
 " liger, nec fuit ei in mentem, ita locutum esse cum
 " pluribus doctissimum togatorum *Varronem*. *Sole-*
 " *cismum* nec Græce nec Latine probe dici, pronun-
 " ciavit *Agellius* lib. V. cap. XX. immemor, & *Ari-*
 " *stotelem* dixisse, &, quod magis est, *seipsum* in cap.
 " VII. lib. I. Usus est eodem verbo *L. Sasyricus* &
 " *Martialis*, *Ansonius*, *Tertullianus* adversus *Valent.*
 " cap. IX. *Cadaver* bestiarum, non hominis esse, ho-
 " noris causa non nominandus contendit; de ho-
 " minis autem defuncti exuviis *corpus* usurpandum.
 " Ille vero non cogitabat *tit. de cadaveribus punitorum*,
 " & *Ciceronem* *cadaver P. Clodii* nominasse in *Milo-*
 " *niana*. *Nidulum* vel *nidum* usurparat *J. Lipsius* de
 " *Oldenburgo*. Eum ecce *Aristarchus* quidam vitu-
 " lum & sesquialinum convitiatus est, tanquam ne-
 " scivisset, *nidulum in convivio* tantum poni, & deho-
 " nestamento. At, ô Marce, tibi diutius ad subfel-
 " lia pædagogorum sudandum erat, dum disceres,
 " *M. Tullium patriam Ulyssis* ita vocasse, quæ non opi-
 " dulum, sed insula. Ita enim lib. I. de Orat. cap. XLIV.

* Hinc *Salmasii* Epistola de *Cæsarie virorum*, & *mulierum* co-
 ma. Lugd. Bat. c10 106 XLIV. in 8vo.

" ait:

" ait : *Ithacam, nidulum suum Ulysses immortalitati ante-*
 " *posuit.* Accipe, quid ipsi Ciceroni venerit. Re-
 " prendit ille in *III. Philippica*, cap. IX. dictionis
 " genus hoc, *facere contumeliam*, in illis verbis Anto-
 " nii : *Nulla contumelia est, quam facis dignus.* Ubi sic
 " Cicero censuram fert : *Quid est facere contumeliam ?*
 " *Quis sic loquitur ?* Ubi vehementer admiror, mutum
 " esse Dionysium Gothofredum ; utique in *Terentiana*
 " *Eunuch*o, V. II. 26. *Thais* sic loquitur : *Nam si ego*
 " *digna hac contumelia sum maxime, at tu indignus, qui*
 " *faceres tamen.* Quæ verba omnino in animo habuit
 " *Antonius*, quum hac phrasi uteretur. *Catonis Ora-*
 " *tione contra Cassium* testimonium habes *lib. X. cap.*
 " *XIV.* infra : *Atque evocit ira, inquit, ut in hac con-*
 " *tumelia, quæ mihi per huiusmodi petulantiam factum iur,*
 " &c. Similiter *Plautus Asinar.* II. IV. 83.

Tu contumeliam alteri facias, tibi non dicatur ?

Vorstius sane tantum non potuit à lectione Roma-
 norum quantum videri volebat. Superveniebat alio-
 rum laboribus, addebat, demebat, corripiebat, inven-
 tisque aliorum fruebatur non propriis, ipseque parum
 de suo proferens omnia sibi fere vindicabat. Indices
 maximi Boecleri in *Cornel. Nepotem* & *Cl. Freinshe-*
mii in *Justinum* multo pleniores reddidit hic Rector
 Scholæ Joachinicæ, quæ Colonix Brandenburgicæ
 est ; at noyos in *Sulpicium Severum* & *Valer. Maxi-*
mum, quos cum notis suis edidit, adornare indices,
 nimis laboriosum erat huic homini in labore remis-
 so nimis, parumque patienti. Lege quæ de hoc mul-
 tis tradiderunt *B. Boecler.* in *Præfat. ad Lector. Vel-*
lejo præmissa, & *Joh. Georg. Grævius* itid. in *ad Le-*
*ctor. Præfat. Justin*o præfixa. Non vituperamus ejus
 adjecta, sed quod ille ipse, nullibi non utilitatem in-
 dicum

dicum tam ample quam vere prædicans, nullos omnino suis abs se editis libris subjunxerit, eruditus vehementer dolet. Porro is à Vorstio adductus Cl. Joh. Petrus Titius fuit eloquentiæ & Poëseos in Gymnasio Dantiscono Professor, cujus eruditi omnium in manibus versantur libri. Vide quæ diximus Part. III. Animadvers. nostrar. cap. III. §. III. p. 97.

§. VI. Quam curate libros & auctores, gloria multæ lectionis avidi Jesuitæ, cognitos habeant, docent hæc Philippi Labbei, Biturici, societatis Jesu Presbyteri verba, in parte I. Bibliothecæ Nummariæ, p. m. 34. edition. Lugd. Bat. c10 100 LXXXII. exstantia. *Desideratur ab eodem (id est, Marquardo Frehero, Jcto & Comitis Palatini ad Rhenum Consiliario) scriptus, ut perhibetur, liber, inscriptusque Pomponius, sive de numismatibus veteribus & re monetaria.* At non desiderantur, sed sunt in promptu & medio libri duo dicti Freheri de Moneta veterum Romanorum, & hodierni apud Germanos imperii, jam tum anno c10 100 v. Lugduni in 4to editi.

§. VII. Non satis circumspecte, meo quidem scripsit judicio, doctissimus Ger. J. Vossius in 1. de Idololatria cap. XII. p. m. 50. b. edit. optimæ Amsterdamentis apud Joan. Blaeu M. DC. LXVIII. in fol. *Ex Plutarchi, in præclaris mulierum factis, verbis (τῇ Λαμψάκῃ πρῶτον ἡρώϊας τιμὰς δῶκε δίδοντες, ὕστερον ὡς θεῶν ἐλπίσαντο. Cum Lampsaæ prius heroicos tribuissent honores, postea, ut ei, velut numini, sacrificaretur, decretum) cognoscimus, sacrificium non fuisse in honoribus heroicis, sed divinis.* At non solum Deos sed & indigenas heroës, qui ceu dii habebantur, colendos esse tertius Atheniensium legislator Draco sanxit apud Porphyrium in de Abstinencia libro IV. *Καὶ Δράκωντες, inquit, in ipso fine, νόμος μνημο- νέας*

νέμεται τοῦτο· δεσμὸς αἰώνιος τοῖς Αττίδα νε-
 μομένοις, κῶς τὸν ἅπαντα χρόνον· θεὸς πᾶν,
 καὶ ἥρωας ἐγχεύεις, ἐν κοινῷ, ἐπομένους νόμοις πα-
 τείοις· ἰδία, κατὰ δύναμιν, σὺν εὐφημίᾳ, καὶ ἀπαρ-
 χαῖς καρπῶν, πελάνοις ἐπέλειοις· *Et Draconis lex ejus-
 modi memoratur. Sanctio eterna Atticam incolentibus,
 quæ in omne tempus rata habeatur: Deos honorare, &
 heroes indigenas, communiter, secundum leges patrias: ac
 privatim, pro virili, cum fausta adprecatione, fructuumque
 primitiis, & libis anniversariis. Oraculum apud Plu-
 tarchum in Alexandro clare jubet πᾶν Ἡρακλεῖωνα,
 καὶ θύειν ὡς ἥρωι. In aureis Pythagoræ Carminibus
 jubenter homines primum honorare πᾶν ἀθανά-
 τος θεός, idque ex lege, v. 1. inde observare colere-
 que jusjurandum, σέβειν αἰὲν ὅρκον· v. 2. postea, heroes
 & demones subterraneos, ἥρωας καὶ δαίμονας καὶ χθονίους
 sacris legitimis, ubi multi interpretes κατὰ χθονίους
 δαίμονας accipiunt, de vivis & terram incolenti-
 tibus divinis viris. Hierocles insignis ille Philoso-
 phus Alexandrinus & aureorum Pythag. Carminum
 interpres eo loco p. 45. δαίμονας vocari dicit ani-
 mas humanas excellentiores, ἀληθείᾳ καὶ ἀρετῇ κοσμη-
 δείσας, veritate ac virtute præditas, sed extra corpora,
 defunctorum jam hominum animas, at ex opinione
 Pythagoræorum in corpora rursus redituras. Cum
 Hierocle sentit Salmasius, quem vide in Præfat. ad
 Cebetem. Causam cultus aperit Hesiodus I. ἔργ.
 121. Τοὶ μὲν δαίμονες εἰσι — ubi bono sensu ita
 vocantur homines aurei sæculi, qui in numerum deo-
 rum sunt relati, ac tandem in tutelares permutati;
 vide*

vide Jo. Tzetzae notas in h. l. Dico *bono sensu*, ut ex occasione doceam lectorem, memoria forte labi doctissimum Joach. Camerarium in p. 40. not. in Homeri v. 190. Il. β. scribentem : *habet hæc vox* (δαίμωνι) *apud Homerum semper aliquam increpationis significationem, sed non semper acerbam & quasi infestam.* Nam non semper ita esse, probabit v. 443. Od. ubi in laudem dici videtur de hospite Ulyssæ. Porro Locrensiū legislator Zaleucus apud Stobæum, serm. XLII. p. 280. Deos primo loco honorandos proponit, Dæmones secundo; hinc Heroas, Parentes Leges & Principes : Μετὰ θεῶν, αἰτ, καὶ δαίμονας, καὶ ἡρώας, γονεῖς τε καὶ νόμοι, καὶ ἀρχόντες σωτηρίας εἰσι ταῖς τιμαῖς παρ' ἀνθρώποις νῦν ἔχοντες. Ipso de opere dicto Vossii judicavit non male Cl. Dn. Daniel Georg. Morhof. 1. Polyhistoris Literarii cap. XXII. p. 244. his verbis : *Vossii liber de Idololatria & Physiologia Christiana inter Locorum Communium scriptores laudari debet. Penus hic panditur variarum rerum, ut Locorum Communium titulo insigniri omnino debeat, non tamen temere scriptorum, sed optimo judicio digestorum, quos sua industria ex rerum universitate conlegerit. Nam cum de Idololatria inscribit, videtur argumentum huic libro quaesivisse, ne sub conlectaneorum titulo nomen ejus vilesceret. Quod certe ad Physica illa attinet, illa non alia occasione ipsi nata nec diffusetur in Præfatione operis. Quare Noctium Leidensium titulo insignire voluit exemplo A. Gellii; quod tamen consilium postea mutavit, atque suo de Idololatria operi velut adpendicem adjecit; quaesito utcumque connexionis argumento. Liber est profecto totus aureus, & magno adparatu rerum refertus. Theologiæ Gentilis primordia quamquam jecerit Gyraldus, & alii ante ipsum; ipse tamen longe locupletiora & accuratiora dedit illa omnia, suo interposito ubique judicio. Utinam postremam ejus partem de*
rebu,

rebus naturalibus ita elaborasset, certe complexum totius universi liber iste sisteret. De hoc libro ita Grotius iudicat: In aliis quidem titulos plus, quam præstant, promittere: hunc vero librum plus præstare, quam titulus promittit.

§. VIII. Veluti uno plures hactenus, & Græci prodierunt Grammatici, & ut ille, ait, *μυεῖοι, ὅς ἐν αὐτῇς ἀεὶ παλαιῶς ἀγορεύοιεν* *ὄντος ἐώυ* ita præ ceteris utilitate se mihi semper probarunt Nicol. Clenardus Dieffenensis cum scholiis & praxi Petri Antesignani, Frid. Sylburgii, Henr. Stephani, & Gerardi Jo. Vossii; Jacobus Wellerus & Theophilus Golius, cujus de Grammatica in ad Lectorem Præfatione Grammaticæ Græco-Harmonicæ Golio-Wellerianæ præmissa cum cura disserit Cl. Dn. M. Joh. Fridericus Koeberus in Illustri Rutheneo Rector; item Jacobus Gretserus Jesuita, nosterque Goudensis & Hagensis olim Rector Batavus Joann. Verwey. Et ut Alexandrum Scotum, cujus universam Grammaticam Græcam Lugduni M. DC. XIV. in 8vo. impressam vel ob Angeli Caninii Anglarensis Canones Terminationis & Dialectorum additos magni feci semper, præteream hic, profiteor sancte, Litterarum sacrarum & Theologiæ Studiosis utiliore Grammaticam ea, quam Georgius Pasor Græcæ Linguae Professor Groningenensis edidit MDCC LV. in 8vo. Græcamque Novi Testamenti vocavit Grammaticam, me non vidisse. Quippe de qua filius ejus Patre minime indoctior Matthias Pasor S. Theolog. Doct. ejusdemque & Philos. Moralis Professor in ad Lectorem Præfatione p. 6. tale judicium fert. *Multiitudinem Grammaticarum multi objiciunt. Verum tamen Grammaticæ Græcæ prostant infinitæ, hujus tamen generis Grammaticam, quæ tantam exemplorum sacrarum farraginem continet,*

neat, mihi quidem hætenus videre non contigit. Alii nimirum Grammaticæ hujus prolixitatem fugillabunt. At, si illam ex dictorum sacrorum varietate ortam expendant, mitius forte judicabunt, quia illorum occasione non modo de phrasi Græca, verum de rebus quoque Cælestibus & ad æternam salutem spectantibus Magistris cogitare ac discipulos commonefacere licebit. Interest juventutis Christianæ, ut dicta ista sacra Sæpius in succum & sanguinem, a quod ajunt convertere studeat. Accedit, quod hic non repræsentatur nuda Grammatica, verum Syllabus insuper omnia fere Novi Testamenti vocabula Grammatica Methodo disposita exhibens. Et in pagina sequenti:

“Scopus pii mei parentis fuit Græcum Novi Testamenti
 “textum juventuti Christianæ à primis annis reddere
 “quam familiarissimum. Scripsit hunc in finem Lexicon
 “Novi Testamenti geminum, Majus, & Minus,
 “quod ipsius institutum quam multis gratum fuerit
 “atque utile ex variis diversorum locorum editionibus
 “perspicuum est. Succedit nunc Grammatica
 “hæc Sacra, in qua quidnam præstitum sit doctiorum
 “& pietatis æque ac profectus juventutis Christianæ
 “studioforum esto judicium. Omnes Novi Testamenti
 “voces varie in ea disponuntur vel retexuntur,
 “omnes etiam Syntaxeos Regule Sylva quadam dictorum
 “divinorum exornantur atque illustrantur, adeo
 “ut liber hic Thesauri vel Promptuarii Sacri Grammatici
 “titulum haud injuria sibi vindicare possit. Adducit & commendat illam Pastoris Grammaticam non semel in doctissima sua Dissertatione Philologico-Theologica, de Stylo Novi Testamenti, Dn. D. Joh. Olearius, Theologus & Professor Lipsiensis. Sane qui Thesaurum Grammaticum Linguae Sanctæ Hebrææ cum Lexico Johannis Buxtorffii, Philologiam Sacram Salomonis Glassii aliquoties ipsi Pastori laudatam, Logicam sacram in Novo Testamen-

to comprehensam M. Philippi Zeifoldi, cum Grammatica hac & Lexico Novi Testamenti Pasoris diligenter cognovit, addiditque, quod & superius monui, Christiani Noldii Concordantias Particularum Ebræo-Chaldaicarum, non facile dicti alicujus in Biblico sensu indagando hærebit, minimeque de intelligendo sacris in Scripturis Spiritu ambiget. Legi dictam illam Pasoris Grammaticam non sine emolumento non semel, & in ceteris, de quibus forte alibi dicam, offendi eum in cap. XI. libri II. p. 364. ubi de Syntaxi verborum agit cum Accusativo, pro regula, *Verba transitiva Accusativum similiter Latinis regunt*, exemplis illustranda adducere locum ex Actor. XXIII. 21. ἐνεδρεύοντες γὰρ αὐτὸν, *insidiantur enim illi*, & subjicere: *At* Jud. IX. 43. ἐνεδρεύσεν αὐτῷ *insidiatus est illi*. Male! Est enim in omnibus, quos ego quidem vidi, & habeo, Codicibus emendatissimis ἐν ἀγρῷ & non αὐτῷ. In Ebræo legitur וַיִּאָרֶכְ כִּשְׂרָה *Insidiasque posuit in agro*, ut vertit Vatablus. Legitur & illud ἐνεδρεύσεν in multis exemplaribus per ε loco η, in aliis vero, ut in Pasore exstat, per η scilicet. Sic pro eo, quod ille ipse Pasor lib. II. Gramm. cap. XIV. n. IV. p. 398. è 2. Macchab. XII. 10. adducit: ἐκεῖθεν δὲ ἀποσπασθέντων σαδύς ἐννέα, *inde provecti novem stadia*, habeo in meis libris, ἐκεῖθεν ὃ ἀπαράταγτες σαδύς ἐννέα. *Inde quum jam abiissent novem stadiis*. Vatablus vitiose in meo Codice: *Inde quum abscessisset novem stadiis*. Lege *abscessissent*.

§. IX. De modis, quibus congeri Bibliothecæ possunt in capite primi Polyhistoris Litterarii libri quarto agens Cl. Daniel Georg. Morhofius, inter luctuosos

luctuosos minimeque honestos parandorum librorum modos in p. 32. recenset & hunc, cum è manibus hostium vel spoliis illi comparantur, è quibus non paucae Bibliothecae creverunt. Ipsa, ait, Vaticana Heidelbergensis Bibliotheca integra, ut sana est, direptione aucta est. Quanquam aliqui, qui in notitiam secretiorum Bibliothecariorum penetrarunt, negant ejus quicquam ad Bibliothecam publicam pervenisse, sed per Cardinalium pr. vatas Bibliothecas fuisse divisam, ac ostendi quidem capsas clausas, in quibus libri reconditi dicuntur, eas tamen esse vacuas. Et in cap. VII. p. 66. *Instructissima*, inquit, sine dubio, omnis generis Manuscriptis Bibliotheca Vaticana est, praesertim postquam Heidelbergensis Bibliothecae spolia accesserunt. (Si ulla unquam accesserunt; sunt enim, quae de eo dubitant: neque ipse etiam Joseph Scaliger magnifice adeo de illa sentit.) Item cap. XVII. p. 194. *Imper* Bibliothecas Christiani Orbis principatum obtinet Vaticana, cujus Historia à Scriptoribus aliquot tradita est; sed secretiora ejus & MS. Codices nunquam patuerunt. Josephus Scaliger, tum in Epistola ad Gruterum scripta, tum in Excerptis illis, quae Fratres Puteani congesserunt, non magnopere aestimat Bibliothecam Vaticanam, illique praefert Florentinam, (&) Parisinam regiam; qua de re plenius agit Commingius in *Biblioth. Aug.* p. 37, 38, 39. Illius opes crevisse dicuntur è spoliis Bibliothecae Electoralis Palatinae: sed alii hoc in dubium vocant, qui existimant, inter Cardinales quosdam direpta fuisse arcana ejus Bibliothecae. At quis nobis hoc arcanum totumque negotium melius explicabit Leone Allatio Chio, cujus in s. xxxvi. p. m. 58. edit. Parisinae M. DC. XL. Animadversion. in Antiquitatum Etruscarum Fragmenta ab Inghiramo edita sunt verba: Rotunda literarum forma erat, non quae in sphaera modum obvolveretur, à Capitali, & Quadrata diversa, sed quae ob artis contemptum, & celebriorem scriptionem, quasi in globulos, sed non eos perfectos, curvabatur.

curvabatur, qualis est hodie in antiquissimis Virgilii Codicibus Vaticanis 3225. 3877. & alio simili, quem ipse Heidelbergæ cum Palatina Bibliotheca in Vaticanam advexi: ad cujus fidem antea Virgilii opera omnia in Bibliopolio Commeliniano anno 1603. sed non bona fide vulgata sunt.

§. X. Male Thomas Gatakerus cap. XI. Adversar. Miscellan. inter deplorationes & de tardis rerum incrementis, ruinisque subitaneis expostulationes Scriptorum, locum Varronis in Mysteriis producit p. m. 121. edit. Londin. 1659. in fol. apud Nonium in Spissum p. m. 191. b. exstantem: *Morimur spissius, quam nascimur.* Male dico, planeque ἀποροσδισμους. Legendum enim omnino, veluti quoque Codices omnes constanter habent: *Nascimur spissius, quam emorimur.*

CAPUT VII.

§. I. **N**Otabile est, quod de Margareta, Thomæ Mori filia, Joannes Costerius in scholiis ad Vicentii Lerinensis Galli pro Catholicæ fidei antiquitate & universitate (al. *veritate*) adversus profanas omnium hæreseon novationes Commonitoria prodit memoriæ; quæ quia scholia rara sunt, quippe Antuerpiæ in ædibus Joan. Steelfii an. M. D. LX. in 12. edita, adeoque in paucissimorum manibus ac Bibliothecis, totum hic adferam scitu non injucundum locum. "Inter D. Cypriani opera est libro "epistolarum, numero septima epistola, cujus initium *Quamquam bene sibi conscius animus &c.* lectu "digna, & erudita, & antiquam illam Romanæ Ecclesiæ gravitatem spirans. In ea vero (ut & illud "hic

"hic quoque in studiosorum gratiam adjiciam) sen-
 "tencia est quædam foede admodum depravata, cui
 "nulla evulgatio hætenus remedium attulit. Nam
 "postrema editio, quam Colonienſes anno XLIV.
 "nobis dederunt, in qua vir utraque lingua doctif-
 "ſimus D. Henricus Gravius multa vulnera perſana-
 "vit, locum corruptum quidem eſſe oſtendit, inter-
 "politis duobus aſterifcis, interim tamen nihil ad-
 "ferens, quod eam tabem ſanare queat. Sententia
 "vero hæc eſt: Abſit enim ab Eccleſia Romana,
 "vigorem ſuum tam prophana facilitate dimittere,
 "& niſi vos ſeveritatis, everſa fidei majeſtate diſſol-
 "vere, &c. Igitur quum Clemens Medicinæ Do-
 "ctor, natione Anglus vir ornatifſimus, ac Græca-
 "rum Literarum peritifſimus, mecum ſubinde pro
 "ſua humanitate de literis conferret, atque harum
 "occasione multa de præclarifſimi Viri Thomæ Mo-
 "ri, quo familiariter dum viveret, uſus erat, huma-
 "nitate, pietate, prudentia ac eruditione diceret,
 "meminit quoque ſubinde Margaretæ Mori filiæ:
 "cujus ingenium atque doctrinam mirifice prædica-
 "bat. Ut autem cognoſcas, inquit, vera eſſe quæ
 "dico, adferam tibi ex Cypriano locum deprava-
 "tum admodum, quem illa citra exemplaris ſubſi-
 "dium, ſola ingenii ſui felicitàte reſtituit. Erat
 "autem ea ſententia, quam ſupra poſui. Nam pro
 "eo quod ibi legimus, *niſi vos ſeveritatis, nervos ſe-*
 "*veritatis* reponendum eſſe dicebat. Error ſcribarum
 "incita (l. incitia) obrepiſit. Suſpicandum, ſcri-
 "ptum fuiſſe in antiquo Codice hoc modo, *nivos*,
 "apiculo ſupra n. literam ſcripto: verum quia & hæc
 "diſtuncula, *niſi*, hac ratione contractius pingi ſo-
 "let, ſcriba unum vocabulum in duas voces diſſe-
 "cuit: nodum connectens plane Gordianum, quem
 "magni alioqui viri diſſolvere hætenus nequiverunt.

Haecenus Costerius. Melius quidem, scio, & ornatus Helmstadii è Typographeo suo bis recensuit & cum dedicatione, Proœmio ad Lectorem prolixo & admonitione edidit duo dicti Vincentii Lerinensis Commonitoria, quorum tamen maximam posterius partem intercidit, Georgius Calixtus, addens Sancti Patris & Doctoris Aurelii Augustini Episcopi Hipponensis de Doctrina Christiana libros IV. ac de Fide & Symbolo librum unum; quorum editio prima prodiiit anno CIO IDC XXIX. altera vero anno CIO IDC LV. at ob dictas Costerii notas servo & exemplum Antuerpiense, quod ceteroquin ad Calixtinum nihil est. Quamquam nescio, an satis convenienter Lerinensis additus sit Augustino, cum rationes satis iustæ aliquibus videantur, cur Commonitorii scriptorem non solum ab Augustiniana de Prædestinatione sententia abhorruisse credant: sed etiam Commonitorium adversus Augustinum ipsum, vel eos saltem, qui Augustini sententiam sequerentur, scripserit, non vane forte existiment. Potest & hæc esse ratio, cur nomen suum præterierit, quod adversariis illud suspectum esse sciret. Nam sub *Peregrini* nomine Commonitorium suum edidisse, è Præfatione cognoscimus. Gennadius de Vincentio & Monasterio Lyrinensi sic ait: *Vincentius natione Gallus apud monasterium in Lyrinensi insula Presbyter fuit.* Lyrinus igitur insulæ (l'Isle de Lyrins) Gallicæ nomen est, duabus tantum provincialibus leucis à terra dissitæ, frumenti optimi viniq; copiam ferentis, aureaque mala & palmas. In ea Vincentius habitavit, ut ipsemet fatetur his verbis: *Urbium frequentias urbasque vitantes, remotioris villulæ & in ea secretum Monasterii incolimus habitaculum.* Hæc quidem non longe à principio Commonitorii Vincentius. Duas autem in Itinerariis & Geographiis reperimus insulas, Leronem

nem & Lerinum, quæ Insulæ hodie S. Honorati dicuntur, & Honoratum magistrum insularum vocari ab Eucherio Lugdunensi Episcopo in Præfatione libelli de Quæstionibus veteris Testamenti ad Salonium liquet. Ex Hildeberti vero Epistolis, quæ exstant, insulam beatissimi Honorati & Monasterium eversum esse à pyratibus memoria traditum est. Innocentius III. Arelateni Archiepiscopo hæc de Lerino scribit. "Veridica multorum relatione comperimus "Monasterium Lerinense, quod olim religione florabat, & temporalibus abundabat, ad eum statum "sic miserabiliter devolutum, quod nec regularia in "eo instituta servantur, nec fratres ibidem de ipsius "possint facultatibus congrue sustentari. Ne igitur "Monasterio ipsi, quod specialiter Beati Petri juris "existit, nostra videatur sollicitudo deesse, quæ circa "universas Ecclesias diligentius vigilare tenetur, fraternitati tuæ per Apostolica scripta præcipiendo "mandamus quatenus accedens ad locum, si per fratres ejusdem Ordinis religionem ibidem posse videris reformati, & reduci Monasterium ipsum in statum, id summopere studeas adimplere, indulta tibi "à nobis libera facultate excludendi de Monasterio "quoscunque videris excludendos. Non ignoro, quantopere Vincentium commendat Sixtus Senensis VI. Bibliothecæ Sanctæ Annotat. 104. p. 589. cujus verba sunt: *Sed quam misere infelices illi fallamur, luculentissime demonstravit sanctissimus, acque inter Patres, qui ante mille & ducentos fere annos floruerunt, doctissimus ac disertissimus Vincentius Lyrinensis edito libello vere aureo, quem omnes Catholice pietatis amatores assidue versare manu deberent, seu enchiridion, sive militarem pugunculam adversus profanas omnium hæresium notationes.* Item Robertus Cardinalis Bellarminus in p. 118. libri de Script. Eccles. edit. opt. Colon. anno M. DC.

LXXXIV. impressæ, ita scribens: *Vincentius Monasterii Lirinensis Presbyter æqualis Cassiani fuit, quippe qui paullo post Concilium Ephesinum se scripsisse testatur, id est, tribus annis post Concilium celebratum. Scripsit opusculum parvum mole, sed virtute maximum, de prophætiæ vocum novitatibus. Libellus exstat, & utilissime legitur. Nec non Anton. Possevinus in Adparatu; & Justus Baronius de Præscriptione p. 507. quorum verba non exscribo. Tantum addo, Papirium Massonium in Descriptione Fluminum Galliæ, p. 375. edit. Paris. M. DC. LXXVIII. in 12. nescire, an hunc virum debeat æquare omnibus veteribus Theologis. Quis enim, pergit hic Cenfor, unquam adversus hæreses, præclarius scripsit? Sed Semipelagianismi eum accusant, non ab re post Jo. Dallæum Pastorem Ecclesiæ Reformatæ Parisiensis libro & cap. II. de usu Patrum; & Andream Rivetum, IV. Critici sacri, exstantis Tomo II. ejus operum, cap. XXIV. p. m. 1146. a. b. edit. Roterodam. M. DC. LII. in fol. Gerard. Jo. Vossius in Historia Pelagiana, lib. I. cap. IX. p. 36. & Cl. Dn. M. Elias Reheboldus Torg. Misnicus in Dissertatione de Naturâ & Gratia contra Mosen Amyraldum cap. II. p. 14. edit. Gissens. M. DC. LI. in 4to. Favabant sane non pauci eo tempore in Gallia Pelagio contra Augustinum, quos inter celeberrimus Faustus Rhegiensis, auctor damnati de *Libero Arbitrio* libri. Quem prænimis laudans Apollinaris Sidonius, vel deceptum ignorantia se prodit, vel conspirasse in hæresi: nisi palpum obtrusisse malis. Quin etiam eodem nomine ex eodem cum Vincentio clauetro suspectus habetur Eusebius, falso dictus *Emissenus*, cujus Homiliæ leguntur, de quibus Antonius videndus Possevinus, Tomo I. Adparatus sub titulo *Euseb. Emissen.* Nec minus Johannes Cassianus *Collator* dictus refutatus à Prospero. Salvianum quoque cum Massilien-*

libus suis sensisse, satis adparet. Denique de Genadio res certa est, nec ipse dissimulat Bellarminus in de Scriptoribus Ecclesiasticis. Neque Catholica sunt omnia, quæ inter *Ecclesiastica* tradidit ille *dogmata* Augustino falso adscripta. At pro Augustino steterunt Prosper Aquitanicus & suppar Hilarius Arelatenfis, ut & postea ejusdem Ecclesiæ Episcopus Cæsarius, cui adscriptæ Homiliæ leguntur. Vera ejus scripta, ut *Liber Testimoniorum de Gratia & Libero Arbitrio*, vel perierunt, vel alicubi adhuc in tenebris latent. Claudianus Mammercus scripsit contra Faustum de Statu animæ; quem suis cum notis in 8vo. edidit Casp. Barthius. Fatemur quidem à Vincentio damnari Pelagium, Cœlestinum, Julianum. Sed faciebat hoc etiam Faustus, & cum eo Semipelagiani omnes. At alia ratio est aureorum de Doctrina Christiana librorum Augustini, qui Theologiæ attendentes abunde docent veram addiscendi rationem Theologiam sacram, quare eos & seorsim in forma enchiridii (in 12) cum Præfatione Isagogica in gratiam & usum Sacris Theologicis operantium ante Calixtum Wittebergæ anno M. DC. IV. edidit Salomo Gesnerus Doctor & Professor ibi Theologus in scriptis Patrum versatissimus. *Ego suadeo*, ait in fine Dissertationis de Controversiis & Disputat. Theologicis p. m. 54. edit. Traject. M. DC. LVIII. Cl. memoriæ Theologus Joh. Hoornbeek, *ut in hoc legantur Augustini libri quatuor* "de doctrina Christiana (quibus, quando Scriptorum hunc commendo, jungere soleo ejusdem Confessionum libros, Scriptorum ejus facile optimos, inque prima editione Basileensi Amorbachiana, ante alteram Erasmi, eadem parte, quarta videlicet, conjunctos) addito ejus quoque *Enchiridio*; tum ob doctrinæ utilis materiam, tum ob gustum aliquem capiendum Scriptorum antiquorum, quibus

"quantum debeamus, soli ignorant, qui ea non legerunt. Vide quæ diximus in Part. II. Animadvers. nostrar. cap. II. §. I. p. 29. f. & in Part. IV. Animadv. c. ult. §. IX.

§. II. Constare hinc forte arbitror, quid de Hugonis Grotii Consilio habendum, quo quadam in ad Jacobum Laurentii epistola, ei auctor est, pro Confessione Belgica, veterum Christianorum confessiones legere : pro Institutionibus Calvini, Vincentii Lirinensis Commonitorium : pro Catechismo Ursini, Cyrilli Catecheses : pro Actis Synodi Dordracenæ, Synodorum Universalium acta. Recordor hic, olim nostris de Majoribus Georgium Calixtum in Digressionem de Arte Nova p. m. 285. f. edit. Francofurt. ann. CIO IOC LII. tale Orthodoxis parum probabile tulisse Judicium; Res, inquit, nostrum eo tandem deductæ sunt, ut Augustæ in Comitibus Imp. vigore edicti Cæsarei, Confessionem fidei suæ exhibere eos oportnerit. Et sane ex usu erat, Ecclesias reformationem amplexas ex communi consensu, quid de religionis & fidei capitibus statuerent, per solennem ejusmodi professionem declarare & palam facere, ne privatæ opiniones & quod unus aut alter per incogitantiam vel contentionis fervorem effudissent, sive etiam quæ sub prætextu reformationis perperam à nonnullis acta essent, ipsis imputarentur. Potuissent autem se BREVIUS expediisse, si dixissent, suam de doctrina fidei confessionem esse Symbol. Apostolicum, Nicænum, Constantinopolitanum, Ephesinos articulos, Chalcedonensem &c. & quicquid unanimi consensu vetus universa Ecclesia professæ esset. Quali vero ita se coram Senatu imperii satis exculpare potuissent! Quali vero ista per universæ veteris Ecclesiæ consensum digressio non LONGIOR futura fuisset ipsa etiam Confessione! Quali vero non ad Catholice Ecclesiæ consensum sæpius provocaverint!

§. III. Non possum mirari satis confidentiam eruditi

diti Medicinæ Doctoris & Coll. Lond. Ja. Windeti,
 scribentis in initio Sect. III. libri de Vitâ functorum
 statu: *Est & alia adhuc utriusque vocis* (τ' Sheol & אֵדֶם)
notio, quam nostrorum nulli hæctenus, quod sciam, adver-
terunt: quæ tamen Philosophici commatis Hebræis &
Græcis scriptoribus præcipua sit, & quasi fundus reli-
quarum. Istiusmodi quippe Hebræis Sheol Naturam sub-
cœlestem, Generationis & corruptionis continentibus Eu-
ripis agitatam, atque adeo Materiam primam significat.
Et aliquot interjectis pergit: Sed & antesignanus noster
Hippocrates primo de Diætâ: Ἀπόλλυται μὲν εἰς
πάντων χρεμάτων, εἰδὲ γίνεται ὁ, πρὶν καὶ περὶ
αὐτῶν, συμμισγόμενα ὅ καὶ ἀσχετίζονται ἀλλοιῶνται νο-
μίζονται ὅ ὅρα τῶν ἀνθρώπων, τὸ μὲν ἐξ αἵματος εἰς φῶς
αὐξήσας, γινέσθαι, τὸ δὲ ἐκ τῆς φάσις εἰς αἶμα μειοῦν
ἀπολείσθαι. Ex rebus quidem universis perit nihil, neque
nascitur quod non prius erat: commistæ verò ac separatæ
alterantur. Vulgò autem existimatur illud quidem, quod
ex orco in lucem crevit, nasci; id vero, quod è luce in or-
cum immixtum fuerit, perire. Istæ phrasæ εἰς φῶς αὐξήσας
atque εἰς αἶμα μειοῦν modum continent unde con-
tingat rem natam in lucem emergere ac conspici, at-
que vicissim quo pacto eadem res denata vanescat è
conspectu. Nascitur enim ac conspicitur crescendo mo-
lemque augendo; denascitur decrecendo, ac mole sic tandem
minuta ac dissipata, ut ne compareat quidem. Πληρωδὲν
μὲν ἐφάνη ἀπὸ τῆς πύλης τῆς παχύτης ἀντιπύαν, ἀόρατον
δὲ ὅταν ἐκκενωδὲν ἀπὸ λεπτότης, inquit Apollonius in
Epistola ad Valerium, quæ extat inter Græcas Cujacii
versionem Latinam mentientes. αἵματος enim veteribus
est ἀφανισμός Gobryas in Axiacho pro ἀφανισθῆναι εἰς
αἵμα,

ἄδῃ, εἰς ἀδῆλον χωρεῖν τόπον dixit, hinc ἀΐδης κυνῇ
 proverbialiter submovet ex oculis atque invisibile
 quid præstat. Hæc Windetus. Adeone imparatus
 fuit hic homo, aut nos imparatos habuit omnes à
 lectione libri nemini non noti, domi, id est, in ipso
 Angliæ sinu, Regisque Angliæ præfidiis & auspiciis
 scripti, Regique Magnæ Britanniae dedicati & Lon-
 dini MDCXIV. editi cujus auctor homo quidem
 Gallus, sed Reformatae religionis fuit, cujusque epi-
 taphium Londini in templo Westmunsteriensis quo-
 tidie ob oculos versabatur, Isaacus nimirum Casau-
 bonus, apud quem Exercitat. I. ad Adparatum An-
 naliū Baronii p. m. 84. similia & fere eadem lego
Hippocrates, ait, in libro de *Dietā*, postquam probavit,
 συνίσταται τὰ ζῶα ἐκ δυοῖν τῶ πυρὸς καὶ τῶ ὕδατος,
 conflari animalia è duobus, igne & aqua, addit ὑπόλλυαι
 μὲν ἐν ὕδρῳ ἀπάντων χρημάτων, ἐδὲ γίνεται, ὅτι μὴ
 φεύδεν ἢ ζυμμοσγόμενα ἢ καὶ ἀγλυόμενα ἀλλοιοῦται.
 Νομίζεται ἢ φεύγει τὸ ἀνθρώπων, τὸ μὴ ἐξ ἄδῃ ἐς φῶς
 αὐξήδεν, γινέσθαι. τὸ ἢ ἐκ τῶ φάσθαι εἰς ἄδῃ μειωδὲν
 ὑπολέσθαι. Igitur ex omnibus rebus perit nihil, ne-
 que nascitur, nisi quod prius fuit: sed inter se res
 mixtæ aut separatæ aliæ fiunt. *vel*, alterationem pa-
 tiuntur. Existimatur verò ab hominibus, illud qui-
 dem, quod ex Ade in lucem excrevit, (*crescendo per-*
venit) nasci: id verò quod è luce in Adem imminu-
 tum fuerit, (*pervenit*) perire. *Sentit Hippocrates*,
 esse quandam materiam primam, indigestam & ἀβέβητον,
 neque in oculorum sensum cadentem, ex qua fiant omnia,
 & in quam resolvantur omnia, illam materiam vocat
 ἄδῃ, quasi dicas, rem invisibilem; id enim est ἄδῃ;
 sicut res creatas & ex ea materia productas, vocat φάσθαι.

Quem

Quem dicit Hippocrates *Adem*, alii Philosophi nominabant *ἑσίαν*; (*Aristoteles*, primam substantiam:) & naturam, quod illi dicitur *φῶς*, lumen vel lux. Apollonius Tyaneus in epistola ad Valerium: *Θάνατος ἑδεις ἑδενός ἢ μόνον ἐμφάσει· κατὰ περ ἑδὲ γένεσις ἑδενός, ἢ μόνον ἐμφάσει· τὸ μὲν γὰρ ἐξ ἑσίας τραπεὶν ἐς φύσιν, ἑδοξε γένεσις. τὸ δὲ ἐκ φύσεως εἰς ἑσίαν, καὶ ταυτὰ θάνατος· ὅτε γινώσκῃ κατ' ἀλήθειαν πνός, ὅτε φθινοῦν ποτε. μόνον δὲ ἐμφανὲς ὄντος, ἀσφάτως τε ὕστερον. τὴν μὲν ἀφ' ἀρχῆς τῆς ὕλης· τὴν δὲ ἀφ' ἀπλοῦς τῆς ἑσίας, ὅσης μὲν αἰεὶ τῇ αὐτῇ, κινῆσει δὲ ἀσφαιρέσεως καὶ στασι.* Clarum est *ἑσίαν* appellare Apollonium, quem dicit *Cous* senex ἄδω. & φύσιν, quod illi est *φῶς*. Seneca aliter, epistolâ xxxvi. Cogita nihil eorum quæ ab oculis abeunt, & in rerum naturam ex qua prodierunt ac mox processura sunt, reconduntur, consumi. Desinunt ista, non pereunt. Hic per rerum naturam intelligitur Hippocratis ἄδω, Apollonii ἑσία. Servius vocat generalitatem in tertiam *Aneida*, v. 67. Romani, ait, contra faciebant, comburentes cadavera, ut statim anima in generalitatem, id est, in suam rediret materiam. (al. leg. naturam) Poëtæ interdum *Chaos*. Claudianus vero de raptu *Proserpinæ*, cum ita Orcum alloquitur, lib. I. v. 59.

Qui vitam letumque regis: nam quicquid ubique
Gignit materies, hoc te donante creatur;

planissime ex Hippocratis mente loquitur. Haftenus Casaubonus. Si spreuit ea, vel ignoravit, quæ domi & ante pedes erant, potuisset didicisse ex Etymologico Matthiæ Martinii, in cuius col. 1266. edit. Brem. Voc.

Voc. *Inferus*, adducta Casauboni ad verbum repetuntur. Confer & eundem ibidem Martinium, col. 1011. f. Voc. *Generalitas*. Item B. Jo. Contr. Dieteric. Antiquit. Biblic. p. m. 157. a. b. Observo hic è Pauli Colomesii Opuscul. cap. XXVIII. p. 62. vocem ἄδης quandoque pro cælo apud veteres usurpari. Auctor innominatus apud Suidam: πάντα ἀνάσκει, τοῖς μὲν ἀγαθοῖς ἐν ἄδῃ εὖ σκεδαι ἀμεινον, τοῖς δὲ κακοῖς χύκιον. Sic Josephus, & post eum Theodoretus, ἄδην omnibus hominibus tribuunt, impiis quidem σκολικώτερον, piis verò φωτεινόν. Adhæc adserit Hugo Broughtonius in S. Scripturæ concentu ab Isaaco Genio Latinè versò, in multis vetustissimis Codicibus MSS. Orationem Dominicam in hunc modum inveniri. πατέρες ἡμῶν ὁ ἐν ἄδῃ. Veteres quoque Macedones Orationem hanc nunquam aliter precatos fuisse.

§. IV. Illustris cujusdam viri instructissimam ad Bibliothecam non ita pridem admisso obserebant sese mihi inter cetera, viri, dum viviret, magnæ dignationis, Jacobi Catfii Equitis aurati, & Illustr. Ordd. Holland. Syndicorum Primicerii, magni Sigilli Custodis, rerumque Feudalium Præfecti Vicarii & à Præpotentibus Federati Belgii Ordd. ad Sereniss. Anglorum tunc Rempubl. Legati principis Opera Amstel. MDCLV. in fol. edita; quæ dum evolvebam, titulo eorum reperiëbam verba Horatii ex Arte Poëtica v. 26. adscripta:

— *SeEtiamem leviam, nervi*
Deficiunt, animique —

Sciscitabar ex adstante, quidnam sibi vellent hæc verba? qui respondebat, esse hoc de auctore isto summi

mi viri, Belgicæque Poëſos facile principis C. H. D. d. Z. iudicium, quod num è veritatis ſit republica, iudicent illi, quorum hæc in manu ſunt. At quomodo Poëtæ Anglici Johannis Donnei vitulò in inventione araverit quandoque dictus Catſius, oſtendit in Commentatione doctiſſima de Diſciplina Argutiarum eruditiſſimus b. r. Morhofius Sect. II. c. III. p. 83. ſ. edit. M. DC. XCIII. ubi & ſimile quid de Caſparo Barlæo memoriæ prodit.

§. V. Scio Præparationis primo Evangelicæ libro Eusebium tradidiſſe Μέλκαρθον à Phœnicibus cognominatum fuiſſe Herculem: Μέλκαρθος, inquit, ὁ καὶ Ηρακλῆς, id eſt: *Melcarthus qui eſt Hercules*. Deſumpſit hæc, ut alia plurima, è Sanchuniathone illo Berytio, vito Trojano bello antiquiore, qui Hiſtoriam Phœnicum Phœnicia perſcripſit lingua, partim ex urbium ſingularum actis, partim ex templorum monumentis, multum in ea adjutus opera Hierombali, qui ſacerdos fuit dei Ιεϋώ. Ιεϋώ autem idem ac Ιάω quæ voces, auctore Voſſio primo de Origine & progreſſu Idololatriæ cap. XXII. p. m. 85. a. edit. Amſterdam. M. DC. LXVIII. in fol. factæ ſunt ex nomine DEI tetragrammato. Hoc Sanchuniathonis opus Philo Biblius lingua è Phœnicia tranſtulit Græcè, indeque ea, quæ de Phœnicum ille Theologia retulerat, in primum ſuum de Præparatione Evangelica tranſtulit Eusebius. Vox Μέλκαρθος vel Μελίκαρθος (variant enim Codices) è duabus conflata eſt. Prior pars eſt, מלך rex, unde & Hercules, *Malica* ab Amathuſiis. Heſychius: Μάλικα ἢ Ηρακλέα, Αμαθῆσιοι. *Malica, Herculem, Amathuſii*. Altera in Melicartho pars eſt נתרק cartha, i. e. civitas. Ut ſic

sic dixerint Melicarthum quasi θεὸν πολιῶχον ἀλεξί-
 κων, sive Deum tutelarem civitatis. Quæ non cre-
 didissem potuisse latere virum consummatissimæ eru-
 ditionis Joannem Seldenum, nisi ipse primo de Diis
 Syris Syntagmate cap. VI. p. m. 109. s. edit. optimæ
 Amstelod. M. DC. LXXX. in 8vo. scripisset: *Qui*
καὶ ὡς ἑλλήνων, ut ait Strabo (in XVI.) Tyrii cultus
Hercules, dicebatur Μέλαρχος, sive Μέλαρθος, qui
depravate Μελέγδαρος dicitur Eusebio in Oratione de
laudibus Constantini. Et paulo infra: *quid αἶψα aut*
αἶψα in ea dictione, non satis intelligo. At qui potuit
 tam manifestam vocis compositionem secundum Sy-
 riensem dialectum tantus in linguis & literis vir
 ignorare? Poterat hoc vel de Gentili suo Nicolao
 Fullero (quem Hugo Grotius *virum exquisitæ diligen-
 tiæ* vocat) discere, cujus è cap. XVIII. tertii Miscel-
 lan. Sacror. libri p. m. 372. s. edit. Argentoratens.
 M. DC. L. in 8vo. ista sunt: "Appellatio hæc con-
 "flata est ex duabus dictionibus מלך & קרתא:
 "quibus significatur, *Rex ipsius urbis.* Sidonis vide-
 "licet aut Tyri. Vocabulo Melech persimile proxi-
 "mumque est Baal: vel Beel, h. e. *Dominus*: Sed
 "magnificentius fortassis est Melech. Veruntamen si
 "vocis origo (ut par est) spectetur, *Consul* proprie ex-
 "ponetur מלך. Etenim radix seu thema, unde for-
 "matur, *consulere* significat, seu consilium dare. Ne-
 "que Regii nominis majestas à Sydoniis Tyriisque
 "tantum Herculi suo est attributa, sed ab aliis passim
 "nationibus. Nam (ut de ceteris taceam) Ammo-
 "nitarum Molech & Milchom, idem reip̄a sunt no-
 "men. Tanta tamque immensa est diaboli super-
 "bia, ut non solum minuere & lædere, sed solvere
 "quoque & abolere, ac ad se demum transferre,
 "si

“ si posset nitatur, supremam majestatem ejus, cui
 “ soli est regnum, & potentia, & gloria in sæcula,
 “ Amen.

“ Porro quod narrant Poëtæ, Melicertam, post-
 “ quam in mare se præcipitavit, & in deorum nume-
 “ rum relatus est, Palæmona à Græcis nuncupatum :
 “ (Solent enim mortuis consecratis nomina immutari, in-
 “ quit Lactantius 1. Inst.) meræ nugæ, mera insci-
 “ tia est. Quasi vero Melicerta pristinum ejus no-
 “ men Græcum esset. Certe peregrinum est omnino,
 “ & extraneum, מלך קרתם, à Phœnicibus, non
 “ à Græcis ortum. Idcirco ut nomen, ita & eum cui
 “ impositum erat illud nomen, miseri mortales igno-
 “ rarunt. Nam longe alium ab Hercule putantes se
 “ colere, ipsissimum Herculem venerabantur, cæca no-
 “ minis tantummodo ignoratione decepti. Melicer-
 “ ta quippe Phœnicibus, Palæmon dicitur Græcis :
 “ Παλαίμων δὲ Ἡρακλῆς. *Palemon vero est Hercules,*
 “ ut verissime testatur Hesychius. A Sidoniis Tyriisve
 “ Melicertæ nomine invocatus est, quod magnus esset
 “ quasi Patronus civitatis ipsorum, & tutelarior Deus,
 “ ὁ πολὺχρῶς Θεός. Haftenus Fullerus. Varro VIII.
 de LL. p. m. 120. edit. opt. Dordrechtanæ 1619. in
 8vo. *Reprehendum* (l. *Reprehendunt*) *Aristarchum*, quod
 hæc nomina Melicertes & Philomedes similia neget esse,
 quod vocandi casus habet alter Melicerta, alter Philome-
 de. Postquam nude, sine verbis Matth. Martinus
 Etymolog. col. 1884. Varronem adduxerat, subjicit :
Cum è brevi Melicerta. Ibi Scaliger. Atqui Μελικέρτα
potius facit. At Scaliger in notis eum in locum nihil
 adnotavit nisi quod in Indice, si is Scaligeri est, ha-
 betur : *Melicertes Melicerte cum è brevi vocandi casu*
 p. 120. 97. (l. 9. dele 7.) Porro Eusebium his in
 Præparationis Evangelicæ libris magnam Philonis
 Judæi,

Judæi, de Providentia libri transcripſiſſe partem neminem Auctores ambos qui legit, fugere poteſt. Vide vel librum VIII. Addam hic ex occasione laudati Scaligeri verba è lib. J. Epist. LXVI. p. m. 209. edit. Lugd. Batav. CIO IOC XXVII. in 8vo. *De Salam-bone nihil dico. Hoc tantum dicam verum nomen Veneris Babylonis* (ita enim rectius in Opuscul. p. m. 345. edit. Francof. M. DC. LXIV. in 8vo est, quam ipsis in citatis Epistolis, in quibus *Babylonis* legitur; licet Epistolæ emendatiores sint Opusculis, quæ non paucas continent Scaligeri Epistolas. Sed utraque de editione alibi dico) fuisse Μύλητα, ut incomparabilis scriptor Herodotus prodidit, hoc est, ὅρι τετρα.

§. VI. Quando annus Pontificiorum Jubilæus incipiat, quibusve ceremoniis ac ritibus peragatur, multis descripsit Andreas Schottus capite partis secundæ Itinerarii Italici duodecimo. In p. 103. sine dubio occurrit vitium aliquod Typographicum, nisi ipsius memoriæ lapsus auctoris esse velis; cum instauratio jubilæi anno CIO CCC facta Bonifacio IX. adscribitur. Nam Bonifacium IX. demum vixisse circa annum MCCCXC. palam est; sub quo & tertius jubilæus anno CIO CCCC. celebratus fuit. Quartus incidit in annum quinquagesimum seculi xv. sub Nicolao V. Eopse seculo iterum Jubilæi terminus immutatus est, & ad vicesimum annum restrictus à Paulo II. natione Veneto, vel potius Sixto IV. Quod ingratis tamen dicimus Joannis Lorini Jesuitæ Avenionensis in p. 863. a. Commentarii in Leviticum Lugduni M. DC. XIX. in fol. editi scribentis: *Falso autem Sleidanus hæreticus lib. XXI. (p. 672.) prodidit à Sixto IV. primum capisse celebrari jubilæum anno xxv. quod tamen etiam Onuphrius continuans Platine historiam scribit.* At Onuphrius Panvinus Antonio Possevino

vir

vir ingentis lectionis est, & Paulo Manutio *Historiarum Hellico*. Est & à Sleidano (præter P. Stephan. Pighium cujus verba integrum cap. XII. sicuti & XIII. sequens faciunt in Andr. Schotti Vefaliæ edito in 12. admodum vitioso Itinerario Italiæ longe à superius adducto diverso, ubi in p. 481. habetur *Sixtus IV. denique temporis interstitium contraxit ad annos XXV.*) Polydorus Vergilius Urbinas capite libri octavi statim primo p. m. 456. edit. opt. Argentorat. M. DC. VI. *Postremo, inquit, Sixtus IV. jubilæum ad vigesimum quemque annum reduxit, primusque celebravit: qui fuit annus MCCCC. LXXV. salutis.* Facit cum eo quoque Jacob. Augustus Thuanus p. 280. libr. *Histor.* Imo si vel maxime antecessor Sixti, Paullus nempe II. Jubilæam periodum ad spatium xxv. annorum redegit, quod præter Lorinum Hieronymus quoque Capugnanus vult in *Narrat. de Jub.* apud Schottum: & sine dubio certum est, repentina tamen è gula, ut ferunt, attracta morte præpeditus istud Jubilæum non celebravit, ut ita Sixtus IV. omnino primus fuerit, qui anno XXV. istud egerit Jubilæum, ac antecessoris Paulli, decretum factò confirmavit. Sane decretum erat ut anno Domini cio cccc. LXXIV. à vigilia Nativitatis Domini hic Jubilæus inciperet. Decretum istud Paulli II. repetit & adprobat ejus successor Sixtus IV. in bulla confirmationis publicata cio cccc LXXIII. 4. Kalend. Septemb. c. *quemadmodum Extr. de & pæn. & remis.* Quintus proinde Jubilæus in LXXV. dicti seculi, quintum vero pontificatus Sixti annum incidit. Sub eodem Sixto anno cio cccc LXXIX. facta est Compluti per Alonsum Catillum, Archiepiscopum Toletanum, congregatio multorum Doctorum Theologiæ & utriusque juris super libello Confessionis edito per Petrum Oxoniensem in Universitate Salmantina Theologiæ Professorum.

fessorem. Conclusiones IX. ex illo libro depromptas, quarum quinta est, *quod non sunt absolvendi penitentes, nisi peracta prius penitentia eis injuncta*, tanquam hæreticas, erroneas ac scandalosas congregatio damnavit librumque illum comburendum judicavit: Petrus vero libri auctor solemniter errores revocare coactus fuit. Eodem anno Joh. Wesselus Groningensis, Concionator Wormatiensis, Magister Contradictionis dictus, ab inquisitoribus hæreticæ pravitatis Moguntiae damnatur, quod de indulgentiis & aliis articulis quædam à recepta sententia aliena doceret. Circa finem XV. seculi Hieronymus Savonarola, Ferrariensis, insignis & doctrina & sanctimonia Vir (ut eum laudat Angel. Polit. lib. IV. ep. II.) celestisque doctrinæ prædicator egregius, easdem Papales Indulgentias acriter reprehendit, sed jussu Alexandri VI. Papæ Florentiæ crematus est anno cio cccc xcix. Is vero, quem memoratus Schottus in animo habuit, absque dubio Bonifacius fuit VIII. ille à vulpino ingressu, leonino regno, & canina morte sat nobilis Papa, hic primus constituit Jubilæum centesimo quoque anno celebrandum, in quo omnibus tam in isto, quam in quolibet anno centesimo secuturo: ad Basilicas SS. Petri & Pauli accedentibus reverenter, vere penitentibus & confessis, vel qui vere penitebunt & confitebuntur, non solum plenam & largiorem, imo plenissimam omnium suorum concedit veniam peccatorum, hac addita conditione, ut qui voluerint hujusmodi indulgentiæ ab ipso concessæ fieri participes, si fuerint Romani, ad minus XXX. diebus continuis seu interpolatis & saltem semel in die, si vero peregrini fuerint aut forenses, simili modo diebus XV. ad Basilicas easdem accedant; quibus verbis ipse animi sui mentem nobis exposuit. c. antiquorum. Extr. de pæn. & remis. Causam autem live potius prætextum hujus constitutionis hunc indicat: Ut

Beatissimi

Beatissimi Petrus & Paulus Apostoli eo amplius honorentur, quo ipsorum Basilicæ de urbe devotius fuerint à fidelibus frequentatæ, fideles & ipsi spiritualium largitione munerum ex hujusmodi frequentatione magis senserint se referatos. Rectius, opinor, dixisset & apertius : Ut patrimonium Petri eo amplius locupletaretur, quo Ego aurum undique conquistum plus quam dici potest stitens, qualem Platina meus me depingit, mundanorum largitione munerum ex hujusmodi frequentatione magis senserim me refertum.

S. VII. Febbris quartanæ depellendæ rationem miram, & paucis fortassè inauditam, quam, cum in Italia esset, à quodam Umbro acceperit, parte Commentarii in Horatium altera refert Dionysius Lambinus Monstrolienfis, p. m. 151. edit. Lutet. c10 10 LXXIX. in fol. ubi è libr. II. Satyr. II. v. 390. hæc verba Poëtæ exponit : *Frigida si puerum quartana reliquerit; quæ tamen nonnullis superstitionem sapere videtur. Sumatur, inquit, totum id lotium, quod æger febre vigente, seu παροξυσμῶς tempore semel effuderit. Hoc lotio in locum aquæ, tantum farinæ, quantum satis sit ad exiguum panem conficiendum, temperetur, subigatur, ac pinsatur; panisque inde fiat & coquatur : coctus & refrigeratus cani masculo, esurienti, si æger sit mas : fæminæ, si fæmina sit, præbeatur : idque ter fiat. Hoc factò æger convalescet, canis febri quartana corripietur. Si tam facili & expedito modo incolumitas posset restitui, in promptu tunc semper esset auxilium atque paratum. Non minus miram Quintus Serenus Samonicus curationem, & ut ipse ait, mirandum fert, imo superstitionosam de libro quarto Iliados Homericæ capiti supponendo. En ejus verba è cap. XLVIII. quod de Quartanæ typo medicando est; v. 5. 1.*

*Allia non pudeat terno cum cimice trita
Et diluta mero mediis haurire diebus,*

*Aut facilem jecoris murini ducere fibram,
 Quatuor ut duri jungantur scrupula Bacchi.
 Mira est absinthii cum simplice potio lymphæ.
 Sume tribus digitis apprensū semen anethi,
 Tantundem marathri, mulsū nec desit aceti,
 In cujus cyatho prædicta salubriter hauris.
 Mæoniæ Iliados quartum suppose timenti,
 Aut leporis trepidi diluæ coagula trade.
 Prodest & potus, sed mulsus, Doridis humor.
 Quidem etiam miranda ferunt veniente calore,
 Jurantes ludum Veneris munusque petendum.
 Sed prius est oleo parius fervere ranæ
 In triviis, illoque artus perducere succo.*

Cur non etiam tertius liber Tertianam? Nimirum opinabantur Homericis majorem vim & virtutem inesse, quam ceterorum Poëtarum: Unde & Homericam incantationem Galenus adprobavit in libro de occultis rerum proprietatibus, ut auctor est Alexander Trallianus, libro IX. cap. IV. Exstat in Odyss. 7. carmen efficacissimum, quo repressum Ulyssi sanguinem ab Autolyçi filiis, Poëta canit hisce versibus;

v. 465.

Τὸν μὲν ἄρ' Αὐτολύκῃς παῖδες φίλοι ἀμφοτέρωντο.
 Ωττιελὼ δ' Ὀδυσῆϊ ἀμύμονι ἀντιθέοιο.
 Δῆσσαν ὅππασαυδρῶς ἐπαοιδῇ δ' αἶμα κελευνὸν
 Εἴχεδον.

Sic potiores ebrios fieri negabant, si primis poculis hoc ejusdem metrum ex Il. θ. v. 170. pronuntiaſſent:

Τεῖς δ' ἄρ' ἀπ' Ἰδαίων ὀρέων κλύπε μῆπτεῖα Ζεὺς.

Sic illud ex Iliad. ε. v. 387. arbori appensum, fructum continere tradunt, nec injuria ulla cœlesti decidere:

Χαλκίῳ δ' ἐν κεράμῳ δέδετο τεισκάιδεκα μῆνας.

Ad

Ad dolores arthriticos hoc sequens ejusdem commen-
datur, quod extat Iliad. β. v. 95.

Τετρήχει δ' ἀγορὴν, ὑπὸ δ' ἐσοναχίζετο γαῖα.

Alex. Trallianus contra podagram, auream laminam præscribit, in qua, Luna in Libra vel Leone consistente, inscriptus sit idem versus Homericus. An amuleti militaribus aliqua contra vulnera vis insit æ erudite, quod solet, disputat post Philippum Camerarium, Cent. III. Oper. Horar. succisiv. cap. XXX. p. 102. f. edit. Francofurt. M. DC. LVIII. in 4to. optimus Matthias Berneggerus, p. m. Q. XXXIX. in Tacitum. Quod de ludo Veneris scribebat Serenus, ejus exemplum refert Grainerius apud Forestum, III. Observation. XXIX. p. 100. nimirum quod socius suus rigorem quartanæ averterit juvenculæ cujusdam nudæ XVIII. annorum complexu. Verum tali quæ se submittit igni, videat ille Terentianus febricitans, ne plus satis caleseat. Eun. I. II. 5. Vidit D. Tackius, Judæum, inscriptis chartæ quatuor fluminibus Paradisi, eaque collo febricitantis adpensa, febres profligare. Vide Disp. ejus II. de Fontibus p. 26. D. Joh. Cunr. Diætericum in Iatreo Hippocratico, p. m. 726. edit. Ulmenf. M. DC. LXI. in 4to, adducentem Brodæum, VI. Miscell. cap. XX. p. 561. quo destituor. Animi immoderati gaudium insignemque etiam hunc pellere fortunam morbum testatur Plinius, VII. Natur. Histor. cap. L. Q. *Fabius Maximus Consul apud flumen Isaram prælio commisso adversus Allobrogum Avernorumque gentes, ad VI. Idus Augustas CXXX. M. perduellium cæsis, febri quartana liberatus est in acie.* Per meri potionem ipsam illam depulsam quartanam III. Argenidis p. 330. Barclajus retulit, scriptor quidem recens, sed cum quovis veterum comparandus. Otii prodigium hominem oportet fuisse Favorinum,

Philosophum, quum *febrim hanc quartis diebus recurrentem, vel morbum quartanæ*, ut castigatissimi sermōnis auctor Suetonius in primo capite Julii vocat, laudavit apud Gellium, lib. XVII. cap. XII. In cujus morbi laudibus testem etiam Platonem produxit: quem scripsisse aiebat, *qui quartanam passus convaluerit, viresque integras recuperaverit, fidelibus, constantisque postea valiturum*. At non occurrit hodie, quod sciam, subdit interpret, in scriptis Platonis, quæ exstant, hujusmodi locus, ubi dicat, eos qui ex febre quartanæ convaluerint, postea saniores validioresque existere. Qui vitam Platonis conscribere, dicunt quidem Platonem ob Academiae habitationem passum esse quartanam febrem menses decem atque octo: sed sobrietate & diligentia sua vires post febrem validiores, quam antea recuperasse. Et hinc forte est; quod Cicero ultimo ad Familiari. Ep. XI. ad Tironem scribat: *Quum in quartanam conversa vis est morbi, spero te, diligentia adhibita, etiam firmiorem fore*. Mirum est, quod tradit Henr. Stephani in p. m. 392. Palæstræ I. de Lipsii Latinitate: *Audivi aliquoties Scotos inter se contendentes, falsumne an verum esset; quod de isto suæ patriæ privilegio diceretur: Scotiam nempe febre quartanæ minime esse obnoxiam, nisi forte alia in regione Scotum quempiam corripit, qui adhuc ea laborans suam in patriam revertatur. Ac verisimile est hujus morbi in Scotia, ac in nonnullis præsertim ejus locis, raritatem, spargendæ huic famæ materiam præbuisse*.

s. VIII. Miror Gellium in capite VI. libri XI. Noctium Atticar. scribentem. *In veteribus scriptis neque mulieres Romanæ per Herculem dejurant, neque viri per Castorem. Sed cur illæ non juraverint Herculem, non obscurum est. Nam Herculaneo sacrificio abstinent. Cur autem viri Castorem jurantes non adpellaverint, non facile dictu est. Nusquam igitur scriptum invenire est*
apud

apud idoneos quidem scripto es, aut mehercle feminam dicere, aut mecastor virum. Ædepol autem, quod iurandum per Pollucem est, & viro & femine commune est. Sed M. Varro adseverat, antiquissimos viros neque per Castorem, neque per Pollucem dejurare solitos; sed id iurandum fuisse tantum feminarum ex initiis Eleusiniis acceptum: paulatim tamen, inscitia antiquitatis, viros dicere ædepol cœpisse, factumque esse ita dicendi morem: sed mecastor à viro dici, in nullo vetere scripto inveniri; potuisse Clarissim. horum virorum adsensum impetrare, ut Barnabæ Brissonii I. & VIII. Formul. Jac. Eberti in Histor. Jurament. p. 74. & Jo. Limnæi dissert. I. de Academiis Coroll. VI. quin etiam Doctiss. Pincierum hoc Gellii loco seductum, eruditissimum Nicodemum Frischlinum, Pinciero in eruditione nullo modo inferiorem, misere flagellare in p. 299. Otii Marpurgens. quod ignarus atque imprudens sine ullo discrimine utrique juramenta hæc sexui attribuat contra veterum & idoneorum auctorum scripta. At Plautus neque novus, neque inidoneus scriptor, sed decima Musa, atque ipsi Gellio, lib. VII. cap. XVII. homo Lingue atque elegantie in verbis Latine princeps, producit in Trucul. II. I. 1. ancillam suam Astaphium ita cachinnantem: *Ha, ha, ha! hercle quievi, quia introivit odium* — Ubi frustra Palmerius lectionem hanc sollicitat, ut Gellii & Varronis observationem tueatur. Et in Afinar. V. I. 46. Parasitum — mecastor dignus est. — Appulejum omitto, qui crebro Hercules vel mehercules usurpat, cum mulieres loquentes introducit. Marc. Zuerius Boxhornius, quare Herculis sacrum femina non fuerit ingressa, Quæst. XXIII. Romana p. m. 95. edit. Lugd. Bat. CIO IOC XXXVII. in 4to. aliquot causas coacervat: autem ejus adeo, cur feminis, qui tamen titulus quæstionis est, per Herculem jurare non licuerit? Nec

ipsum audio in solutione Quæst. XXXII. p. m. 110. verioreni causam adfert Scaliger ad Manilium, p. m. 324. Sed demus alienis erratis veniam, ut nostris impetremus, aversemurque Ethnicæ idololatriæ propria vocabula, ut nec Deum nomine Jovis aut Bacchi, nec virtutem qua præest studiis Musas, nec providentiam ejus in benedicendo partu Lucinam, nec eam quæ circa vitam & mortem se exerit, Parcas vocemus: qua tamen in re nonnulli stultum ornatum Poëticum quærunt. Nobis vero nihil esto ornatum, quod vel minimam sapit Paganismi adprobationem, & Christianæ religionis puritatem ac simplicitatem turbat. Absit itaque, ut ex ore Christiano sonet *mehercule, mecastor* & cetera portenta non numina. Poësis Davidica non assumfit ab Ethnicorum fabulosisatibus ornamenta in Plastico carmine. In quo licet pro more Hebrææ linguæ non sit metrum, quale est Latinis & Græcis, quibus longarum & brevium syllabarum ad modulationem requisita magna est, iisdem etiam in vocibus, copia & varietas; est tamen in pathético & graphico dicendi genere ea sublimitas, quæ omnem vim Ethnicorum longo post se intervallo relinquat, ut impie insani- visse sit dicendus, qui Pindaricas Psalmis odas antetulerit aut etiam æquaverit: quamquam Doricæ linguæ Poetica, inprimis apud Pindarum, indoles ad Hebrææ linguæ stylum ceteris dialectis Græcorum propius accedere animadvertatur: unde & Doricus in Musicis modus est *μεσσην*, i. e. admodum gravis, quem etiam *Aristoteles Pol. VIII. cap. VII.* ob eam causam adolescentes vult doceri. Adde hic Christoph. Schraderi tractatum de Stylo Ethnicismo fugiendo circa jurandi adverbia Lipsiæ MDCCCXXXVIII. in 4to editum. Item Vossium de Imitatione Poëtica s. 8. n. 1. p. 771. edit. Roterodam. nostræ; auctoresque ceteros à nobis ibi laudatos.

s. IX. De-

§. IX. Delatus hac ex occasione in argumentum de Musica, reminiscor apud Platonem olim me legisse, quod non paucis mirum visum, mutatos Musicæ modulós status publici mutationem adferre. Quamquam enim me minime præterit, quibusdam à delicatioribus judicii hominibus Platonem non satis aptum, ut Josephus ait, politicæ disciplinæ magistrum esse habitum: hic tamen forte non præter rem ille ipse ita consulit in medium. Enimvero multarum in Græcia civitatum interfuit antiquum conservare vocum modum, quarum mores lapsi ad perniciem pariter sunt cum cantibus immutati. Nam ea Musicæ vis est, ut cum remittat animos, tum contrahat: languentes incitet, effeminet excitatos. Quæ de Terpandro & de Timotheo scripta sunt omnium jam in ore versantur. Vide Athenæum in XIV. & Tullium, II. de Legibus cap. XV. extr. Huic eam vim inesse, ut vel Tyrannorum molliat sævitiam, testis est Pheræorum Tyrannus Alexander qui aurium voluptate delinitus, cum Tragœdum spectaret, supra modum in misericordiam versus fuisse dicitur. His adjicit Plato, talibus omnem in vitam adolescentibus moribus evadere, quales sunt modulationes, quas à teneris annis didicerunt. Unde enim apud Græcos tam varia canendi genera, nisi ex morum varietate? Melos Æolium simplex fuit, Ionium molle, Phrygium religiosum, Lydium querulum, Asium varium, Dorium bellicosum, tale denique, quales cujusque populi mores ac studia fuerunt. Graviter itaque vetus illa Græcia Musicæ mutationem vindicabat. Pherecrates Comicus acerbè de Timotheo conquerentem Musicam introduxit, quod unam & alteram chordam fidibus suis ad suaviorem modulationem addidisset. Ephori Terpandro gravem irrogant multam, quod variandæ vocis gratia unam perperam

perperam intendisset chordam. Usque adeo verebantur hanc labem Græci, & in Musicæ modulis maxima rerum publicarum momenta verti putabant. E re erit forte hic evolvere Erasim. Apophth. lib. I. Cent. II. n. 75. p. 59. f. edit. Basil. Froben. M. D. LVIII. & lib. II. Cent. II. n. XIII. XIV. XV. p. 139. f. Ger. Jo. Vossium, de quatuor Artibus Popularibus cap. IV. quod est de Musicæ, §. 46. 47. p. m. 57. f. edit. Amstel. M. DC. LX. 4to. *Hec de argumento, mutata Musica, ut censuit Plato, etiam Respublicas mutari, à veterum aut recentiorum nemine satis, quod sciam, explicato, nonnulla olim privatim mihi sum commentatus, scribit Marcus Zuerius Boxhornius in Epist. p. m. 175. edit. opt. Francof. M. DC. LXXIX. in 12. hanc enim Amstel. M. DC. LXII. in 12. vel ob præfationem B. Jacobi Thomæ & Indicem verum in Boxhornii Epistolis occurrentium meliorem habeo. Epistolam vero Boxhornii memoratam de Musica docte refutat Auctor Colloquior. Menstruor. Germanic. Mens. Septembr. anni CIO IDC XCII. p. m. 710. in 8vo. Magna de vi & Mulices efficacia memorabilem refert lib. XII. Historiæ Danicæ, p. m. 226. edit. opt. Soranæ, M. DC. XLIV. in fol. Saxo Grammaticus Historiam, ac ex eo Nicol. Caussin. his verbis: *Reversus Ericus cum more regio domi in propatulo cœnaret, inter alios quemdam Musicæ rationis Professore adesse contigit. Qui cum multa super artis suæ laudibus disputasset, inter cetera quoque sonorum modis homines in amentiam, furoremque pertrahi posse firmabat. Quin etiam tantas fidi- bus vires inesse dicebat, ut perceptis earum modulationibus adstantes mente constatu- ros negaret. Cumque an ejusmodi usu calleret interrogatus, peritiam fateretur, tum precibus Regis, tum etiam minis effectum præsentare compellitur. Qui cum nec vecordiæ metu, nec periculi prædictione imperatorem avertere potuisset, ne furori nocendi materia sup- peteret,**

teret, primum æde armis vacuata, complures extra auditum citharæ in ambitu collocandos curavit, oriente vesaniæ strepitum fores irrumpere, ereptamque manibus suis citharam capiti illudere iussos, ne ulterior ejus modulatio supervenientes quoque mente captos efficeret. Monuit quoque præsto esse, qui furentium vesaniæ valenter occurrerent, ne lymphantes, dementia in rixam versa, mutuis se ipsos viribus interimerent. Obtemperatum consilio est. Igitur armis domo egestis, claustrorumque custodia obseratis, fidibus operam dare exorsus, inusitatæ severitatis musam edidit. Cujus prima specie præsentis veluti mæstitia ac stupore complevit. Qui postmodum ad petulantiores mentis statum vegetioribus lyræ sonis adducti, jocabundis corporum motibus gestiendo, dolorem plausu permutare ceperunt. Postremo ad rabiem & temeritatem usque modis acrioribus incitati, captum amentia spiritum clamoribus prodiderunt. Ita animorum habitus modorum varietas inflectebat. Igitur qui in atrio Melodiæ expertes constiterant, Regem cum admissis demerere cognoscunt, irruptaque æde furentem complexi, comprehensum continere nequibant: quippe nimio capti furoris instinctus, eorum se valide complexibus eruebat. Naturæ siquidem ejus vires etiam rabies cumulabat. Victo itaque colluctantium robore procursum nactus, convulsus (lege convulsis) regiæ foribus, arreptoque ense, quatuor milium continendi ejus gratia propius accedentium necem peregit. Ad ultimum pulvinarium mole, quæ undique à satellitibus congerebantur, obrutus, magno cum omnium periculo comprehenditur. Ubi vero mente constitit, læsæ primum militiæ iusta persolvit. Ut autem acrioribus expiationis modis pœnitentiam ederet, redimendæ noxæ gratia, religiosæ peregrinationis propositum amplexatus est, Judæamque divinæ visitationis memoriæ venerabilem adire constituit. In quæ Saxonis verba hæc Stephanus Johannis Stephanus, p. m. 225. C. notat. In infinitum sermo excurreret, si vim illam ac potestatem, quam in omnem animæ nostræ

stræ habitum Harmonicus ille concentus exerceat, pluribus exemplis & documentis illustrare aggrederer. Unicum saltem adjiciam huic ipsi Saxonis narrationi consentaneum, de Gentium illo domitore Alexandro M. qui Antigénide tibicine modulante, usque adeo, velut lymphatico impetu incitatus, exarsisse dicitur, ut concussis armis se proripiens è mediis epulis, manus in adstantes, sono nempe bellico inlectus, intenderet. Nec multo post, mitiore sono tibiarum, ab armis ad epulas fuit revocatus. Plutarchus, lib. II. de Fortuna Alexandri. Juvat Ger. Jo. Vossius, cujus è libri de Musice cap. IV. §. 45. p. m. 56. edit. opt. Amstel. M. DC. LX. in 4to sequentia subjungo verba: Quod Timotheus cantu suo Alexandrum M. ad arma concitavit refert etiam Dio Chrysostomus, Orat. I. de Regno, (p. m. 1, 2.) & B. Basilius de legendis Græcorum, sive potius Gentilium libris. Ac geminum hisce, quod de Antigénida tibicine ἀρματέρων νόμον, seu modum harmation concinente refert Plutarchus, lib. II. de Fortuna, vel virtute Alexandri, p. 597. edit. Henr. Steph. ubi regem eum ait sic fuisse eo cantico inflammatum, ut cum impetu arma, quæ in proximo conspiceret, continuo arriperet, ac testimonium ferret Spartiatis ita canentibus: ἔρπει γὰρ πάντα τῷ σιδήρει τὸ καλὸς καὶ δαείσδειν. Quod Budæus reddidit: Urget enim in ferrum scite fidibus canere. (At non de Antigénida sed Timotheo id referunt alii in his Suidas in Τιμόθεος.) Mirum etiam exemplum de Citharædo & Erico II. (Bono) Daniæ Rege prodidit Saxo Grammaticus, lib. XII. p. 226. edit. Soranæ. Et illud Alexandri M. exemplo, quod jam vidimus simile de Hippolyto Medice, Cardinale in Pannonia apud exercitum (legatus erat) agente, narrat Hieronymus Magius, Var. Lect. lib. IV. cap. XIII. Et quid mirum, si Musica tantum in animos possit humanos; quando & equi tubarum cantu, ad prælium animantur? Quod cum

cum experientia sit notissimum, Plinium, Heliodorum, ceteros, nihil opus ad partes advocare. Hæc Ger. Jo. Vossius. Sed filio Isaaco Vossio idem non videtur, quod patri, in libro enim de Poëmatum Cantu & viribus Rythmi, Oxoniæ anno M. DC. LXXIII. in 8vo publicato, p. m. 58. f. hunc scribit in modum: Scio quidem ea quæ Saxo Grammaticus de quodam Daniæ prodidit rege, quo modo scil. ille Ciitharædi cantum ad furorem & insaniam usque redactus fuerit; sed profecto mera hæc fabellæ. Iste Grammaticus ut multa alia aliunde petita ad suos transtulit usus: sic quoque Historiolam, quæ de Alexandro & Timotheo narratur Musico, alicui generis suæ principii adscribere non dubitavit. Tantum abest ut barbaro isto seculo usquam terrarum, nedum in Dania, reperiri potuerit Musicus aliquis, qui solo Ciitharæ tactu vehementes adeo concitarit adfectus, ut nunc quidem longe florentiore Musica, ullus in tota reperiatur Europa, qui tale quid vel possit, vel audeat. Quibus an fidem Saxonis Vossius satis sollicitet, valde dubito.

§. X. Coronidis loco adjiciam elegantem doctissimi alicujus viri super morbo & morte Celeberrimi philosophi Renati Cartesii scriptam epistolam, nunquam, quantum adsequi potui, typis provulgatam, ita habentem. Vir amicissime, amicorum optime. Scis, ante plusculos menses, Cartesium Reginam salutatum in Sueciam venisse. Is heri quarta antelucana funesta peripneumonia confectus animam efflavit, tantoque (si dis placet) Philosopho indigna catastrophe vitæ fabulam clausit. Primo morbi biduo profundo somno sopitus, rheumatismo se destineri putabat, nil interim vel cibi, vel potus, vel Medicinæ sumens. Alterum biduum insomnis planeque irrequietus egit, victus remedii quæ æque abstinens. Diverterat D. Cartesius ad Excellentiss. Dn. Chanut, Legatum Gallicum, virum litteratum & gravem. Rogabat

gabat is instabatque apud ægrotum, accersi me, valedudinisque suæ curam habere, pateretur. Verum ille iterum iterumque obstinate negare, contraque, non adeo se Medicinæ rudem; ut aliena manū sibi sit opus, pertendere. Quare cum periculum in mora esset, optimaque Regina vel inviti rationem haberi vellet, jussu ejus Cartesium accedo, operamque, quanta in me est; quam humanissime offero. Admittor, quamvis etiamnum ægre. Verum paucis sermonibus ultro citroque habitis cum de morbi natura, deque remedii genere non idem sentiremus, sine fructu discessi. Venæ sectionem adeo contra gentis suæ morem, metuebat, ut ad solam ejus mentionem exhorresceret, & bis in hæc verba erumperet: *Messieurs espargnez le sang Francois*, tertiumque biduum *πενταμῶ* dari peteret. Ego interim cogitabam, invitum qui servat, idem facit occidenti: cumque instantis mortis non jam *σημεία*, sed *ἀναμνηστικὰ τεκμήρια* se proderent; manum libenter à morituro abstinebam. Elapso deinde tertio biduo falli se jam & febre teneri querebatur, eaque ex adloquio meo (paucorum licet verborum, minimeque contentioso) oborta. Non habui febrem Symmache, nunc habeo. Exsolvi mox brachium, sanguinemque sibi ter eadem die detrahi, satis pro attritis viribus copiose, jubet. Octavo die singultus, sputa nigra, respiratio *μετώρεθ*, oculi vagi, omnia funesta. Ille vinum poscit, quod infusum haberet tabacum, vomitu hostem exturbaturus; & mos erat gerendus, nisi in furorem plane conjicere voluisssem hominem obstinatum; ita tamen moderato consilio, ut vino aqua diluto levis sola immersione tabaci odor adflaretur, nec obesse magnopere posset remedium, alias in hoc adfectu tantum non occidere natum. Ego interea

terea post carecta latebam, & in urina δεινὸν βλέπων, tamquam anus fatidica mortis auguria canebam. Nono, omnia difficilia. Decimo, summo mane, animam DEO reddidit. Ita spero voveoque. Illud inprimis mirandum in eo fuit, quod, cum ipse Dn. Legatus in eodem prorsus morbo decumberet, idem Cartesius, me inconsulto, ne minimum quidem ægro fieri passus esset, singulaque remedia præsens levamen adferre vidisset, adeo tamen ab omni medicina & medici consilio toto morbi decursu alienus fuerit, ut ne adspectum quidem meum, nisi semel, sustinuerit, dicereque (*que s'il devoit mourir, il mourroit avec plus de contentement, s'il ne me voyoit point*) non erubuerit. Nunc mente fuisse motus, nec quidquam sani, nisi sub finem vitæ, de morbi sui more & modo protulisse dicitur. Valde caute! ut recuperate sanitatis laus soli ægro, commissi erroris scditas morbo imputaretur. Audit sane ille passim vir magnus: sed tamen ego homuncio nolim me sic laudari, & tam magnis ausis ejusmodi colophonem imponere. Verum non decet fortassis tenuitatem meam virgula censoria configere virum incomparabilem; nescio enim, cui comparem: adeo ille in fatuo hoc Philosophandi modo palmam meretur. Quare ut de cunctis illis sapientiam hactenus professis male meruit: ita debitum illi decus posteritatem rependere facile patior. Verbum nec amplius addo. Parum enim abest, quin serio irascar tam protervis ingeniis. Vale. Stockholmæ XII. Februar. 1650.



INDEX RERUM.

A.

A Δ Η Σ quid significet? 121. f.

Allegationibus magnorum virorum non semper credendum. 23.

Amuleta varia. 131. f.

Apollonii Collatii editiones. 5.

Attinet me, pro attinet ad me. 104. f.

B.

BALDUINI (Frider.) nova editio *Commentarii in res ultimos Prophetas destituitur præfatione.* 2.

BECKMANNI (Christiani) *præfatio Originibus Latine Linguae præmissa novis editionibus omissa est.* 6.

BEZÆ *præfatio quædam Calvinii Commentariis in Epistolâ Pauli præfixa de-*

sideratur recentioribus in editionibus. 4. *Adnotationes in Nov. Testam. laudantur.* 58. *Quid in iis nonnullis displiceat?* 59. *Ejus ad Lydium inedita hætenus epistola.* 60.

BIBLIA Πολυγλωττα *Waltoni quid contineant, cuiusque valoris?* 43.

Bibliotheca Heidelbergensis. 113.

BISTERSFELDII (Joh. Henr.) *laudatur & culpatur.* 29. f.

BODINUS *an in Angliam procatum ieverit pro principe suo Alenxonio?* 100. *Ejus error.* 101. f.

BONIFACIUS VIII. & IX. *quando vixerint?* 128. f.

BORREMANSIUS (Antonius) *notatur.* 65. f.

BORRICHII (Olaus) *notatur.* 26.

BUXTORFII *Thesaurus Grammaticus*

INDEX RERUM.

maticus & Lexicon Hebrææ linguæ laudantur.

III, II2.

C.

CAdaver an de homine quoque dici possit? 105.

Cæsaries an de capillo mulieris quoque usurpetur? 103.

Cæsaris (Julii) Comment. editiones. 8.

Calovius (Abrah.) laudatur à Mersenno. 30.

Camerarii (Joach.) laus & lapsus. 77. f. 109.

Camero (Joh.) 31.

Cartesii (Renati) pertinacia, morbus, mors. 141, 142, 143.

Casellii (Joh.) præfatio Aldi Manutii Phrasibus præfixa male ceteris in editionibus omissa est. 4. Programma, quo indixit explicationem concionum Thucydidearum. 81. f. Carmen. 86. f.

Casaubonus (Isaacus) memoria fallitur. 88. f.

Catalogi librorum recensentur. 9.

Catlii (Jac.) opera censentur. 124.

Catulli editiones. 7. 15.

Ciceronis operum editiones. 8.

Comenii (Joh. Amos.) de Janua quid habendum? 41.

Conringii (Herm.) Epistole laudantur. 13.

Contumeliam facere an recte dicatur? 106.

Crameri (Danielis) Scholæ Propheticæ editio nova non est optima. 2.

Cratandri (Andr.) præfatio in Epistolas Plinii male novis in editionibus omissa est. 5.

Crocii (Joh.) Commentar. in Epp. Pauli nova editio destituitur præfationibus. 2.

Cyprianus emendatur. 114. f.

D.

ΔΑΙΜΟΝΙΟ & quomodo apud Homerum usurpetur? 109.

Dallæi (Joan.) elogium & lapsus. 88, 89.

Demosthenes quoties Thucydidem descripserit? 79.

Dictatorum Roman. potestas. 102.

E. Editiones

INDEX RERUM.

E.

Editiones librorum novæ
non semper optimæ.
1. f. Qui doceant, quæ
sint optimæ? 8. f. Editio-
nes Romanor. Parisiis in
usum Delphini impressæ
censentur. 15.

*Effata universalis in Philolo-
gicis & Criticis temeraria.*
104.

Elmhurstius (Geverh.)
debet cedere Wouwero in
eruditione. 99.

Emmius (Ubbo) quis? 65.

*Erasmi Adagiorum & Epi-
stolar. laus & editiones,*
7, 11. lapsus. 71. f.

*Eusebii Præparatio Evan-
gel. è quibus sumta?* 125,
126.

F.

Febres quartanæ depellen-
de miri modi. 131. f.

Fewrbornii (Justi) opera
junctim male edita sunt. 3.

*Frischlini (Nicodemi) &
ejus Nomenclatoris laus.*
41, 135.

Fromondus (Libertus)
quis? Errat. 100.

G.

GAtakerus (Thomas)
male Varronem addu-
cit. 114.

*Gellius adducitur & refelli-
tur.* 135.

*Glaffii (Salomonis) Philo-
logia laudatur.* 58, 111.

*Græcæ Grammaticæ mul-
tæ.* 110.

Grammatici quanti viri? 75,
76.

*Grammatica Pasoris lauda-
tur & notatur.* 110. f.

Grotii (Hugonis) memoria
& memoriæ lapsus. 21.

Epistola. 31. f.

Annales Suecici. 22.

*libri enumerantur, & vi-
tuperantur.* 24. alienis vi-
det oculis. 70.

Gruteri (Iani) in Lampade
Critica quid desideretur? 6.

H.

Heideggeri *Epistola nar-
rans obitum Hottinge-
ri.* 16. f.

*Heinsius (Daniel) lauda-
tur & culpatur.* 62, 63. f.

Hercules cur μέλλαρθῶ
dictus? 126. f.

K 2 Homericæ

INDEX RERUM.

Homericæ incantationes & amuleta. 132.
 Hopfneri (Henr.) opera male curata sunt à Typographis. 3.
 Hottingeri mors. 16. f.
 Hulsemanni (Joh.) Animadversionum in Bellarminum nova editio non optima. 2.
 Hyperii (Andreas) libros de Theologo supplicavit Villavincentinus. 3.

I.

Iesuitarum superbia. 57.
 Ignorantia. 76, 107. f.
 Indices novis in editionibus librorum omitti saepe. 14. 15.
 Jubileos Papistarum annos quinam Papæ instituerint? 129. f.
 Junii (Hadriani) epistola, 33. f. Nomenclatoris laus. 34. defectus. 35, 36.
 Juramenta veterum explicantur. 134, 135.

L.

Lambinus (Dionys.) qua ratione quartana febris liberatus sit? 131. f.

Lapide (Cornelius à) laudatur & vituperatur. 57.
 Laurentii (Jacobus) laudatur & culpatur. 70.

M.

Magdeburgensium centuriarum nova editio non est optima. 2.
 Manutisio quotuplex? 90. f.
 Manutii (Aldi) in Plinii epistolas præfatio male novis in editionibus omissa est. 5.
 Mehercule, Mecastor, &c. jurandi formulæ explicantur & rejiciuntur. 135, 136.
 Μέλας & c. cur Hercules dictus? 126. f.
 Melvinus laudatur. 32.
 Menochius (Jacob.) reprehenditur. 57.
 Mentzeri (Balth.) Opera in 4to male curata sunt. 3.
 Miltoni solacismus. 77.
 Molinæ (Petri) error. 73. f.
 Montanus (Benedictus Arias) laudatur. 57.
 Mori (Thomæ) lapsus. 78. filie Margarete laus. 114. f.
 Mureti orationum & epistolarum editio Lipsiensis censetur.

INDEX RERUM.

setur. 12.
Musicae moduli quam varii.
Veteres non temere reji-
ciendi. 137.

N.

Nidulus vel nidus quomo-
do usurpentur? 105.

Noldii (Christ.) Concor-
dantiae laudantur. 58, 112.

Nomenclatorum Junii, Frisch-
lini, Schævii laus & de-
fectus. 34, 40, 41.

Nubere an de viro usurpe-
tur? 103.

O.

Onuphrius Panvinius
laudatur. 126.

Oxomensis (Petrus) quis
fuerit, quidque docuerit?
129. f.

P.

Petavii (Dionysii) in
Rationarii Temporum
nova editione praefatio omis-
sa est. 5, 6.

Pincierus notatur. 135.

Poli (Matthæi) Synopsis
Criticorum tanti non est.
46. f.

Praefationes librorum in mul-
tis novis editionibus sunt
omissae. 2, 5. earum laus.

10. f. qui auctores illas
collegerint & ediderint?

13.

Præter pro contra usurpa-
tur. 103.

Puteani Pompa Prospo-
netica laudatur. 14.

R.

Restaurare quale verbum?
105.

Riveti lapsus. 26. ejusdem
epistola. 27. f.

Rohini (Joh.) de Antiqui-
tatibus quid sentiendum?
41. f.

Ruperti (Christoph. Ada-
mi) lapsus. 69.

S.

Sacrificium fuit tam in ho-
noribus heroicis quam
divinis. 107. f.

Salica Lex unde dicta? 95. f.

Salmasii epistola, in qua
Grotius comparatur cum
Vossio. 24. f.

Sanchuniathon quis fuerit.
quidque scripserit? 125.

Savonarolæ (Hieron.)
laus & mors. 130.

Scaligeri (Josephi) epi-
stola. 98. f.

Schottus

INDEX RERUM.

Schottus (Andreas) *notatur.* 128. f.
 Seldenus (Joh.) *laudatur ac notatur.* 126.
 Seldii (Joh. Christoph.) *Topicæ Calvin. nova editio in 8vo non est bona.* 2.
 Serenus Samonicus *adducitur & illustratur.* 131.
 Solæcismus *an recte ita dicatur?* 105.
 Stephani (Henrici) *præfatio in Novum Testamentum laudatur.* 3.
 Sturmius (Joh.) *laudatur.* 34. f.
 Suetonii *edit. laudantur.* 6.
 Sylvii (Francisci) *Progymnasmata.* 23.

T.

Thomasi (Jac) *editiones Mureti, Boxhornii examinantur.* 12.
 Tilenus *laudatur.* 31.
 Tortare *an dicatur Nonio?* 26.
 Turnebi (Adriani) *lapsus.* 79.

V.

Valerii Maximi *editiones.* 104.
Varicana Bibliotheca an Heidelberg. aucta sit? 113.

Vergilii (Polydori) *libri de rerum invent. sunt in Indice expurgator.* 66. *ubi simul quænam editio optima docetur.* 67.
 Vincentii Lyrinensis *Commonitoria censentur.* 104. f.
Universalia effata in Criticis & Philologicis temeraria. 104.
Vocum cognitio Latina pueris admodum necessaria. 35. f.
 Vorstius (Jo.) *notatur.* 102. f. 104.
 Vossii (Ger. Jo.) *Institutionum Oratoriæ. editiones.* 12. *lapsus.* 22, 107. *scripta cum laude recensentur.* 24. f.

W.

Waltoni (Briani) *Πολύλωπα Biblia quid contineant, cujusque ætatis?* 43.
 Weäclus (Jo.) *quis fuerit, quidque docuerit?* 130.
 Windetus (Ja.) *notatur.* 121.
 Wittebergens. *Tomi Intimationum & Declamationum rari.* 13.
 Wouweri *quot fuerint?* 97. (Joh.) *elogium.* 98.

FINIS.

